

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**S ČETRNAESTE SJEDNICE GRADSKOG VIJEĆA TUZLA ODRŽANE 28.  
APRILA 2022. GODINE U POSLOVNOM OBJEKTU „GRAFIČAR“ S POČETKOM  
U 10 SATI**

**- SJEDNICI PRISUSTVUJE 31 VIJEĆNIK**

**U Tuzli, april 2022. godine**

## **NATAŠA PERIĆ – predsjedavajući Gradskog vijeća Tuzla**

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 14. redovnu sjednicu Gradskog vijeća.

Konstatujem, da prema evidenciji Stručne službe Gradskog vijeća, sjednici prisustvuje 28 od ukupnog broja vijećnika.

Za današnju sjednicu svoje kašnjenje su najavili vijećnici

1. Zijah Rifatbegović
2. Admir Hasanbašić i
3. Šefik Husić

Predlažem da im opravdamo kašnjenje.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram, sa 13. redovne sjednice Gradskog vijeća Tuzla, održane 31. marta 2022. godine.

Da li ima primjedbi na Zapisnik?

Ako nema, stavljam na izjašnjavaње i molim vijećnike da uzmu svoje aparate i da se izjasne. (Neće.) Prema Janji. U pravcu Janje. Jesul uključeni? (Neće.) Ako vam ne rade molim vas do Janje da promijeni bateriju? Poništavam glasanje. Molim vas da u pravcu mikrofona usmjerite aparate, a ne prema nama. Molim vas jesul svi? A nisu. Esana?

Molim vijećnike da ponovo uključe svoje aparate, odnosno da glasaju za Zapisnik sa prošle sjednice. Glasanje je okončano.

Konstatujem da je Zapisnik sa prošle sjednice usvojen sa, 28 glasova za, nije bilo protiv i nije bilo suzdržanih.

Za današnju 14. redovnu sjednicu Gradskog vijeća Tuzla predlažem dnevni red koji ste dobili u materijalu.

Admir Čavalić, vijećnik Stranke za Bosnu i Hercegovinu je predložio da se u dnevni red 14. redovne sjednice Gradskog vijeća Tuzla uvrste sljedeće tačke dnevnog reda pod:

1. Informacija o usvajanju Statuta mjesnih zajednica na području grada Tuzla i pod
2. Informacija o dinamici organizacije izbora u mjesnim zajednicama na području grada

Tuzla.

Hoćete li dati kratko obrazloženje?

## **ADMIR ČAVALIĆ – vijećnik Stranke za Bosnu i Hercegovinu**

Hoću. Hvala vam puno predsjedavajuća. Dakle, vezano za dopunu dnevnog reda u vezi Informacije o usvajanju Statuta mjesnih zajednica na području grada Tuzla. Istina je da smo mi dobili informaciju od Službe Gradskog vijeća i Službe za Komunalne poslove, izgradnju i poslove mjesnih zajednica međutim, u okviru navedene nemamo precizirano i to mene zanima, ja sam uputio vijećničko pitanje koje to mjesne zajednice nisu uspostavile, usvojile svoje statute dakle, nisu uradile domaću zadaću zašto? Jer pazite u informaciji se navodi da mi već kasnimo. Jer u roku od 6 mjeseci od dana stupanja na snagu ovog statuta savjeti mjesnih zajednica su dužni donjeti statute mjesnih zajednica i izvršiti sve poslove organiziranja mjesnih zajednica u skladu sa odredbama ovog statuta. To je bilo dakle, od 28. 05. 2021. godine. Rok je prošao u novembru znači, da evo sada već gotovo 6 mjeseci još kasnimo dakle, dodatno. Godinu dana dakle od usvajanja Statuta gotovo nismo, nemamo statute mjesnih zajednica.

Mislim da je ovo veoma bitno da razmotrimo čisto da kao Gradsko vijeće donesemo zaključak da tražimo da se vodi računa o rokovima, da se ne krše dakle, rokovi jer nema smisla onda uopšte postavljati iste. I mislim u tom smislu da je vrlo bitna ova tačka dnevnog reda.

Što se tiče druge tačke.

## **NATAŠA PERIĆ**

Samo malo da se sad izjasnimo vezano za vašu prvu, vaš prvi prijedlog.

Molim vijećnike da se izjasne. Poništavam glasanje. Ponovo. Molim ponovo da se izjasnimo o prijedlogu vijećnika Admira Čavalića. Poništavam glasanje. Molim samo malo koncentracije. Glasanje je okončano.

Konstatujem da je za prijedlog vijećnika Admira Čavalića,

9 vijećnika glasalo za, niko nije bio protiv i 20 suzdržanih tako da prijedlog nije dobio potrebnu većinu.

Izvolite za drugi prijedlog.

## **ADMIR ČAVALIĆ**

Dakle, drugi prijedlog je još važniji i odnosi se na organizaciju izbora u mjesnim zajednicama na području grada Tuzla.

Opet se vraćam na ovu informaciju koju ste svi dobili od nadležnih Službi. Posebna zahvala dakle, gospođi Nuhbegović i gospođi Uljić gdje oni sami navode da imajući u vidu prednje ovim, ovom prilikom ističemo da nadležne Službe kao obrađivači gore navedene materijale upućene za dnevni red 10. sjednice Gradskog vijeća još uvijek nemaju informaciju Kolegija Gradskog vijeća vezano za dostavljeni Nacrt odluke o načinu organiziranja i provođenja izbora za članove savjeta mjesnih zajednica na području Grada Tuzla. I navodi se dalje: Te iz tog razloga predmetna odluka nije upućena u dalju proceduru. Dakle, predstavnice Službi, hvala im na tome direktno prebacuju odgovornost na Kolegij Gradskog vijeća, odnosno Gradsko vijeće Grada Tuzla zašto nema izbora u mjesnim zajednicama.

Zbog toga smatram da bi mi preuzeli političku odgovornost, da bi mi bili na strani da kažemo istine, demokratije i organizacije izbora predlažem da se pod hitno raspravlja o ovoj tački dnevnog reda. Da donesemo zaključke da pod hitno, ako treba da organizujemo sad i Kolegij, da se usvoji onaj nacrt, prihvati i da se krene u organizaciju izbora u mjesnim zajednicama i da se ubrzaju ovo donošenje statuta. Hvala.

## **NATAŠA PERIĆ**

U redu hvala.

Pozivam vijećnike da se izjasne o prijedlogu vijećnika Admira Čavalića da se u dnevni red sjednice uvrsti Informacija o dinamici organizacije izbora u mjesnim zajednicama na području grada. Glasanje je okončano.

Konstatujem da je za prijedlog vijećnika Admira Čavalića da se u dnevni red današnje sjednice uvrsti tačka Informacija o dinamici organizacije izbora u mjesnim zajednicama na području grada Tuzla,

9 vijećnika glasalo za, 1 je bio protiv i 19 suzdržanih tako da prijedlog nije dobio potrebnu većinu.

Vijećnik Omer Berbić, vijećnik Naše stranke, je predložio da se u dnevni red 14. redovne sjednice Gradskog vijeća Tuzla uvrste sljedeće tačke dnevnog reda pod:

1. Stanje u Fudbalskom klubu „Sloboda“ pod
2. Stanje spremnosti civilne zaštite za slučaj jačeg zemljotresa i pod
3. Izbori u Mjesnim zajednicama.

Izvolite vijećniče Berbiću. (OMER BERBIĆ – Hvala ljepo.) Nakon. Ja jednu po jednu tačku.

### **OMER BERBIĆ – vijećnik Naše stranke**

OK. Evo stanje u Fudbalskom klubu „Sloboda“. Znači, Grad Tuzla, odnosno Gradsko vijeće svojim glasanjem za Budžet Fudbalskom klubu „Sloboda“ daje veliki dio sredstava. U ta sredstva ulaze i ona za reprogram duga i ostala za operativne troškove. Međutim, stanje u Fudbalskom klubu „Sloboda“ je takvo. Govorim sad o igračkom dijelu. Govorim o sportskom dijelu. Tako da se mi borimo za opstanak. E sad ovdje se postavlja iduće pitanje. Ko će biti odgovorom ukoliko Fudbalski klub „Sloboda“ ne izbori opstanak ove sezone? Da li Gradsko vijeće ima mogućnosti da uradi još više za Fudbalski klub „Sloboda“ kako bi mi potaknuli na neki način igrače i da svojom igrom i da svojom predstavom na terenu izbore opstanak u Premijer ligi, jer nam dolazi pet najtežih utakmica?

Ovo je pitanje mislim trenutno svih pitanja u hajde da kažemo u fudbalskom, fudbalskom dijelu Grada Tuzla. I smatram da bi Gradsko vijeće kao najveći, najveći donator, kao najveći finansijer FK „Slobode“ trebalo da raspravlja o trenutnom stanju u klubu i da napravimo te neke pozitivne odluke, pozitivne zaključke koji bi pomogli FK „Slobodi“ da opstane u ligi. Ovo je minut do dvanaest i nadam se da ćete ozbiljno shvatiti i da ćete glasati za ovaj prijedlog kako bi zajedno sa Službom koja nije imala ništa protiv, odnosno koja je rekla da nema, da ne postoji zakonske prepreke da im se na neki način poboljša likvidnost i napravili odluke evo danas već na Gradskom vijeću da se izborimo za opstanak u Premijer ligi. Hvala ljepo.

### **NATAŠA PERIĆ**

Molim vijećnike da se izjasne o prijedlogu vijećnika Omera Berbića da se u dnevni red uvrsti tačka pod nazivom: Stanje u Fudbalskom klubu „Sloboda“. Glasanje je okončano.

Konstatujem da je za prijedlog vijećnika Omera Berbi...Molim? Pogriješili. Dobro hajde poništavam glasanje. Ponovo molim vas. Pa molim? De molim vas se malo skoncentrišite. (SLAĐANA KRAJINA – Molim vas jedan za, dva protiv, tri suzdržan.) Poništavam glasanje. Hajde molim vas malo koncentracije. Glasanje je okončano.

Konstatujem da je za prijedlog vijećnika Omera Berbića da se u dnevni red današnje sjednice uvrsti tačka pod nazivom: Stanje u Fudbalskom klubu „Sloboda“;

8 vijećnika glasalo za, niko nije bio protiv i 21 suzdržan tako da prijedlog nije dobio potrebnu većinu.

Možete drugu, drugi prijedlog.

### **OMER BERBIĆ**

Pa evo Stanje spremnosti civilne zaštite za slučaj jačeg zemljotresa.

Vidjeli smo u zadnjih pet-šest dana da je Bosna ai Hercegovina opet ove godine pod tim da kažemo tektonskim udarima i da jači zemljotresi mogu da se vide u Hercegovini ali koji dolaze i dole prema Tuzli. Koji se spuštaju prema Tuzli.

Ovdje se postavlja jako ozbiljno pitanje stanja spremnosti civilne zaštite za slučaj jačeg zemljotresa da znamo s čim raspolažemo, da znamo koliko je civilna zaštita spremna i da znamo da li treba da civilnu zaštitu u ovom trenutku mi kapacitiramo kako bi bilo još spremniji ukoliko se desi neki razorniji zemljotres koji bi možda naštetio građanima i zdravlju i imovini građana Grada Tuzla.

Tako da ovo je evo neki moj apel za preventivno djelovanje. Mislim da ovdje nema ništa sporno. Da bi civilna zaštita mogla da dođe, odnosno načelnik Štaba civilne zaštite mogao da dođe i da nam kaže koliko su spremni. Da nam se iznese ono šta treba civilnoj zaštiti da bi bili još spremniji i da eto u tom kontekstu nekako reagujemo kao Gradsko vijeće. Da donesemo određene zaključke i možda eventualno da damo novca za nešto što bi bilo izuzetno neophodno u slučaju jednog ovakvog scenarija. Hvala ljepo.

## **NATAŠA PERIĆ**

U redu. Stavljam na izjašnjavanje prijedlog vijećnika Berbića da se u dnevni red uvrsti tačka pod nazivom: Stanje spremnosti civilne zaštite za slučaj jačeg zemljotresa. Molim da se izjasne. Glasanje je okončano.

Konstatujem da je za prijedlog vijećnika Berbića da se uvrsti tačka pod nazivom: Stanje spremnosti civilne zaštite za slučaj jačeg zemljotresa,

9 vijećnika glasalo za, niko nije bio protiv i 20 suzdržanih tako da prijedlog nije dobio potrebnu većinu.

Molim vijećnika Berbića da obrazloži treću, treći prijedlog.

## **OMER BERBIĆ**

Evo Izbori u Mjesnim zajednicama. Prošli puta na Gradskom vijeću smo raspravljali, imali smo vanredni Kolegij gdje smo donjeli zaključak da nam Služba obrazloži. U ovom što sam ja dobio, odnosno što smo mi dobili od Službe nema nikakvih da kažemo pravnih smetnji da se održe Izbori u Mjesnim zajednicama.

Tu je Statut Grada kojeg smo mi jedno-glasno koncenzusom usvojili. Statut grada je to propisao. Gradsko vijeće ne bi trebalo da krši Statut Grada koje je samo donijelo prije par mjeseci. Tako da mislim da kada je u pitanju evo ova informacija gdje Služba kaže: Mjesto i vrijeme održavanja Izbor savjeta mjesne zajednice, organa za sprovođenje izbora, sredstva potrebna za sprovođenje izbora, način utvrđivanja i proglašavanja rezultata izbora kao i druga pitanja u vezi sa Izbornim procesom za savjete mjesnih zajednica uređuju se Odlukom Gradskog vijeća.

Mi trenutno na ovom dnevnom redu imamo šesnest, šesnest tački dnevnog reda u kojem imamo tačke koje apsolutno nisu bit-ne za život građana, a smatram da bi jedna ovakva tačka bila vrlo-vrlo bitna zato što bi mjesne zajednice vratili u funkciju i mjesne zajednice bi počeli da rade svoj posao onako kako treba i krenule bi da se rješavaju one rupe na cesti i ostalo što je trenutno u gradu jedan od većih problema kanalizacija itd.

Tako da evo Gradsko vijeće bi trebalo možda opet vanredni Kolegij da napravi i da napiše ovaj dio koji smo dobili od Službe, da ga usvojimo kao odluku i da u tom kontekstu idemo evo pred kraj ove godine sa Izborom za mjesne zajednice i da se na taj način napokon demokratizira ta lokalna mjesna politika. Hvala ljepo.

## NATAŠA PERIĆ

U redu hvala. Stavljam na izjašnjavanje prijedlog vijećnika Berbića da se uvrsti tačka pod nazivom: Izbori u Mjesnim zajednicama. Glasanje je okončano.

Konstatujem da je za prijedlog vijećnika Berbića da se uvrsti tačka pod nazivom: Izbori u Mjesnim zajednicama,

9 vijećnika glasalo za, niko nije bio protiv i 20 suzdržanih tako da prijedlog nije dobio potrebnu većinu.

Sada stavljam na izjašnjavanje dnevni red u cjelini i molim vijećnike da se izjasne. Glasanje je okončano.

Konstatujem da je dnevni red današnje sjednice usvojen sa,

27 glasova za, 2 vijećnika su bila protiv i niko nije bio suzdržan.

### DNEVNI RED

**- Usvajanje Skraćene verzije Zapisnika sa 13. redovne sjednice Gradskog vijeća Tuzla, održane 31. 03. 2022. godine**

**1. VIJEĆNIČKA PITANJA I INICIJATIVE**

**2. RAZMATRANJE I USVAJANJE ODLUKE O BRATIMLJENJU GRADA TUZLE I OPĆINE CAMPI BIENZIO (FIRENCA) IZ REPUBLIKE ITALIJE**

**3. RAZMATRANJE I USVAJANJE ODLUKE O IZMJENI I DOPUNI POSLOVNIKA GRADSKOG VIJEĆA TUZLA**

**4. RAZMATRANJE I USVAJANJE ODLUKE O DODJELI JAVNIH PRIZNANJA U 2022. GODINI**

**5. RAZMATRANJE I USVAJANJE ODLUKE O ODRŽAVANJU, UPRAVLJANJU I KORIŠTENJU SKLONIŠTA U MIRU**

**6. RAZMATRANJE I USVAJANJE ODLUKE O IZBORU NAJPOVOLJNIJIH PONUDA ZA ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU GRADA TUZLE**

**7. RAZMATRANJE I USVAJANJE:**

**a) ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA**

**b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TURISTIČKA ZAJEDNICA GRADA TUZLA (ZA POSLOVNI PROSTOR U UL. TURALIBEGOVA BR. 5)**

**c) ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TURISTIČKA ZAJEDNICA GRADA TUZLA (ZA POSLOVNI PROSTOR U UL. SONI TRG BR. 8)**

**d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TRADICIONALNI I STARI ZANAT – BERBER SHOP „OLD SCHOOL“, VL. IMŠIROVIĆ AMAR**

**e) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM LUTRIJA BIH DOO SARAJEVO**

**f) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM UDRUŽENJE FORUM GRAĐANA TUZLA**

**8. RAZMATRANJE I USVAJANJE ODLUKE O UTVRĐIVANJU PRIJEDLOGA KANDIDATA ZA IMENOVANJE NA UPRAŽNJENA MJESTA**

**ČLANOVA NADZORNOG ODBORA IZ REDA DRŽAVNOG KAPITALA U CENTRALNO GRIJANJE D.D. TUZLA (sa rang listom najuspješnijih kandidata)**

**9. RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU JKP KOMEMORATIVNI CENTAR D.O.O. TUZLA ZA IMENOVANJA DIREKTORA DRUŠTVA (sa rang listom kandidata)**

**10. RAZMATRANJE I USVAJANJE:**

**a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA IZ REDA STRUČNIH ZAPOSLENIKA JAVNIH USTANOVA ČIJI JE OSNIVAČ GRAD TUZLA (sa tekstom Javnog oglasa)**

**b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANOVA NADZORNIH ODBORA IZ REDA STRUČNIH ZAPOSLENIKA JAVNIH USTANOVA ČIJI JE OSNIVAČ GRAD TUZLA**

**c) RJEŠENJA O IMENOVANJU KOMISIJE ZA IZBOR ČLANOVA NADZORNIH ODBORA IZ REDA STRUČNIH ZAPOSLENIKA JAVNIH USTANOVA ČIJI JE OSNIVAČ GRAD TUZLA.**

**11. RAZMATRANJE I USVAJANJE:**

**a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA U JAVNOM PREDUZEĆU I JAVNIM KOMUNALNIM PREDUZEĆIMA U KOJIMA GRAD TUZLA VRŠI OVLAŠTENJA PO OSNOVU DRŽAVNOG KAPITALA (sa tekstom Javnog oglasa)**

**b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE NADZORNIH ODBORA U JAVNOM PREDUZEĆU I JAVNIM KOMUNALNIM PREDUZEĆIMA U KOJIMA GRAD TUZLA VRŠI OVLAŠTENJA PO OSNOVU DRŽAVNOG KAPITALA,**

**c) RJEŠENJA O IMENOVANJU KOMISIJE ZA IZBOR ČLANOVA NADZORNIH ODBORA U JAVNOM PREDUZEĆU I JAVNIM KOMUNALNIM PREDUZEĆIMA U KOJIMA GRAD TUZLA VRŠI OVLAŠTENJA PO OSNOVU DRŽAVNOG KAPITALA.**

**d) ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENA MJESTA DVA ČLANA NADZORNOG ODBORA IZ REDA DRŽAVNOG KAPITALA U JKP SAOBRAĆAJ I KOMUNIKACIJE D.O.O. TUZLA.**

**e) ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENA MJESTA DVA ČLANA NADZORNOG ODBORA IZ REDA DRŽAVNOG KAPITALA U JKP KOMEMORATIVNI CENTAR D.O.O. TUZLA.**

**12. RAZMATRANJE I USVAJANJE IMOVINSKO-PRAVNIH AKATA**

**a) Odluke o opterećenju zemljišta pravom građenja na lokalitetu Poslovne zone “Kreka Sjever” u Tuzli putem javnog nadmetanja – licitacije (sa tekstom Javnog oglasa)**

**b) Rješenja o imenovanju Komisije za provođenje Javnog oglasa o opterećenju zemljišta pravom građenja na lokalitetu Poslovne zone “Kreka Sjever” u Tuzli putem javnog nadmetanja – licitacije**

**c) Odluke o prodaji nekretnine u vlasništvu Grada Tuzle neposredom pogodbom i davanju saglasnosti na zaključenje ugovora o prodaji**

**13. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2021. GODINU**

**a) JZNU Dom zdravlja s poliklinikom „Dr. Mustafa Šehović” Tuzla**

**b) JU Centar za kulturu Tuzla**

c) JU Narodno pozorište Tuzla

d) JU za predškolski odgoj i obrazovanje „Naše dijete“ Tuzla

#### 14. RAZMATRANJE:

a) INFORMACIJE O PROVEDENOM POSTUPKU PO JAVNOM OGLASU ZA IZBOR PREDSJEDNIKA UPRAVNOG ODBORA JU CENTAR ZA SOCIJALNI RAD TUZLA, ČIJI JE OSNIVAČ GRAD TUZLA (sa rang listom najuspješnijih kandidata)

b) INFORMACIJE O PROVEDENOM POSTUPKU PO JAVNOM OGLASU ZA IZBOR I IMENOVANJE PREDSJEDNIKA I ČLANOVA NADZORNIH ODBORA U JAVNIM USTANOVAMA, ČIJI JE OSNIVAČ GRAD TUZLA (sa rang listom najuspješnijih kandidata)

c) INFORMACIJE O PROVEDENOM POSTUPKU PO JAVNOM OGLASU ZA IZBOR ČLANA UPRAVNOG ODBORA IZ REDA STRUČNIH ZAPOSLENIKA U JU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA, ČIJI JE OSNIVAČ GRAD TUZLA (sa rang listom najuspješnijih kandidata)

#### 15. RAZMATRANJE IZVJEŠTAJA KOMISIJE ZA IZBOR I IMENOVANJA

#### 16. TEKUĆA PITANJA

a) Obavještenje JU Narodna i univerzitetska biblioteka „Derviš Sušić“ Tuzla o razlozima prolongiranja izrade Izvještaja o radu i poslovanju za 2021. godinu

Prelazimo na prvu tačku:

#### VIJEĆNIČKA PITANJA I INICIJATIVE

Molim vas samo da prilikom čitanja i pitanja i inicijativa budete što kraći radi efikasnosti jel svakako ide prema službama i drugim distancama.

Prvo pitanje postavio je vijećnik Admir Čavalić. Izvolite. Tri pitanja.

#### ADMIR ČAVALIĆ

Hvala vam puno predsjedavajuća.

Moje prvo pitanje vrlo aktuelno, nažalost da kažemo ima direktne veze sa nedavnom saobraćajnom nesrećom koja se desila na Brčanskoj Malti.

Zanima me ko je odgovoran za rupu u ulici Armije BiH i kada će se sanirati ista?

24. 04. se desila izuzetna saobraćajna nesreća - troje građana je povrijeđeno (jedno lice je bilo maloljetno). Meni su se roditelji javili ovog lica dakle, gdje su objasnili šta se desilo. Na fotografijama koje dostavljam ovde i prosljedio sam dakle, tačno se vidi da je ta rupa neobilježena, neurađena, nesređena, neko je izrovario i desilo se ono našto su građani po fejbuku upozoravali dakle, pet do deset dana ranije da će se nedobog dakle, doći do nesreće. U konkretnom slučaju jedna osoba je-ste vjerovatno vozila malo brže, ali to je nebitno u kontekstu rupe zato što je druga osoba kao što mi to svakodnevno radimo zaobilazila tu rupu i slučajno ušla u drugu traku i nastao je izuzetan udes. Ovdje možete vidjeti dakle, to je potreslo čitav naš grad i generalno mještani ove ulice se žale dakle, non-stop na rovarenja koja se dešavaju.

Mene zanima ko je odgovoran, ko preuzima odgovornost, javno preduzeće, Pravobranilaštvo, Grad Tuzla, gradonačelnik, Gradsko vijeće i koga se može tužiti dakle?

U tom smislu i tužba može ići po dva osnova. Postojanje rupe dakle, što se nije zakrpila ili drugi osnov okej je evo priznajemo nek postoje ali dajte da postavimo znakove dakle, koji upozoravaju vozače da ima neka rupa tu. Ovdje znaka nije bilo.

I takođe dakle, navodim urgenciju da se data rupa što prije sanira.



Već sutradan i to je žalosno dakle, to nije dobro. Već sutradan nakon nesreće neko je došao i posuo neki pijesak, neki materijal preko međutim, to nije dugoročno rješenje ona se mora sanirati čim prije.

Mislim da je ovo pitanje svih pitanja i volio bih da dobijem odgovor i volio bih da se malo ozbiljnije dakle, radi na ovom, jer prvi put evo, možda nije prvi put al prvi put kako ja evidentiram imamo ljudske živote.

Ko je taj ko u našem gradu donosi neke odluke zbog kojih ljudi stradaju? Ko je taj? Da li može spavat dakle, noćima ako zna da se to dešava?

Drugo pitanje:

Kako se vrši obračun naknada za održavanje jednog zajedničkog vodomjera u zgradama?

Zanima me dakle, mještani su mi jedne zgrade poslali dakle, zanima in zašto ne ide naknada za održavanje dakle, pojedinačno, zašto se tu naplati više. To prilazem. Neću ga puno obrazlagat to pitanje.

I treće pitanje me zanima:

Kada će se vratiti stubići oko dječijeg igrališta, odnosno parka na Bulevaru?

Ranije su postojali ti stubići koji su onemogućavali parkiranje oko dječijeg igrališta na Bulevaru (ulica Aleja Alije Izetbegovića). Uslijed rekonstrukcije pristupnog puta oni su uklonjeni.

Zanima me kada će se vratiti na prvobitnu lokaciju? Hvala puno.

## **NATAŠA PERIĆ**

U redu hvala. Sljedeća za riječ se javila. Sljedeće pitanje vijećnica Selma Čatibušić. Vi ste ovdje postavili više pitanja. Mislim ovdje ima pet pitanja. De molim vas vidite pošto tri pitanja idu. Molim? (vijećnica Esana Kavazbašić Huskanović govori bez uključenog mikrofona op.a.) Dobro evo Esana ovdje pa vi se tamo dogovorite. (SELMA ČATIBUŠIĆ – Tri su pitanja samo što ima onaj...) Dobro. Ništa. Dajte tamo. Ništa. (SELMA ČATIBUŠIĆ – Ko se javlja?) Ja vi. Izvolite.

## **SELMA ČATIBUŠIĆ – vijećnik Platforme za progres**

Evo ovako. Imam tri vijećnička pitanja. Prvo pitanje je prema gradonačelniku Grada Tuzle.

Da li gradonačelnik osjeća neki oblik odgovornosti kada direktori Javnih ustanova, ili preduzeća čiji je Osnivač Grad Tuzla, ne ispoštuju odluku Gradskog vijeća koja je jednoglasno usaglašena, a pri tome gradonačelnik je lično osoba koja je sama potvrdila da će konkretno za ovo inicijativu, dati svoju garanciju da će ona biti ostvarena?

Naravno tu se nalazi i samo obrazloženje.

Zbog čega su. Drugo vijećničko pitanje:

Zbog čega su u ulici Lebeničnik 2a postojeća skloništa u zgradi zavarena?

Konkretno u razgovoru sa našim sugrađanima rekli su da tu postoje sklonište, ali da je sklonište zavareno. Također cijelo obrazloženje o cijeloj situaciji na terenu nalazi se u mom dopisu.

Treće vijećničko pitanje ujedno da kažem i inicijativa jeste prema Panonskim jezerima, odnosno:

Zbog čega je sklonjena kutija za ostavljanje, odnosno donaciju knjiga koja je bila na Panonskim jezerima i koja je, gdje su se mogle skupljati donacije za same knjige? Eto toliko.

**NATAŠA PERIĆ**

U redu hvala. Sljedeća vijećnička pitanja vijećnik Anel Ibeljić.

**ANEL IBELJIĆ – vijećnik Socijaldemokratske partije**

Prilažem.

**NATAŠA PERIĆ**

Dobro. Vijećnik prilaže. Vijećnik Damir Muratović. Izvolite. Nek isključi. Selma isključi mikrofon molim te.

**DAMIR MURATOVIĆ – vijećnik Socijaldemokrata BiH**

Hvala. Pozdravljam sve prisutne. Znači imam dva vijećnička pitanja.

Prvo pitanje za Kolegij Gradskog vijeća i sve nadležne službe.

Tražim da mi odgovorite da li su u upravne i nadzorne odbore javnih ustanova i preduzeća Grada Tuzla imenovani supružnici i bliži srodnici (brat, sestra, sin i kćerka) direktora javnih ustanova i preduzeća, te da li su i direktori pojedinih javnih ustanova i preduzeća imenovani u upravne i nadzorne odbore drugih javnih ustanova i preduzeća?

Drugo pitanje za Službu za inspeksijske poslove Grada Tuzla.

Obraćam se s pitanjem kojim tražim da mi odgovore:

Zašto nadležna inspekcija nije postupila po Rješenju Ministarstva prostornog uređenja i zaštite okolice Tuzlanskog kantona iz 2020. godine u predmetu gospodina Salkana Gradašćevića, nastanjenog u ulici Put Križani, te zašto u mjesecu februaru 2022. godine od strane Vaše nadležne inspekcije nije odobren uvid u spis po zahtjevu gospodina Salkana Gradašćevića? Hvala.

**NATAŠA PERIĆ**

U redu hvala. Sljedeća, sljedeće vijećničko pitanje vijećnica Lejla Osmančević. Izvolite.

**LEJLA OSMANČEVIĆ – samostalni vijećnik**

Zahvaljujem predsjedavajuća. Pozdravljam sve prisutne.

Vijećničko pitanje upućujem Službi za komunalne poslove, izgradnju i poslove mjesnih zajednica.

Pitanje je:

Kada će se riješiti problem neispravnog šahta za odvod kanalizacije u Vukovarskoj ulici do broja 86 koji ujedno spaja i odvodne kanalizacione vode iz ulice Jusufa i Mevle Jakupović?

Obrazloženje:

Zbog nemogućnosti kanalizacionih cijevi da svojim kapacitetom prihvate velike količine oborina, čime smo i juče bili svjedoci nakon nevremena, kanalizacioni sadržaj skupa sa fekalijama se izliva po širem dijelu ulice i trotoara što otežava promet vozila, pogotovo kretanje pješaka.

Rizik od infekcije zbog izlivanja higijensko zagađene vode je u ovo slučaju veći, te molim nadležne da se u što skorije vrijeme riješi ovaj problem. Zahvaljujem.

**NATAŠA PERIĆ**

U redu hvala. Sljedeće vijećničko pitanje vijećnica Ana Pejić.

**ANA PEJIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Prilažem.

**NATAŠA PERIĆ**

Prilaže. Dobro. Vijećnik Nikica Vidović. Izvolite.

**NIKICA VIDOVIĆ – vijećnik Hrvatske demokratske zajednice BiH**

Sve vas lijepo pozdravljam. Imam dva vijećnička pitanja.

Zabrinuto stanovništvo pita je li istina da će Grad i Dom zdravlja izmjestiti ambulantu iz Brešaka u Donju Obodnicu?

Dakle, obrazloženje:

Pojavom informacije koja nije provjerena da će Grad i Dom zdravlja izmjestiti ambulantu pojavilo se veliko nezadovoljstvo. Svi se možemo složiti da se otvori još jedna u Donjoj Obodnici ali nikako stanovništvo neće prihvatiti zatvaranje ambulante u Breškama koja pokriva, Donju, Gornju Obodnicu i Breške. Pozdravljamo otvaranje novih ambulanti i tome se radujemo.

Molim odgovor vezan za početak ove veoma značajne aktivnosti za nas.

Drugo vijećničko pitanje je:

S kojim gradovima u svijetu Italija i grad Tuzla bratimljen i koji je dosadašnji konkretni benefiti od toga za grad?

Nezadovoljni brzinom razvoja grada, pogotovo od lokalne razine kao što je mjesna zajednica i nemogućnosti razvoja iste, nije nam poznato koliko grad dobiva samim bratimljenjem kroz godine. Samo ćemo napomenuti da naše lokalne zajednice ni zakonski, ni operativno, ni u skladu sa drugim oblicima i u svakom drugom obliku ne mogu zajedno s nekom drugom mjesnom zajednicom, a da ne spominjemo općinu ili grad uspostaviti saradnju i aplicirati prema bilo kakvim projektima. Smatram ovu priču o bratimljenju neozbiljnu, jer danas Evropa funkcioniše aplicirajući više zajednica zajedno ka cilju poboljšanja kvaliteta života, što Tuzla ni finansijski, ni poslovno, ni razvojno ne konzumira godinama i to ostavlja vidljiv i jako štetan trag za stanovništvo.

Molim odgovor vezan za početak ove veoma značajne aktivnosti. Hvala vam.

**NATAŠA PERIĆ**

U redu hvala. Sljedeće vijećničko pitanje Elvir Bijedić.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Prilažem.

**NATAŠA PERIĆ**

Dobro. Sljedeće vijećničko pitanje Emir Čehajić i Zlatan Fatušić.

**EMIR ČEHAJIĆ – samostalni vijećnik**

Prilažemo.

**NATAŠA PERIĆ**

Prilažete. Dobro. Ovdje su dva pa možete priložiti ako ima potrebe. Sljedeće vijećničko pitanje vijećnik Senad Mehmedinović. Izvolite. Tri pitanja.

**SENAD MEHMEDINOVIĆ – vijećnik Pokreta demokratske akcije**

Prvo pitanje Službi za komunalne poslove, izgradnju i poslove mjesnih zajednica.

Na osnovu kojeg akta je definisano učešće građana od 20% za asfaltiranje puta?

Molim da mi se dostavi informacija na osnovu kojeg akta je definisano učešće građana u 20% za asfaltiranje puta. Zanima me da li je to zakonska obaveza ili neka od Odluka koje je donijelo Vijeće u prošlim sazivima.

Drugo pitanje Službi za komunalne poslove, izgradnju i poslove mjesnih zajednica.

Koliki je omjer prigradskih i gradskih mjesnih zajednica a koje su uz učešće građana od 20% učestvovala u finansiranju i asfaltiranju puta?

Svjedoci smo svakodnevnih problema sa kojima se susreću građani, ali jedan od gorućih problema u prigradskim mjesnim zajednicama je putna infrastruktura. Već su postali popularni odgovori Službe da se asfaltiranje puteva radi pod navodnim znacima „u skladu sa raspoloživim sredstvima“, te nije nepoznato da je i učešće građana od 20% veoma poželjno kako bi se projekat smatrao pod navodnim znacima „ozbiljnim“.

S toga, zanima me i tražim da mi se dostavi tabelarni pregled svih gradskih i prigradskih mjesnih zajednica (protekle 4 godine) koje su uz učešće građana od 20% učestvovala u finansiranju asfaltiranja puta.

I treće pitanje povlaćim zato što sam dobio odgovor. (NATAŠA PERIĆ – Dobro.) Nisam znao i prošli put je otišlo to pitanje.

**NATAŠA PERIĆ**

U redu. U redu. Vijećničko pitanje Merima Softić Sprečić. Izvolite.

**MERIMA SOFTIĆ SPREČIĆ – vijećnik Socijaldemokratske partije**

Dobar dan svima.

Kada je. Pitanje upućujem Službi za komunalne poslove, izgradnju i poslove mjesnih zajednica.

Kada je planirano asfaltiranje dijela ceste na Bulevaru, tačnije ulica Maršala Tita 76 i 78?

Ista je već u nekoliko navrata trebala bit sanirana i asfaltirana pa se građani i stanari ove ulice pitaju kada će doći do same realizacije.

**NATAŠA PERIĆ**

U redu hvala. Vijećnica Esana Kavazbašić Huskanović. Izvolite.

**ESANA KAVAZBAŠIĆ HUSKANOVIĆ – vijećnik Platforme za progres**

Moje prvo vijećničko pitanje je asfaltiranje u ulici parking prostora uz južni dio stadiona „Tušanj“.

Kada će doći na red da se asfaltira ulica i parking prostor uz južni dio stadiona „Tušanj“ jer ulica je jako prometna, paralelna sa Sjevernom magistralom i koristi je veliki broj građana naselja Batva. Parking prostor koriste često posjetioci stadiona i stanari. Parking prostor je jako u lošem stanju zbog postojećih rupa?

Moje drugo pitanje je:

Prihodi Grada i njihova struktura koji dobijaju od firme Europlakat?

Radi interesovanja većeg broja građana postavljam ovo pitanje. Koji su bili prihodi grada i koja je struktura tih prihoda bila koji je Grad dobio od firme Europlakat za postavljanjem bilborda u periodu od 2018. godine do 2022. godine?

I moje treće vijećničko pitanje je:

Način izbora najpovoljnije ponude za kupovinu rasvjetnih tijela?

Obratio mi se za pomoć Zlatan Imamović vlasnik firme Led Vision koji je učestvovao na datom tenderu više puta, ali svaki put je odbijen. Pored toga što je imamo najbolju ponudu i pored toga što je u pitanju Tuzlanska firma sa svim evropskim certifikatima i podržana od strane UNDP-a nije prošla na tenderu. Na tenderu je prošla firma iz Ljubuškog čije lampe ne daju dovoljno osvjetljenje koje je preporučeno za gradsku rasvjetu.

Molim vas da mi se objasni, na koji način se vrše izbori najpovoljnije ponude, ko su bili ponuđači, koja je firma dobila ugovor i pod kojim uslovima? Hvala.

**NATAŠA PERIĆ**

U redu hvala. Prelazimo na...(OMER BERBIĆ – Imam ja pitanja.) Imate vi. Aha Omer. Dobro. Izvoli Omere.

**OMER BERBIĆ**

Hvala ljepo. Evo prvo vijećničko pitanje:

Da li gradonačelnik Tuzla ima pravo na savjetnike? Ukoliko ima ko su savjetnici trenutnog gradonačelnika? Molim vas biografije.

Drugo vijećničko pitanje:

Da li Grad Tuzla posjeduje nekretnine van granica Bosne i Hercegovine, ukoliko je pozitivan odgovor koje su to nekretnine?

I treće vijećničko pitanje:

Da li Grad Tuzla posjeduje nekretnine u Opštini Neum? Ukoliko posjeduje u kakvom su nekretnine stanju? Hvala ljepo.

**NATAŠA PERIĆ**

U redu hvala. Vijećnik Nedžad Jusić.

**NEDŽAD JUSIĆ – samostalni vijećnik  
iz reda nacionalnih manjina**

E hvala. Poštovana predsjedavajuća, zamjenici predsjedavajuće, kolege i kolegice vijećnici i drugi. Želim da vas pozdravim te u skladu sa Poslovníkom o radu Gradskog vijeća postavljám pitanje nadležnoj službi ili javnom preduzeću a radi se o sljedećem:

Kad će se sanirati iskopane rupe u ulici Branislava Nušića do 34 a iskopane su od Javnog preduzeća Vodovod radi saniranja vodovodne mreže?

Samo zbog javnosti, zbog vas kolege i kolegice u dužini nekih od 100-150 metara 12 rupa ima iskopanih i oni nako stoje. Većina od vas je upoznata prije nekih par dana, pošto je to visinska zona auto jednostavno dal zbog te rupe ili zbog nečega drugog je završilo u privatnu kuću jedne naše sugrađanke. Jednostavno da nam se to ne dešava i ovom prilikom i pozivam dal nadležna služba ili javno preduzeće da u što kraćem roku saniraju pomenutu ulicu ili ukoliko i moj je preporuka na kraj krajeva ali to će struka bolje pokazat od mene da ne kopaju svakih 20 dana tu ulicu prekopavaju, jednostavno da saniraju vodovodnu mrežu i onda da urade kompletnu ulicu sa novim asfaltom i siguran sam u tome da se neće ovakve il slične stvari ponavaljat. Hvala.

**NATAŠA PERIĆ**

U redu hvala.

**PRELAZIMO NA VIJEĆNIČKE INICIJATIVE**

Vijećnik Admir Čavalić. Izvolite. I molim da budete opet kratki.

**ADMIR ČAVALIĆ**

Hvala puno predsjedavajuća. Imam tri inicijative. Dakle, prva inicijativa:

Da se staze u centralnom gradskom parku u Tuzli prilagode potrebama građana koja koriste dječija kolica.

Ovdje moram pohvaliti zaista rad naše vijećnice uvažene merime Softić dakle, koja je pokrenula inicijativu i to se uspostavilo u vezi klupa namjenjenih presvlaćenju beba međutim, sada je problem kako da te bebe dođu do klupa. Predlažem dakle, da malo se prilagodi to da se može. Da ne budu ona kamenja, da imaju neke stazice gdje se mogu zaista ljudi koji imaju dječija kolica da moguu ići do tih klupa i presvlačiti vlastitu djecu.

Druga inicijativa je:

Da se sredi sportsko igralište u naselju Moluhe - ulica Fikreta Salihovića Fikre.

U kontaktu sam sa predstavnicima mjesne zajednice, sa mještanima i oni su takođe uputili ovaj prijedlog, ovu inicijativu međutim, bojim se da će se kasno realizovati.

Ja predlažem vrlo konkretne stvari:

- Uspostavu mobilnog sanitarnog sistema (Toi Toi).
- Postavljanje sistema osvjetljenja igrališta.
- Izgradnja prateće infrastrukture za rekreaciju pri igralištu.
- Postavljanje klupa za otpad i postavljanje, pardon postavljanje kanti za smeće i
- Postavljanje klupa.

I zadnja inicijativa:

Da se češće uklanja otpad iz dva kontejera kraj mezarja Bukovčić, te da se postavi još kontejnera i da se postavi nadzorna kamera kako bi se pratilo korištenje ovih kontejnera.

Zašto prilažem ovu inicijativu?

Ima i fotografija dakle, ružno izgleda, prepun je kontejner. Neko tu baca-odlaže smeće ne vodeći računa da ljudi dolaze dakle, da obidu svoje mrtve ili ili da se obavi dženaza, ukop ili sl. Hvala puno.

## **NATAŠA PERIĆ**

U redu hvala. Vijećnica Selma Čatibušić.

## **SELMA ČATIBUŠIĆ**

Evo ovako moja prva inicijativa:

Službi za komunalne poslove i poslove i izgradnju mjesnih zajednica.

Asfaltiranje ulice Put Vinište, Tuzla.

Nakon sprovođenja centralnog grijanja u navedenoj ulici, ostala je potreba za asfaltiranjem iste. Ova inicijativa došla je direktno sa lica mjesta od strane naših sugrađana, koji smatraju da je ovo svakako prioritet, te molim nadležnu službu da izađe na teren i krene u realizaciju ove inicijative.

Druga inicijativa jeste:

Postavljanje kanti za smeće i nekoliko klupa na šetalište, na šetalištu uz Jalu, od pravca BH Telekoma do Stupina.

Na navedenom području nema skoro niti i jedna kanta za smeće. Prva kupa poprilično je udaljena. Uzimajući u obzir da ovo predstavlja dio pješačke i biciklističke staze zaista je neophodno da postoji nekoliko kanti za smeće.

Treća vijećnička inicijativa jeste:

Uređenje korita Jale, ukrašavanjem biljkom - puzavicom.

Postoji naravno i latinski naziv. Ovo je ideja također došla zajedno u razgovorima sa našim sugrađanima gdje ima i slika kako bi to faktički moglo da izgleda, al nažalost kod mene je sada ovdje u crno bijeloj boji ali nije ni važno. Uglavnom biljka je poprilično onako prilagođena, jednostavna za održavanje. Naša korita nažalosti nisu ugodna za oko. Preko ljeta zeleni. Preko jeseni je crvena. A isto tako dobila sam ideju da bi u samom tako da kažem centru našeg grada kod panonskih jezera gdje se nalaze oni, one betonske sive zidine koje su također jako neugodne za oko ovakva jedna inicijativa, ovakva jedna biljka zaista uljepšala naš grad i također evo hajde znam da nemam pravo na četvrtu inicijativu al bi apelirala na javna gradska groblja i mezarja da se postave česme na istima jer je to neophodno ljudima koji idu na ta mjesta. Eto toliko. Hvala.

## **NATAŠA PERIĆ**

Sljedeća vijećnička inicijativa vijećnik Alen Kapidžić. On prilaže.

Vijećnik, sljedeća je vijećnika Tanasilović Miodrag.

## **MIODRAG TANASILOVIĆ – vijećnik Socijaldemokratske partije**

Takođe.

## **NATAŠA PERIĆ**

I vi prilažete. Anel Ibeljić?

## ANEL IBELJIĆ

Prilažem.

## NATAŠA PERIĆ

Prilažete. Dobro. Vijećnik Damir Muratović. Izvolite. Mikrofon molim Selma.

## DAMIR MURATOVIĆ

Hvala. Tri inicijative:

Prva inicijativa prema gradonačelniku gospodinu Jasminu Imamoviću vezanu za realizaciju i sanaciju uređenja Jevrejskog groblja u Tuzli.

Kratko ću obrazložiti:

Znači, Jevrejsko groblje na lokalitetu Borić u Tuzli svjedoči o prisustvu Jevreja u Bosni i Hercegovini i Tuzli. Posebno je značajan doprinos Jevreja u razvoju našeg grada. Još prije dva vijeka tuzlanski Jevreji su držali obrtničke radnje, magaze, zanatske usluge a jevrejska zajednica imala je uvažene advokate, doktore, zanatlije. Na sjednici Komisije za očuvanje nacionalnih spomenika održane 31. 07. 2018. godine Jevrejsko groblje u Tuzli je proglašeno za nacionalni spomenik Bosne i Hercegovine.

U saradnji sa predstavnicima Jevrejske zajednice evo nužno je uraditi sanaciju uređenje, ja ovdje neću nabrojati sve šta, nego apelujem. Ovo je ponovljena inicijativa. Pisao sam tri četiri urgencije ali nisam dobio odgovor. Ovih dana su mi se ponovo obratili i ističem ovdje da Jevrejsko groblje ima kulturno-istorijsku vrijednost za grad Tuzlu i nadamo se da će poduzeti se koraci. Ide i rebalans Budžeta, a i Budžet za 2023. godinu da bi zajedno sa gradskim službama i ustanovama prvenstveno izradio projekat sanacije, a zatim i potpuna sanacija i uređenje.

Druga inicijativa je:

Vezana za Vukovarsku ulicu u naselju Ši selo.

Tražim odobravanje od Službe za komunalne poslove, izgradnju i poslove mjesnih zajednica za postavljanje usporivača brzine.

Zbog zahtjeva većeg broja građana i prikupljenih potpisa zahtjevamo da se iz opravdanih i objektivnih razloga postavi usporivač brzine u ulici Vukovarska kod motela „Bohemia!. Navedenom ulicom se odvija jako frekventan saobraćaj automobilima. Njom takođe prolaze i pješaci i nema izgrađenog trotoara. Najrizičnija kategorija su djeca koji tim putem svaki dan idu u školu i nazad, a prema evidenciji Policijske uprave Tuzla registrovan je i veći broj saobraćajnih nezgoda upravo na toj lokaciji.

I treća inicijativa:

Takođe Službi za komunalne poslove i izgradnju poslova mjesnih zajednica za asfaltiranje i uređenje ulice u naselju Plane, Mjesna zajednica Šićki Brod, takođe na osnovu zahtjeva većeg broja građana i savjeta mjesne zajednice. Oni su to predložili već za GAP.

Zahtjevamo da se što urgentnije asfaltira ulica od džamije u Planama do gornjeg dijela naselja lokalitet Čehaje u dužini od oko 300 metara. Ulica se nalazi u jako lošem stanju. Makadam je teško prohodan za pješake i automobile. Ovo je posebno bitno zato što u toj ulici je rođen akobogda budući predsjednik SDP-a Denis Bećirović i ovaj put tačno vodi do njegove kuće, tako da bi bilo poželjno. a možda i budući predsjednik države, pa eto da imate u vidu i to. Hvala.



**NATAŠA PERIĆ**

U redu hvala. Vijećnik Alen Ovčina.

**ALEN OVČINA – vijećnik Socijaldemokratske partije**

Prilažem.

**NATAŠA PERIĆ**

Prilažete. Vijećnica Merima Softić.

**MERIMA SOFTIĆ SPREČIĆ**

Ja ću imat dvije inicijative.

Inicijativa prva upućena je Službi za komunalne poslove, izgradnju i poslove mjesnih zajednica, te Javno komunalnom preduzeću „Saobraćaj i komunikacije“.

Inicijativa za postavljanje odgovarajuće rasvjete na sportskom igralištu „Grbavica“:

Sportsko igralište „Grbavica“ jedno je od najvećih igrališta u gradu na kojem se igraju brojne rekreacije još od davnina. Veliki broj mladih se okuplja na terenima i mnogo djece sa roditeljima uživa u igri na dječijem igralištu čiji urbani mobilijar je poklon jedne italijanske porodice, a roditelji i djeca ovog dijela grada se mnogo trude da isti održavaju koliko mogu. Rasvjeta na ovim igralištima se oslanja na jedan stub rasvjete koji je nedovoljan da obasja ovu površinu predviđenu za igru i rekreaciju, te većina igrališta je u tami i polu mraku. Ono što tražim nije mnogo, a puno bi značilo svima koji svoje slobodno vrijeme provode na ovom divnom igralištu.

Zato vas molim da u što skorijem roku, jer nam dolazi ljepo i toplo vrijeme a sa njim i mnogo raje na igralište izađete na teren, utvrdite stanje te nađete najbolje rješenje za osvjetljenje ovog igrališta.

Moja druga inicijativa je upućena Službi za kulturu, sport, mlade i socijalnu zaštitu jer su oni kao osnivači i ustanova koja sufinansira Sportsko-kulturno-privredni centar „Mejdan“ ali i Sportsko-kulturno-privrednom centru Mejdanu tačnije direktoru.

Inicijativa za uređenje prostora press centra u Sportsko-kulturno-privrednom centru „Mejdan“ tj. zidova koji okružuju kafe bar u press centru stalnom postavkom fotografija najuspješnijih sportskih ličnosti grada Tuzle:

Ovu inicijativu upućujem javno iz razloga što sam do sad nekoliko puta upućivala, donosila zaključke, upućivala vijećnička pitanja i inicijative na koje nikada nisam dobila odgovor.

Obrazloženje:

Nekada je (npr. 2015. godine) press centar Mejdana bio je ispunjen fotografijama najuspješnijih sportisa grada Tuzle koji su podsjećali na njihove vrhunske sportske rezultate, te su iste uklonjene pod izgovorom da se sala renovira i da će se iste vratiti kada se radovi završe. Međutim, to nije učinjeno do danas. Često sam isticala u raspravama u Izvještaju o radu i poslovanju Mejdana, predlagala zaključke, te postavljala vijećnička pitanja, ali do danas nisam dobila odgovor. Da li nekome smetaju fotografije vrhunskih sportisa grada Tuzle u hramu sporta gdje smo odrasli? Dala sam prijedlog za stalnu postavku fotografija svih sportskih ličnosti koji su proglašeni sportistima grada i države. Koji su donosili medalje sa Mediteranskih igara. Osvajali su svjetske i evropske medalje, te onih koj su zaslužni za promociju grada Tuzle u Evropi i Svijetu. Zar nije lijepo i prirodno da kao i u svakom sportskom centru prostor bude ispunjen fotografijama sportskih ličnosti, te istorijom njihovim sportskih rezultata na koje smo

svi ponosni. Nadam se da će Grad i kao osnivač i ustanova koja sufinansira Mejdani dati saglasnost za realizaciju ovakve ideje koja je već postojala u Mejdani, ali i nadam se da će novoizabrani direktor ove velike sportske institucije imati razumijevanja za ovakav prijedlog koji je u formi zaključka već usvojen od strane Gradskog vijeća prošle godine.

## **NATAŠA PERIĆ**

U redu hvala. Vijećnik Nikica Vidović.

## **NIKICA VIDOVIĆ**

Vijećnička inicijativa kojom se poziva nadležna služba da izradi i dostavi plan nabavke sanitetskih vozila za Dom zdravlja u Tuzli.

Obrazloženje:

Stanovnici Tuzle žele bolju zdravstvenu skrb i to je naša zadaća i kao vijećnika. Svjedoci smo da Dom zdravlja posjeduje nedovoljno vozila hitne pomoći te pozivamo da se zajednički izradi plan da se za dva vozila pojačamo što žurnije. Koliko smo upoznati jedno vozilo se često koristi za dijalizu i sl. Svjesni smo da je pitanje i rješenje teško ali je moguće. Ne tako davno poklonili smo vozilo Graničnoj policiji (znamo da je povoljnije zbog svoje same izrade) ali vozila hitne su prioritet.

Tražim i očekujem da nadležna Gradska služba, gradonačelnik i Dom zdravlja razmotre ovu inicijativu, te žurno pristupe realizaciji iste.

Druga:

Kojom se poziva nadležna služba da u suradnji sa Domom zdravlja izradi i dostavi plan izrade Urgentnih punktova na ulazu i izlazu Tuzle.

Stanovnici Tuzle žele bolju zdravstvenu skrb te, i naravno i naša zadaća kao vijećnici, inicijativa nije ništa novo nego motivacija za ponovnu aktualizaciju zbog evidentnih potreba. Svjedoci smo da Dom zdravlja posjeduje nedovoljno vozila hitne pomoći, nedovoljno opremljenost urgentnih centara te pozivamo da se zajednički izradi plan, te da navedenu uslugu pojačamo što žurnije.

Tražim i očekujem da nadležna Gradska služba, gradonačelnik, Dom zdravlja razmotre ovu inicijativu.

I zamolio bih treću inicijativu koja mi je ostala na stolu, a tiče se toga da...

Inicijativa nije moja čuo sam je od roditelja na trgu ne prisvajam ničiju. Uzme se traka i da se iscrta maloj djeci staze, parkinzi, putevi tako da se djeca vozaju i taj, taj koncept se može mijenjati svakih dvadesetak dana. Napravite im novu šemu, to ništa novo. To je viđeno u svijetu, tako da se dječica biciklima voze po zadanim stazama, a po završetku samo se naravno trake odljepe i ne remeti trg. Samim tim bi ograničili evidentno kretanje romobila ponovo. Mislim da je inicijativa vrlo jeftina i da je naše poduzeće SIK može sa kvalitetnom trakom iscrtat i naravno pozivam nekoga ko ima naravno smisla za te stvari da možda službeno iscrta. Djeci bi značilo. A ponavljam ideja je od roditelja kojima, koji su takvu ideju i dali. Znači, nije moja samo je ovdje prenosim i ne želim nikakve zasluge. Hvala vam.

## **NATAŠA PERIĆ**

U redu hvala. Vijećnica Ana Pejić i vijećnik Kapidžić imate zajedničke inicijative. Prilažete. Vijećnik Čehajić i Fatušić (Prilažemo.) Prilažu.

Vijećnik Senad Mehmedinović.

## SENAD MEHMEDINOVIĆ

E hvala ljepo. Imam tri inicijative. Pročitat ću pet inicijativa. (NATAŠA PERIĆ – Molim?)

Prva inicijativa je „Saobraćaj i komunikacije“ Tuzla:

Inicijativa za hitno popravljjanje javne rasvjete kojom se osvjetljavaju prometne i druge javne površine.

Ne bih obrazlagao ovo. Mislim da je jasan sam naziv inicijative i ove dvije moram obrazložiti.

Druga inicijativa je Službi za inspekcijeske poslove:

„Inicijativa za hitan inspekcijiski nadzor iz nadležnosti komunalne, građevinske i putne inspekcije Grada Tuzle“.

U posljednje vrijeme grad Tuzla sve više postaje mjesto za odlaganje građevinskog materijala na trotoarima, radovi na glavnim i sporednim saobraćajnicama ostaju nedovršeni i isječen put predstavlja opasnost po učesnike u saobraćaju. Na slikama nedavne saobraćajne nesreće koja se dogodila u ulici Armije Republike Bosne i Hercegovine gdje su se povrijedila tri putnika, može se vidjeti isječen put. Takođe, na prostoru Brčanske Malte (put ka vojnim lamelama) na trotoarima uslijed odlaganja građevinskog materijala, otežano je i skoro nemoguće kretanje pješacima.

S toga vas molim da izađete na teren i utvrdite činjenično stanje, te poduzmete sve zakonom neophodne mjere kako bi se neodgovornost pojedinaca sankcionisala.

Treća inicijativa je:

„Inicijativa za promociju Mjesne zajednice Kiseljak kao turističkog potencijala grada Tuzle“.

Kiseljak je jedna od 40 mjesnih zajednica grada Tuzle koja prema zadnjem popisu stanovništva ima oko 2900 stanovnika. Mjesna zajednica Kiseljak je primjer međusobnog uvažavanja, poštovanja, djeljenja pozitivnih i društvenih vrijednosti zajedničkog suživota građana različitih vjeroispovijesti. Prema mišljenju mnogih građana Kiseljak je preko 20 godina zanemaren, tako da od veoma atraktivne destinacije za mnoge građane Tuzla i Tuzlanskog kantona postalo samo mjesto o kojem se ljepo priča u prošlom vremenu. Mjesna zajednica Kiseljak je mjesto u kojem su mnogi provodili svoje slobodno vrijeme. Preljep ambijent duž obale jezera Modrac koristili za šetnju, te uživali u ljepoti prirode. Upravo zbog jezera Modrac koji je idealno mjesto za razvoj turizma i koji je jedno od najvećih akumulacija u bivšoj Jugoslaviji Kiseljak je mjesto koje zaslužuje bolju pažnju. Pozivam vas da u svojim programima, projektima i predstavljanju turizma ne zanemarujete ovu mjesnu zajednicu, te vas pozivam da iskoristite potencijal koji ima.

## NATAŠA PERIĆ

U redu hvala vam. Vijećnica Esana Kavazbašić Huskanović. Izvolite. Izašla je. Dobro. Vijećnik Omer Delalić. Izvolite.

## OMER DELALIĆ – samostalni vijećnik

Hvala predsjedavajuća. Imam tri inicijative. Dvije ću pročitati, jednu ću priložiti. (NATAŠA PERIĆ – Dobro.)

Inicijativa za kompletnu rekonstrukciju asfalta u ulici Nesiba Malkića.

Ulica Nesiba Malkića je cijelom svojom dužinom oštećena, najvećim dijelom usljed radova Javnog komunalnog preduzeća „Vodovod i kanalizacija“. Na relativno kratkoj dionici je urađen veliki broj radova na glavnoj vodovodnoj mreži, tako da je asfalt gotovo uništen.

Posebno veliki uticaj na otežano odvijanje saobraćaja za sve učesnike u saobraćaju predstavljaju iskopi za glavnu vodovodnu mrežu za rezervoare za vodu na Debelom Brdu koji je oštetiо asfalt kroz čitavu dužinu ulice. Maloprije je kolega Muratović spomenuo usporivače brzine. Prije nekoliko godina i mi smo prikupljali potpise za postavljanje usporivača u ovoj ulici međutim, sa ovim radovima taj problem je riješen i nema više potreba za usporivačem.

Druga inicijativa je:

Za izgradnju kanalizacione mreže u Vakufskoj ulici.

Prije nekoliko godina sam postavio vijećničko pitanje kada će se izgraditi kanalizaciona mreža u Vakufskoj ulici naselje Jahići, Mjesna zajednica Ši selo međutim nisam dobio odgovor. Ovo naselje se nalazi oko 2 kilometra vazdušne linije od sjedišta Gradske uprave. Radi se o naselju koje ima veliki broj stambenih objekata, a nema izgrađenu kanalizaciju. Na nekim mjestima fekalije i otpadne vode izljevaju se po putu što predstavlja veliku opasnost po zdravlje stanovnika ove ulice. Građani ove ulice prikupljaju sredstva za asfaltiranje iste pa bi bilo dobro da se prije toga uradi kanalizaciona mreža. Hvala.

## **NATAŠA PERIĆ**

U redu hvala. Vijećnica Esana Kavazbašić.

## **ESANA KAVAZBAŠIĆ HUSKANOVIĆ**

Moja prva vijećnička inicijativa:

Veći broj građana mi je uputio molbu da se počne čistiti parking prostor koji se nalazi kod trga Slobode u centru grada. To je onaj parking prostor trg Slobode. Pošto veći broj ljudi koristi taj parking prostor, a nije održavan već duže vrijeme i predstavlja ruglo grada za sve one koji dolaze tu u posjetu. Takođe je potrebno i ako je u pitanju parking prostor da se postavi par kanti za smeće kako bi povećali čistoću na samom parking prostoru i pomogli radnicima Javnog preduzeća „Komunalac“.

Moja druga vijećnička inicijativa:

Naime, zbog izgradnje većeg broja stambenih objekata i otvaranja novih ugostiteljskih objekata na Stupinama, a ne planiranja na vrijeme potrebe za parking prostorima u tom dijelu grada nastaje veliki problem za građane u pronalasku parking mjesta. Iz tog razloga upućujem vijećničku inicijativu da se dijelovi saobraćajnice sa dvije trake na desnoj i lijevoj strani pretvori u parking mjesta, a da se promet odvija u po jednoj traci u oba smjera. Na taj način bi pomogli građanima u rješavanju ovog sve većeg problema na Stupinama. Zaista molim Grad Tuzlu ako je nemoguće ovo uraditi da organizuje ekspertni tim koji će iznaći rješenje za ovaj problem.

I moja treća vijećnička inicijativa:

Na osnovu upita većeg broja građana naselja Irac, upućujem vijećničku inicijativu za postavljanje usporivača brzine na dijelu ulice koja prolazi od poliklinike Irac prema Bingu. Naime, u tom dijelu naselja je igralište za djecu i kreće se veliki broj djece, pogotovo mlađeg uzrasta. Zaista je potrebno u što kraćem vremenskom roku postaviti barem jedan usporivač brzine, kako bi povećali sigurnost djece koja se tu igraju. Pošto je to ravan dio ulice često se desi da vozači voze ne prilagođenom brzinom i moramo zaštititi svako dijete koje se tu igra. To je to.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem. Sljedeća vijećnička inicijativa vijećnik Hasib Hirkić. Izvolite.

## **HASIB HIRKIĆ – samostalni vijećnik**

Zahvaljujem. Evo da pozdravim sve prisutne i da nam poželim danas uspješan rad. Ja ću kratko pokušati samo da kažem da na području grada imamo tako malo mostova i da bi trebali pokušati riješiti taj turistički grad da je malo i svjetliji i bolji pa na način da oni koji se bave hotikulturom da oni pokušaju riješiti ukrašavanje tih mostova, a ovi koji rade sa rasvjetom i na taj način pokušaju osvijetlit te mostove na području grada Tuzla kako bi dali i malo više i svjetlosti gradu, a i samom turizmu u gradu Tuzla. Evo toliko. Hvala.

## **ELVIR BIJEDIĆ**

Zahvaljujem. Sljedeća vijećnička inicijativa vijećnik Omer Berbić. Izvolite. Prilažete je li? Jel imate inicijativu? Pa pročitajte molim vas.

## **OMER BERBIĆ**

Prva inicijativa:

Da nam se dostavi informacija o statusu starih ruševnih drvenih objekata u Klosterskoj ulici, kao i uklanjanju istih jer su pretnja po zdravlje i imovinu ljudi.

Druga je:

Da se napravi majstorska brigada. Ova brigada bi imala tesare, molere majstore koji bi bili pod upravom Saobraćaj i komunikacije ili Komunalca te bi završavali manje poslove u tekućem održavanju grada. Grad Tuzla izgleda prljavo, oronulo i zapušteno. Majstorska brigada bi imala funkciju popravke manjih radova po gradu kako za iste ne bi pravili javni poziv ili konkurs, te čekali konkursnu proceduru. Ukoliko ne bi imali posla majstorska brigada bi radila na većim poslovima tipa renovacije kuglane (krećenje, farbanje, moleraj, podovi itd.) čime bi Grad Tuzla uštedio značajna sredstva, a grad bi izgledao bolje organizovan i manje zapušten. Izgledao bi kao tzv. „turistički grad“.

I treća inicijativa je:

Sanacija rupa u Mjesnoj zajednici Slavinovići.

Mjesna zajednica Slavinovići jedna je od najmnogoljudnijih mjesnih zajednica na području grada Tuzla, te kao takva zahtjeva i zaslužuje pravedniji pristup komunalnim pitanjima prvenstveno za sanaciju udarnih rupa koje su s godinama postale sastavni dio flore i faune mjesne zajednice, te neizbježan prijatelj gumama automobila. Hvala.

## **NATAŠA PERIĆ**

U redu hvala.

Prelazimo na drugu tačku Dnevnog reda:

## **RAZMATRANJE I USVAJANJE ODLUKE O BRATIMLJENJU GRADA TUZLE I OPĆINE CAMPI BIENZIO (FIRENCA) IZ REPUBLIKE ITALIJE**

Predlagач je gradonačelnik Grada Tuzle.

Obrađivač je Stručna služba gradonačelnika, a materijal su razmatrali: Komisija za statutarna pitanja i propise, Komisija za saradnju sa jedinicama lokalne uprave i samouprave i klubovi vijećnika.

Ima li potrebe za uvodnim izlaganjem? Ima. U redu. Zamolit ću Svjetlanu Kakeš šeficu kabineta gradonačelnika da da uvodno izlaganje.

**SVJETLANA KAKEŠ - rukovodilac Stručne službe  
za poslove gradonačelnika Tuzle**

Dobar dana poštovani vijećnici i vijećnice. Ja vas evo pozdravlja i ovako iako smo se već sreli.

Nastojat ću da ukratko prezentiram a tu sam ako (Samo malo mikrofona.) Eh. Aha. (NATAŠA PERIĆ – Izvolite Svjetlana.)

Evo ja ću ukratko prezentirat ovaj prijedlog odluke, a tu sam ako bude bilo i dodatnih pitanja.

Pravi osnov za predlaganje i donošenje ove odluke je Zakon o principima lokalne samouprave u Federaciji Bosne i Hercegovine kao i Statut Grada gdje su gotovo identične odredbe kojima su propisane nadležnosti Općinskog, odnosno Gradskog vijeća i gdje je navedeno da Gradsko vijeće u okviru svojih nadležnosti donosi odluke o udruživanju jedinica lokalne samouprave u saveze i druge oblike organiziranja. Sljedom toga gradonačelnik je pripremio Odluku o bratimljenju Grada Tuzle Općine Campi Bisenzio iz Firence iz Republike Italije.

Kako je došlo do prijedloga ove odluke, odnosno do saradnje? Ona je zapravo slijed dugogodišnje saradnje Grada Tuzle i predstavnika Općine Campi Bisenzio kako njihovih lokalnih vlasti, tako i raznih organizacija i drugih subjekata sa područja ove Općine.

Već nekoliko godina unazad njihove razne nevladine organizacije, udruženja i predstavnici srednjoškolskih ustanova, fakulteta, sportskih i kulturnih organizacija saraduju sa našim nevladinim organizacijama i sa Gradom Tuzla. Posjećuju Tuzlu, razmjenjuju iskustva i naravno kako to i najčešće i biva u saradnji sa organizacijama iz Italije pored Tuzle svaki puta ostvaruju saradnju i sa udruženjima iz Srebrenice i sa Memorijalnim centrom Srebrenica.

Sljedom te već prethodne saradnje pojavila se mogućnost da Grad Tuzla i Općina Campi Bisenzio zajedno apliciraju na jedan projekat Evropske unije koji je namjenjen bratimljenju gradova gdje smo prošli sa tom aplikacijom, dobili određena sredstva kojima smo podržali konkretizaciju ove saradnje i bili ste svjedoci, vjerovatno ste i pratili iz medija. Prošle godine u oktobru jedna veća grupa predstavnika Općine Campi Bisenzio i njihovih raznih udruženja i privrednih subjekata, kulturnih sportskih udruženja, udruženja koja se bave radom sa socijalnim kategorijama i njihovih određenih privrednih subjekata posjetili su grad. Njih je bilo oko 40. Boravili su ovdje tri dana u Tuzli i posjetili Memorijalni centar Srebrenica. Ostvarili saradnju i sa Udruženjem „Žena Srebrenice“ i ovdje ostvarili saradnju sa sličnim udruženjima koje se bave iz sličnih oblasti.

Nakon toga pristupili smo pripremi izrazili su želju, naravno i kroz taj projekat. Kroz taj projekat smo dobili određena sredstva da isfinansiramo tu posjetu i tu saradnju. Nakon toga je usljedila Prijedlog odluke bratimljenju između ove dvije lokalne zajednice. Njihovo Općinsko vijeće je 13. aprila već donjelo jednoglasno odluku o bratimljenju između Grada Tuzle i Općine Campi Bisenzio.

Saradnja će se naravno nakon donošenja ove odluke, ako bude usvojena. Ja se iskreno nadam da hoće, zadužena je Stručna služba za poslove gradonačelnika da pripremi program saradnje. Mi smo, pošto će vjerovatno možda i vaše eventualno pitanje biti o eventualnoj saradnji. Mi smo već uspostavili neke razgovore vezane za program saradnje. To će uglavnom biti razmjena iskustava, razmjena zajedničkih projekata, saradnja između sličnih organizacija, promocija i jednog i drugog rada, bolje upoznavanje teritorija i historije ove dvije zajednice. Privredna saradnja, ostvarivanje saradnje između privrednih subjekata. Kao što to obično biva i sa drugima, tako se postave malo. Široko se napravi program, a onda se naravno tokom

realizacije tih programa konkretizuju zajednički projekti, zajedničke aktivnosti. I uvijek, mi smo već i uspostavili saradnju i već zajedno i aplicirali za jedan Evropski projekat gdje smo uključili iz fonda „Kreativna Evropa“, gdje smo uključili naše „Narodno pozorište“ koje je apliciralo zajedno sa njihovim Narodnim pozorištem. Uglavnom u tom pravcu i idu saradnje, gdje povezujemo naše institucije s njihovima i gdje se pokušavaju ostvariti neka zajednička sredstva, zajednički benefiti između ostalog.

Nemaju ni, čula sam i jedno vijećničko pitanje ali naravno mi ćemo odgovoriti na to vijećničko pitanje kad ga dobijemo.

Ni te lokalne zajednice nemaju kao ni budžete ili predviđena određena sredstva za finansiranje nekih naših ovdje projekata, nego pokušavamo zajedno aplicirati i zajedno dolaziti do određenih sredstava kod fondova koji su dostupni za takve projekte.

## **NATAŠA PERIĆ**

U redu. Hvala Svjetlana ako bude pitanja možete sjesti tu.

Ima li potrebe da se pročitaju izvještaji Komisija? Nema.

Otvaram raspravu klubova vijećnika. Vijećnica Merima Softić Sprečić. Neka se pripremi vijećnik Damir Muratović.

## **MERIMA SOFTIĆ SPREČIĆ**

Pozdravljam evo još jednom sve prisutne. Pa evo gospođa Svjetlana Kakeš nam je zaista kao predlagač, jedan od predlagača ove odluke objasnila o čemu je riječ. Zaista mi smo ispred Kluba razmatrali ovu odluku i evo iz ove diskusije takođe možemo vidjeti koliko je važno za mnoga ulaganja u naš grad.

Znači, lakše je stvoriti određene beneficije kod INO fondova kada radite određene projekte sa drugim gradovima i svakako da je bratimljenje nešto što je jako pohvalno za naš grad i zato ćemo i mi kao Klub i te kako podržati ovu odluku i glasati za njeno usvajanje. Kratko.

## **NATAŠA PERIĆ**

U redu hvala. Vijećnik Damir Muratović ispred Kluba Socijaldemokrata, a neka se pripremi vijećnica Selma Čatibušić. Izvolite.

## **DAMIR MURATOVIĆ**

Hvala predsjedavajuća. Ovo bih prije svega želio iz ličnog iskustva pošto sam bio učesnik imao sam tu sreću gdje Grad Tuzla organizuje jednu studijsku posjetu u okviru obrazovanja, pa sam imao tu čast sarađivati sa gospođom Kakeš i bio sam, bio sam u Italiji.

Ono što mene zanima pitanje za gospođu Kakeš je: Koliko ukupno ima Grad Tuzla bratimljenja sa gradovima u Italiji i to me onako čisto informativno zanima me to? Ovo sam ja bio (nerazgovjetno izgovorena riječ op.a.) 2015-ta i šesnesta, tako da me sad zanima pošto znam da je intenzivna saradnja i želio bi ovu priliku iskoristiti, nisam joj se nikad lično zahvalio. Stvarno nas svojim aktivnostima znamo da ona posebno iz kojih razloga simpatiče Italiju, ali njen entuzijazam i zalaganje za svu tu saradnju i te aktivnosti koristim ovu priliku evo kao Gradski vijećnik da joj se zahvalim u ime svih Gradskih vijećnika na toj kontinuiranoj dugogodišnjoj saradnji sa gradovima u Italiji.

## **NATAŠA PERIĆ**

U redu hvala. Vijećnica Selma Čatibušić ispred Kluba Platforme za progres. Neka se pripremi vijećnik Čavalić.

## **SELMA ČATIBUŠIĆ**

Pa evo ovako ja bih svakako mislim pohvalila mogućnost bratimljenja našeg Grada sa Opštinom iz Italije. Ono što bih voljela jeste da nadležna služba nekako predstavi hajde da kažem tabelarni prikaz svih gradova i općina s kojima svom mi zbratimljeni. Imam osjećaj da je to zaista jedan pozamašan broj, pa voljela bih da znam koji su sve to gradovi i opštine i na koji način je zapravo vršena hajde da kažem realizacija te sadarnje. Ako je to na neki način samo puko slovo na papiru smatram da i nema neku svrhu.

Dalje, moj prijedlog zaključka je: Da obzirom da smo imali posjetioce iz Italije iz navedene opštine da eventualno 20 naših najboljih studenata od strane grada dobije posjetu navedenoj opštini od nekih 7 dana gdje će im biti sve plaćeno da i oni vide šta se tamo dešava. Da se upoznaju sa nekim njihovim znamenitostima, ostvare saradnju sa nekim njihovim nevladinim organizacijama kao što su njihovi predstavnici doduše Gradske uprave njihovo to ostvarili, ali evo da mi se referišemo i da se osvrnemo i na neki način damo podstrek našim studentima koji vrlo često nažalost od strane Grada nemaju toliku podršku.

Mislim da bi ovako jedno putovanje nekome ko je, ko ima desetke na fakultetu i ne znam neka dodatna postignuća sigurno značilo mnogo. (NATAŠA PERIĆ – Jeste završili?) Hvala. Jeste.

## **NATAŠA PERIĆ**

U redu hvala. Vijećnik Admir Čavalić ispred zajedničkog Kluba stranka za Bosnu i Hercegovinu i Naša stranka, a neka se pripremi Nikica Vidović.

## **ADMIR ČAVALIĆ**

Hvala puno predsjedavajuća. Dozvolite još jednom da vas pozdravim. Dakle, zaista pohvala za predstavnicu Službe. Ona odlično radi svoj posao ne samo po pitanju dakle, ove prijateljske suradnje našeg Grada sa Opštinama u Italiji, već svakako i dakle, u vezi odgovora na vijećnička pitanja i inače nekih drugih radnji koje uključuju odnos sa Gradskim vijećem Grada Tuzla.

Ja pozdravljam ovo bratimljenje dakle, ispred Kluba stranka za BiH i Naša stranka. Mislim da je dobro i inače dakle, činjenica je da živimo dakle, u zemlji niskog dohotka. Dobro je da bilo koji naš grad, opština na području Bosne i Hercegovine uspostavi što više prijateljskih odnosa, suradnja sa naročito opštinama i gradovima u zemljama Evropske unije. To je dobra stvar naročito u kontekstu interregionalnih i međunarodnih projekata od kojih svako ima koristi i tako da ćemo i glasati dakle, afirmativno podržat ćemo navedeno kao Klub.

Ove koristi. Predlažem zaključak: Da dobijemo Ono što nas zanima. Takođe i kolege su ranije navodile i Nikica kroz pitanje jeste koje su konkretne koristi? Bilo bi dobro da dobijemo od bratimljenja. I također ono što mene interesuje jeste koji su indikatori, kako se, kako se dođe do ideje da se prepozna jedna opština i jedan grad i da se uspostave prijateljski odnosi sa navedenim, da li postoji neki tim, da li to rade klubovi stranaka, da li to radi gradonačelnik, da li rade službe, dakle ko, gdje nastane ta ideja dakle, kako, dobijemo taj, tu ideju dakle, kod koga se pojavi u glavi ako tako možemo reći, gdje, gdje nastaje? Dakle, to je moje pitanje. I po kojem osnovu se biraju gradovi i opštine?



Takođe vezano za ove koristi predlažem zaključak: Da dobijemo do narednog Vijeća informaciju dakle, o bratimljenjima koje imamo ranije i da li se ista održavaju, da su aktuelna, da li se održavaju posjete i inače šta se radi na održavanju tih prijateljstava?

Mislim da generalno ovo naglašava značaj i to je kolega Nikica dobro primjetio mjesnih zajednica. Pitanje evo treba postaviti predstavnicima Opštine u Italiji da li oni imaju izbore u mjesnim zajednicama, da li se održavaju ili pak nemaju kao što je slučaj sa Gradom slučaj je li Tuzlom?

Znamo da je nedavno u Sarajevu su održani izbori u mjesnim zajednicama, prije toga u Banja Luci. Sasvim normalna praksa. Ništa neobično. Mediji to prate. Mala izlasnost bude opšte populacije, izaberu se nekakvi predstvnici i život ide dalje, u tim mjesnim zajednicama radi se.

Međunarodna suradnja, odnosno bratimljenje sa opštinama i gradovima upravo ima smisla pogotovo na Evropskom nivou ako imate jake kapacitirane mjesne zajednice koje mogu povući sredstva dakle, finansijska sredstva u okviru projekata i riješiti konkretne probleme na nivou u mjesnoj zajednici, a nema baš toliko dakle, koristi ako to vodi sve Grad ili Opština, ako oni, oni gore top-daun, il ako je ta hijerarhija odozgo prema dole.

Tako da zanima me, eto bilo bi dobro da našim prijateljima u Italiji i svim inače gradovima i opštinama sa kojima imamo taj odnos da postavimo pitanje da li oni održavaju izbore u mjesnim zajednicama ili to skidaju sa dnevnoga reda, neće da održe ili je zabranjeno?

Kao zaključak. Dva zaključka upućujem dakle, pored ovog maloprije jednog:

Da Gradsko vijeće vodi aktivnosti na bratimljenju gradova-opština sa našim gradom. Dakle, da se to prebaci na Gradsko vijeće, jer mi kao Gradski vijećnici nismo upoznati bili sa ovim aktivnostima, tek smo dobili sad u zadnji čas da verificiramo odluku. Napominjem mi ćemo podržat istu i glasat ćemo za nju, ali došlo je u zadnji čas.

Bilo bi dobro da odavde pokrene se inicijativa dakle, ovdje sjedi 31 vijećnik i vijećnica vjerujem da svako od nas ima dobre kontakte sa inostranstvom da svako od nas može raditi na tome da približi Grad Tuzla sa nekom opštinom, gradom na području EU ili regiona i mislim da mi trebamo da vodimo dakle, te aktivnosti kao Gradsko vijeća, a onda da to prati Gradska uprava, službe i gradonačelnik.

Ali drugo, drugi zaključak je posebno bitan u ovom historijskom momentu u kojem se nalazimo. Vjerujem da ćete ovaj zaključak svi podržati i evo ja sam maloprije pustio medijima dakle, da upućujem tu inicijativu- zaključak po uzoru na kolege u Sarajevu, na kolege u Vukovaru, kolege u Zagrebu. Nažalost ne kolege u Srbiji. Bit će vam jasno zašto.

Zaključak dakle, da danas donesemo da se do naredne sjednice Gradskog vijeća pripreme svi materijali, sve informacije i sve potrebne procedure i radnje obave da se bratimi Grad Tuzla i Ukrajinski Kiev. Mislim da ćemo na taj način dakle, poslati jasnu poruku da smo na strani Ukrajine, da podržavamo narod Ukrajine, da stajemo uz narod Ukrajine i da je Tuzla dakle, na strani istine, a ne na strani agresije, zločina, genocida itd. Ovu inicijativu su već podnijeli u Sarajevu, već su je podnijeli u Vukovaru. Ja predlažem da mi kao progresivan grad nadam se, budemo prvaci i preuzmemo primat dakle, da budemo prvi u Bosni i Hercegovini koji će uradit bratimljenje sa Kievom. Vjerovatno će i drugi gradovi širom Bosne i Hercegovine, na žalost vjerovatno ne toliko u entitetu RS, ali u Federaciji bi svakako slijedit ovu praksu. Imali smo onaj skup. Sada je pravo vrijeme dakle, da se mi bratimimo sa Kievom na simboličkom nivou da podržimo taj grad. To je svjetska vijest, to je, to je jasan iskorak i to je jasna poruka Gradskog vijeća Grada Tuzla da smo na strani Ukrajine a ne na strani Rusije dakle, u sukobu koji je jasan, crno bijel, gdje imamo zločince i agresore okupatore i imamo s druge strane nevin narod koji gine svakodnevno.

Dakle, moj zaključak je da se pokrene dakle, inicijativa da se do narednog Gradskog vijeća završi sve potrebno i da na narednoj sjednici Gradskog vijeća isto tako izglasamo odluku

o bratimljenju Kieva i grada Tuzla. To su dva grada prijateljska grada i samo treba da to potvrdimo. Hvala vam puno.

### **NATAŠA PERIĆ**

Grad Tuzla se već izjasnio mislim što se tiče Ukrajine. (ADMIR ČAVALIĆ – Al se nije bratimio.) Pa dobro al se izjasnio na čijoj je strani. (ADMIR ČAVALIĆ – Jeste al moramo sad...) Pa dobro ne ja samo kažem. (ADMIR ČAVALIĆ – I zato ćete bit za.) Ne ne znam. (ADMIR ČAVALIĆ – Zato ćete bit za vjerovatno.) Ja samo kažem da se već prvi izjasnio.

Vijećnik Nikica Vidović. Neka se pripremi vijećnik Nedžad Jusić.

### **NIKICA VIDOVIĆ**

Previše sam citiran odustajem.

### **NATAŠA PERIĆ**

Odustajete. Krađu vam ideje. Vijećnik Nedžad Jusić. Izvolite.

### **NEDŽAD JUSIĆ**

OK. Hvala. (NATAŠA PERIĆ – Nije moguće ovo jelde?) Naime, evo imamo Odluku o bratimljenju grada Tuzle sa Općinom u Italiji i to je izuzetno pohvalno, a samo bi ja stio da se podsjetimo da Evropska unija ima određene fondove, a ti fondovi su uslovljeni određenim kriterijima između ostalog i na određene fondove da bi netko aplicirao mora biti iz Evropske unije. Između ostalog ovo je izuzetno važno da mi imamo dobru suradnju i bratimljenje sa gradovima-općinama iz Evropske unije kako bi mogli zajednički aplicirati na određene fondove za dobrobit građana grada Tuzle, jer u suprotnom mi kao Grad Tuzla ne možemo aplicirati na određene fondove koji su isključivo namijenjeni za gradove iz Evropske unije koji mogu aplicirati u suradnji sa gradovima oni koji nisu ili su potencijalni članovi Evropske unije.

Moje sve pohvale na kraj krajeva za ovu odluku i možda jedna i preporuka da gradonačelnik zajedno sa svoji saradnicima radi i sa većim intenzitetom da se bratimimo sa što više gradova u Evropskoj uniji, kao i izvan Evropske unije, a sve u cilju da zajedničkom saradnjom, da imamo zajedničku suradnju, a ta zajednička saradnja da dovede do boljeg standarda i življenja građana grada Tuzle. Hvala.

### **NATAŠA PERIĆ**

U redu hvala. Vijećnik Ćerim Rastoder ispred Kluba samostalnih vijećnika. Izvolite.

### **ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik**

Zahvaljujem se predsjedavajuća. Prije nego što se osvrnem na ovu odluku želio bih da se zahvalim kolegi Nedžadu Jusiću i na neki način da mu čestitam na organizaciji okruglog stola povodom dana, Svjetskog dana Roma koji je organizovan ovdje prije jedno dvadesetak dana. Imo sam čast, kao i jedan dio vijećnika prisustvovati i mislim da je tu aktivnost koju je, da je ta aktivnost koju je on realizovao jako pozitivna i dobro organizovana i možda da služi za primjer i nama svima ostalim kako se neka aktivnost može dobro organizovati.

Naravno da slušajući gospođu Kakeš i čitajući odluku da je ovo nešto što je vrlo važno i bitno i sama riječ bratimljenje, za riječ bratimljenje treba treba dvoje znači, ne može jedna osoba, odnosno jedan grad ili jedna strana odlučiti da li će se bratimiti s drugom znači, nema ovdje nekih naloga hoćemo s ovim gradom nećemo s ovim gradom.

Znači, ovo što kolega Čavalić kaže to je u redu, ali vjerovatno cijeli svijet je okrenut prema Kijevu. Mi smo dali određenu podršku i dobro bi bilo međutim, da li će bit tu prostora, koliko oni imaju sad vremena da se posvete gradu Tuzli i ovo što kaže onaj Jusić to, to je posebna poenta ove priče. Znači, treba što više bratimljenja sa zemljama i gradovima koje su članice Evropske unije.

Vi znate u kojim se okolnostima naša zemlja nalazi i svaka konekcija, svaki kontakt sa bilo kojom državom, bilo kojim gradom iz zemlje Evropske unije za nas puno znači. U tom kontekstu ja sam za to da se, da se ova odluka podrži, a isto tako evo na ove primjedbe ko to predlaže, ko ne predlaže. Nije bitno ko predlaže. Evo možemo i mi predložiti bilo ko od nas vijećnika i vjerovatno niko neće odbit, ali trebamo naći tu neku drugu stranu i našu stranu i vidjeti šta je tu poenta, šta je tu zajedničko i kake benefit imamo od toga. Hvala ljepo.

### **NATAŠA PERIĆ**

U redu hvala. Replika Vijećnik Admir Čavalić. Kome? Čerimu. Dobro.

### **ADMIR ČAVALIĆ**

Ma samo kratko da repliciram. Dakle, ja sam već provjerio imamo dosta prijatelja u Ukrajini dakle, oni su spremni Kiev da se bratimi sa bilo kojim gradom koji u ovom trenutku hoće da iskoristi tu priliku.

Sjetit ćete se i kad je i Sarajevo bilo pod opsadom dakle, ko god je iz inostranstva predložio da se bratimi sa Sarajevom Sarajevo je automatski prihvatilo. Oni čak imaju specijalan odjel sada u kontekstu njihove diplomatije koji radi na tome i oni će to završiti za par sati. Dakle, na nama je da donesemo odluku, a vama hvala što ste spomenuli da može svako predložiti to. Evo zato sam ja uputio ovaj prijedlog. Hvala.

### **NATAŠA PERIĆ**

U redu hvala. Zaključujem...Samo malo. Zaključujem raspravu klubova vijećnika. Otvaram raspravu vijećnika. Vijećnik Senad Mehmedinović. Izvolite.

### **SENAD MEHMEDINOVIĆ**

Poštovana predsjedavajuća, zamjenici predsjedavajuće, sekretaru, predstavnici službi, kolege vijećnici sve vas srdačno pozdravljam. Vjerujem samo kada je riječ o ovim prijateljima da nisu to fejbuk prijatelji, da su to pravi prijatelji.

Naravno želim da pozdravim Odluku o bratimljenju Grada Tuzle. Naročito mi je drago što se ovdje navodi u obrazloženju, jer mi u obrazloženju imamo neke informacije koje su u stvari odgovor na pitanja koja se postavljaju ovdje kroz diskusiju. Dakle, razmjena iskustava boljeg međusobnog razumijevanja, očuvanja kulture, sjećanja naročito mi je drago što su predstavnici ove opštine pored Tuzle obilazili Srebrenicu i mislim da u budućnosti za bilo kakav vid bratimljenja da ta općina koja dolazi i bratimi se sa Tuzlom da treba da obiđe Srebrenicu koja nikad nikom ne treba da se desi.

Ono što mi je kao čovjeku interesantno i ono što je, što je u stvari isto između naroda Italije i građana evo da kažem Tuzle i Bosne i Hercegovine, mislim da nam ne ne dostaje

altroizma, empatije, senzibilnosti prema svima onima koji su u stanju potrebe i to govorim iz iskustva, jer sam saradivao sa nekim kolegama iz Italije i znam koliko su privrženi prema određenim populacijama, pa evo da kažem koji su u stanju socijalne potrebe i generalno koji su u stanju potrebe, tako da ovaj vid saradnje je stvarno za svaku pohvalu.

Kada je riječ o nekim benefitima pa evo ja ću bit slobodan da kažem da će, mislim da čak i u sklopu ljetnog univerziteta, radi se na tome, promocija jednog projekta koji se naziva Vizibol. Dakle, to je projekat koji promovise fudbal za slijepa i slabovidna lica dakle, jedan fantastičan projekat koji mislim da će se u sklopu ljetnog univerziteta realizovati i to je nešto što mislim da neće biti kratkoročno, što treba da bude dugoročno na način da ne bude to samo realizuje se projekat, završe se aktivnosti i završena je priča. Dakle, treba da bude nešto dugoročno na način da se promovise sport generalno sa osobama sa invaliditetom. Al pazite sad. Zamislite jednu utakmicu fudbalsku gdje se igra pet-pet u sklopu koje igraju dvije slijepa osobe. I to je već zaživilo ovdje u ovoj opštini i naravno da pozdravljam kao neko ko se bavi ovo strukom i vjerujem da kad bude ta utakmica da će se na kraju krajeva odazvati vijećnici koji sjede ovdje i pohvala za sve ovo. Hvala ljepo.

## **NATAŠA PERIĆ**

Hvala Senade. Vijećnik Omer Berbić. Izvolite.

## **OMER BERBIĆ**

Hvala ljepo. Pa podrška sigurno podrška bratimljenju. Vrlo jedna ljepa inicijativa koju treba zaista podržati. I ovo što smo dobili iz obrazloženja jeste činjenica da grad Tuzla aplicira na projekte, a to je trenutno projekat bratimljenja.

Projekti su budućnost ovog grada. Imamo IPA projekte. Kada dobijemo kandidatski status imat ćemo puno više. Imamo ostale projekte USAID, imamo, imamo OSCE. Koliko hoćete projekata. Ali nisam siguran koliko grad Tuzla u tom kontekstu povlači, povlači novca iz projekata.

Ono što sam siguran jeste da evo od šesnaest ovih tačaka na Vijeću, hajde da kažemo kada izbacimo tekuća pitanja i dnevni red imamo evo i Komisija za izbor i imenovanja, imamo nekih 13 tačaka efektivnih za Gradsko vijeće koje se dešava jednom mjesечно.

Ja sam više onaj čovjek koji podržava da mi na Gradskom vijeću suštinski raspravljamo (NATAŠA PERIĆ – Molim vas tišina malo.) o stvarima kao što su recimo industrijska zona u Gornjoj Tuzli spram koje još uvijek nemamo nikakav, nikakav plan, nikakav regulacioni dio. (NATAŠA PERIĆ – Molim vas tišina.) Ako nije problem samo? U suštini ja sam više da mi na Gradskom vijeću raspravljamo o suštinskim stvarima koje će pozapošljavati ljude, koji će donjeti koliko toliko veći benefit nego što je bratimljenje gradova, ali nisam protiv ni bratimljenja gradova zaista. Ali i za bratimljenje gradova i za ovakve tačke dnevnog reda koje ne iziskuju nikakvo kako bi rekao, nikakve sporne reakcije više sam za to da napravimo dva Gradska vijeća u jednom mjesecu gdje bi na jednom Gradskom vijeću upravo razgovarali o ovim tačkama, a na drugom Gradskom vijeću gdje bi imali izvještaje javnih preduzeća, izvještaje ustanova, gdje bi govorili o industrijskim zonama, o regulacionim planovima, gdje bi govorili o ovim stvarima koje u suštini znače za građane grada Tuzle.

Iz tog razloga iz moje diskusije se može vidjeti da ću imati par zaključaka. Zato predlažem zaključke iduće: Prvi zaključak je da se Gradsko vijeće, da Gradsko vijeće ima minimalno dvije sjednice u mjesecu gdje bi se prema Kolegiju naravno dogovorilo i gdje bi efektivno usvojili veći broj tačaka koje trenutno, koje su trenutno na čekanju po par mjeseci i gdje bi napravili taj iskorak u brzini, u brzini projekata koje su od iznimne važnosti kao što je recimo industrijska zona u Gornjoj Tuzli.

Drugi moj zaključak je: Da s hodno tome da smatram da Gradsko vijeće treba imati veći broj bitnijih odluka. Predlažem da gradonačelnik jednom sedmično prima građane kako bi se uvjerio u stvarno stanje (NATAŠA PERIĆ – Molim vas to nema veze sa ovom tačkom dnevnog...) Molim vas nemojte mi upadat. Ima ima veze. (NATAŠA PERIĆ – Imam pravo da vas usmjerim na tačku dnevnog reda.) Ima veze. Imam ja pravo. Nemate pravo imam ja pravo da diskutujem o ovom. (NATAŠA PERIĆ – Vaš zaklju...Nemojte molim vas da vas prekid...) Imam ja pravo da diskutujem o ovoj. (NATAŠA PERIĆ - Nemojte da vas isključujem.) Oprostite. (NATAŠA PERIĆ – Znači, vaš, tačka dnevnog reda nema veze sa vašim zaključcima.) Ima. (NATAŠA PERIĆ – Vi ste sad otišli preširoko.) Nisam otišao preširoko. Nisam otišao preširoko. (NATAŠA PERIĆ – Jeste. Pričate o sjednicama Gradskog vijeća i kako bi one trebale izgledati. Vratite se na tačku dnevnog reda.) Imam pravo da diskutujem na ovoj tački. (NATAŠA PERIĆ – Imate još minutu.) Zato što mislim da ova tačka nije toliko bitna da bude na (NATAŠA PERIĆ – Imate još minutu.) sastavna tačka od 14 bitnih tačaka u Gradskom vijeću. (NATAŠA PERIĆ – Imate, imate još minutu.)

Sljedeći zaključak je: Da gradonačelnik jednom sedmično mora primati građane kako bi se uvjerio u stvarno stanje u mjesnim zajednicama i u gradu Tuzla. Zadnji zaključak je: Da Grad Tuzla inicira kancelariju za projekte Evropske unije i ostale projekte kojima će pola svog radnog vremena pregledati dokumentaciju koja dođe od privrede, a pola svog radnog vremena pisati projekte za grad Tuzlu kako bi povukli veća sredstva od fondova Evropske unije i ostalih fondova, te samim time poboljšali komunalno stanje, kulturno stanje i sportsko stanje u gradu Tuzla. Hvala ljepa.

## **NATAŠA PERIĆ**

U redu. Replika. Hasib Hirkić. Izvolite. Poslovnička. Samo malo.

## **ADMIR ČAVALIĆ**

Ako može samo poslovnička vezano za odlazak sa tačke Dnevnog reda. Samo moram ispraviti dakle, uvaženu predsjedavajuću vezano za ova dva zaključka. Dakle, kancelarija je vezana za projekte. Projekti su spomenuti od predstavnice službe dakle, ova čitava priča u vezi ove tačke Dnevnog reda se veže upravo za projekte i napravljeno je bratimljenje zbog projekata. Dakle, zbog toga je taj zaključak.

Vezano za primanje građana od strane gradonačelnika Grada Tuzla. Kolega mi je ranije rekao dakle, i na to se misli dakle, građani Italije dolaze, ove opštine pogotovu u naš grad i žele da budu kod gradonačelnika da ih primi. Dakle, veže se zato tako da ima veze sa datom tačkom. (NATAŠA PERIĆ – Pa nije naglasio to.) Izvinjavam se.

## **NATAŠA PERIĆ**

Vijećnik Hasib Hirkić. Replika Omeru. Vijećniku Berbiću.

## **HASIB HIRKIĆ**

Zahvaljujem. Samo ja kažem ako se na bilo koji način ovo, ovaj snimak ili ovo ode u javnost, pa italijani vide da smo mi njima braća samo iz koristi ja mislim da ćemo mi izgubiti sve ovo što smo dosad i postigli. I dobro je što Gradsko vijeće nema priliku da se bratimi s nekim, jer mi bismo izgubili i ovo što imamo. Hvala.

**NATAŠA PERIĆ**

Replika. Samo malo. Replika. Selma Čatibušić.

**SELMA ČATIBUŠIĆ**

Ja ću samo kolegi Hasibu pošto je rekao da ako na bilo koji način ovo ode u javnost. Ovo ide u javnost jer naš javni servis snima ove sjednice. Doduše ide nakon sedam dana al iće u javnost. Eto to. (SLAĐANA KRAJINA – Ne ide nakon sedam nakon dva-tri ja moram zaista reagovat znači.)

**NATAŠA PERIĆ**

Molim vas mislim nemojte davati informacije u javnost koje nisu tačne.

**SLAĐANA KRAJINA – sekretar Gradskog vijeća Tuzla**

Samo malo ispravka molim vas. Znači, dan posle, dan posle sjednice Vijeća taj snimak je već eto u stvari RTV -7 je isti dan, koliko im treba jedan dan samo da ga obrade i da se postavi na stranicu.

**NATAŠA PERIĆ**

U redu. Ispravka krivog navoda. Vijećnik Hasib Hirkić.

**HASIB HIRKIĆ**

Nismo ograničeni znamo da ide u javnost, al kažem ako dođe tamo do italijana ovi koji žele s nama da se pobratime i ako vide da smo mi samo iz interesa braća, eh onda ja mislim da mi nećemo više stići nidokle. Nećemo ni do Hrvatske stići a kamoli do Italije. Hvala.

**NATAŠA PERIĆ**

Molim? Ispravka krivog navoda. Admir Čavalić. Izvolite.

**ADMIR ČAVALIĆ**

Samo ispravka krivog navoda vezano za video snimke. Dakle, oni dođu sutradan u službu našu od strane RTV-7 i to je nama potvrđeno da je RTV-7 Tuzla. Međutim, na You Tube se postave tek kroz sedam do deset dana. To možemo jednostavno provjerit. Ako odete na You Tube stranicu i vidite kada je sjednica Gradskog vijeća i vidjet ćete da je kroz sedam do deset dana postavljena na You Tub. (NATAŠA PERIĆ – Dobro.) Dakle, istina je da dođe u Grad Tuzlu sljedeći dan, e sad šta Grad Tuzla radi sedam do deset dana, da li nešto montira nešto miče, briše itd. ne znamo. Ali nije tačno 100% ovo je ispravka krivog navoda da se isti dan postavlja na You Tubu. Hvala.

**NATAŠA PERIĆ**

Dobro. Replika. Replika Hirkiću od strane vijećnika Berbića.

## **OMER BERBIĆ**

Pa ništa. Evo mene zanima družu Hasibe kad su tebi bratimljenja postala bitnija od mjesnih zajednica i činjenica je da gradonačelnik ne prima građane. Pa ako možeš to samo da mi ukratko objasniš u jednom laganom elaboratu? Hvala ljepo.

## **NATAŠA PERIĆ**

Poslovnička. Mensur Alić.

## **MENSUR ALIĆ – vijećnik Tuzlanske alternative**

Ja bih zamolio predsjedavajuća da počnete oduzimati riječi i da se držimo Dnevnog reda. (NATAŠA PERIĆ – Jeste. To sam upravo maloprije i rekla.) Nismo mi ovdje na sijelu. (NATAŠA PERIĆ – Da.) Ja mogu replicirat na svaku ovu, ali ne želim. Želim da budemo konstruktivni i da radimo u interesu građana koji su nam dali povjerenje. (NATAŠA PERIĆ – Uvažavam. To sam maloprije i rekla da se...) I molim vas da oduzimate riječ onaj ko (NATAŠA PERIĆ – Pa blizu smo.) koji ide mimo Dnevnog reda. (NATAŠA PERIĆ – Važi. Naravno uvažavam.) Hvala ljepo.

## **NATAŠA PERIĆ**

Možete replika. Samo malo. Ne možete repliku na poslovničku. Pa ne možete repliku. Izvolite. Hasib Hirkić.

## **HASIB HIRKIĆ**

Evo od kada mi je to postalo važnije. S obzirom da sam slušao onaj i u samom uvodu da je puno bilo priče o mjesnim zajednicama ja nisam zagovornik onoga o čemu ste vi pričali. Očito ne znate o čemu pričate. Mjesne zajednice bez finansiranja su ostale na milost i nemilost i želite da tim savjetima mjesnih zajednica date odgovornost a u stvari nemaju s čim da realizuju ono što budu zamislili. I ja nisam znači zagovornik toga o čemu vi pričate, a najvjerojatnije da ste obilazili terene i da ste vidjeli da je 90% onih koji su dobili povjerenje građana palo, pa sad je samo ostalo na onim pustim pričama.

Ja možda ću imat svoj prijedlog nekad kasnije i da kažem šta je rješenje za mjesne zajednice, na koji način treba da funkcioniše, ali za to treba možda malo, malo vremena i malo više usaglašavanja oko toga kako bi riješili probleme mjesnih zajednica, a ne uvaljivali mjesne zajednice u još veće probleme.

Što se tiče ovoga dijela možda bi ja evo i pitao. Bilo je i prethodnih gradonačelnika. (NATAŠA PERIĆ – Nemojte. Molim vas nemojte. Hasibe? Hasibe?) Šta su oni ostavili u amanet ovom Gradskom vijeću? (NATAŠA PERIĆ – Hasibe nemojte.) I s kojim su gradovima se oni bratimili? (NATAŠA PERIĆ – Nemojte sad postavljat pitanja ta, te vrste.) Pa evo ako već žele imam ja odgovore na sve ne sikirajte se.

## **NATAŠA PERIĆ**

Omer Berbić (OMER BERBIĆ – Poslovnička. ) Poslovnička. Izvolite.

## OMER BERBIĆ

Mislim stvarno ne volim gospodinu Mensuru da na bilo koji način, jer stvarno ga respektujem. (NATAŠA PERIĆ – Nemojte replicirat.) Nije replika hoću... Izvinite možete li me pustiti da završim pa onda recite šta hoćete? (NATAŠA PERIĆ – Mogu. Pa ne možete opominjat.) Ali ne možete...Vi mene svaki put prekinete. (NATAŠA PERIĆ – Pa moram zato što vas moram usmjeriti idete mimo.) O vi ćete mene usmjeriti. (NATAŠA PERIĆ – Hajte molim vas. Pa eto.) Ma hajte molim vas. (NATAŠA PERIĆ – Ma hajte molim vas vi ćete mene. Hajde.) Hoću jednog dana. (NATAŠA PERIĆ – Imšala. Hajde.) Imšala.

Ništa zanima me samo kada se kaže nismo na sijelima na koga se konkretno misli s obzirom da sam i ja bio sudionik ove ove rasprave? (NATAŠA PERIĆ – Nemojte molim vas to nije poslovnička.) Ima. Po Poslovniku se ne može ni govorit nismo na sijelu. (NATAŠA PERIĆ – Nemojte molim vas.) Po Poslovniku (NATAŠA PERIĆ – Nemojte.) to, to se ne može na taj način radit.

## NATAŠA PERIĆ

Nemojte molim vas vijećnik ima...Vi, vi svašta izgovorite za mikrofonom i kad vam se prigovori onda kažete da imate pravo. Pa citirat ću vas kad uzmem stenogram et. Pauza 10 minuta. (Pauza.)

Nastavljamo sa radom.

Molim vijećnike da sjednu na svoja mjesta.

Ispred vijećnika da li se još neko javlja? Vi ste se javili. Vijećnik Zijah Rifatbegović. Izvolite.

## ZIJAH RIFATBEGOVIĆ – vijećnik Stranke demokratske akcije

Najprije sve da vas pozdravim. Vrlo ću ja kratko. Želim da kažem da je ovo odlična stvar da mi sa gospodom i građanima Italije imamo što čvršću komunikaciju. Ja sam se prijatno iznenadio na svojim boravcima studijskim u Italiji i vezama koje imam kroz svoju struku sa kolegama iz Italije koliko oni dobro poznaju stanje u Bosni i Hercegovini. Ne smijemo zaboraviti ni ono što su Talijani učinili za nas u toku agresije na Bosnu i Hercegovinu i sigurno da ovo treba pozdraviti i treba podržati.

Međutim, postoje tu kriteriji koje i jesu određeni od Evropske unije kako se, kako se gradovi bratime. Ovo što je kolega Nedžad Jusić rekao iznenaduje me da onaj koji to predlaže nije uzeo to u obzir da postoje ti kriteriji koji su vrlo jasno definirani. Ja djelimično te kriterije poznajem kroz aplikaciju za naučne projekte kada je bilo govora o transplantaciji gdje vi jednostavno ne možete aplicirat ako niste ispunili određene, određene kriterije, ali ostavimo to po strani. Bitno je da ovo ide i da će to sigurno dati svoje benefite.

Koje će privilegije bit i koji će programi bit i koji će prioriteti bit u ovoj saradnji to će se vjerovatno definisati u nekom narednom periodu, ali sigurno da bih ja predložio da jedan od prioriteta bude je li iskustva koja je Italije ponijela u post-kovid vremenu koja su možda i najbogatija nažalost na Svijetu. Italija ima izuzetno jako, jaka iskustva u post-kovidu i sa svim onim što, što to nosi, oni su uveli jedan termin koji se, koji je vrlo značajan u post-kovid reanimaciji i oporavku, tako da bi bilo dobro da se onaj ko bude pravio taj program referira i na tu stranu.



Nije dobro kada se predlaže bratimljenje od strane privilegovanih gdje mi kao Gradsko vijeće apsolutno ovo što su kolege ranije govorile uopšte nismo sa tim upoznati.

Ja sam, dok sam imao komunikaciju konstruktivnu sa Gradskom upravom kroz, kroz gradonačelnika ja sam u toku boravka u Sandžaku na suzbijanju pandemije sa gradonačelnikom Novog Pazara, jednim prekrasnim čovjekom, jednom prekrasnom Gradskom upravom ponudio našem gradonačelniku da dođe do bratimljenja između gradova Novi Pazar i Tuzla. Novi Pazar je grad ne samo po ljepoti poznat nego i po dobroti, dobroti ljudi. Prošli su jednu veliku golgotu. Njima treba i te kako podrška univerzitetskog grada. Nažalost nikad nisam ni dobio odgovor da li je to uopšte uzeto u neko razmatranje i ovo govorim kao primjer da ne treba stvari postavljat tako. Selektivna pravda je nepravda. Selektivni kriteriji nisu kriteriji. Ako postoje kriteriji za bratimljenje sa gradovima Evropske unije mora postojati kriterij i za bratimljenje sa gradovima koji su i te kako dali svoj doprinos Bosni i Hercegovini kao državi i čiji su građani dali punu podršku Bosni i Hercegovini u njenoj državnosti, borbi za slobodu i svemu onom ostalom.

Ovo navodim kao primjer i molim vas da u buduće kad bude se to izlagalo svakako se referira ko to predlaže, na osnovu kojih kriterija to predlaže i koji su prioriteti i zašto nikad nismo dobili informaciju, evo ja ću i zvanično pitat vezano za bratimljenje sa Novim Pazarom. Hvala vam lijepo.

**NATAŠA PERIĆ**

Hvala. Vijećnik Admir Čavalić. Izvolite.

**ADMIR ČAVALIĆ**

E hvala vam puno predsjedavajuća. Dakle, zanemarit ću ove replike i sl. samo sam htio da dovršim vlastitu raspravu vezano za bratimljenje sa prijateljskim gradom u Italiji.

Volio bi da dobijemo dakle, kao zaključak da predložim: Da dobijemo informaciju o broju italijanskih turista u naš grad za 2019-2020. i 2021. godinu. Zašto navodim ove tri godine? 2020-ta godina je godina kovida 19 ne uzima se kao relevantna, a 2019-ta pokazuje puno i 2021-va može pokazat puno jer došlo je do značajnog oporavka turizma kako u Bosni i Hercegovini tako i u našem gradu. Podatke za ovu aktuelnu godinu još uvijek nemamo, tako da ne bi insistirao na tome.

Dakle, moj zaključak je: Da dobijemo tačno broj dolaska, dakle, broj turista i broj noćenja i to će na najbolji način u stvari prikazati i odgovoriti svim kolegama koji su postavili pitanje da li imamo koristi od bratimljenja.

Zašto ovo postavljam pitanje? Evo vidjeli ste svi u materijalima, ja sam dobio odgovor na vijećničko pitanje koji se veže za turizam. Hvala puno Turističkoj zajednici grada Tuzla. Uvijek izuzetno me iznenade i obraduju sa podacima dakle, kako revno sve to poslože gdje oni sami evo priznaju i navode da od ukupnog broja noćenja u Bosni i Hercegovini na grad Tuzla dođe 2,17% noćenja, odnosno 2,77% turista. Čak su moje procjene da je bilo to 3% bile izgleda da kažemo previše optimistične dakle, demantirali su me i hvala im na tome. I ipak oko 2% dolazi u grad Tuzla koji je treći najveći grad u našoj državi i zbog toga postavljam ovaj zaključak. Hvala puno.

**NATAŠA PERIĆ**

U redu. Zaključujem raspravu vijećnika. Zamolit ću gospođu Svjetlanu Kakeš da odgovori na pitanja.

**SVJETLANA KAKEŠ - rukovodilac Stručne službe  
za poslove gradonačelnika Tuzle**

Evo ja vam se prije svega svima zahvaljujem na podršci, ipak sam ovo shvatila kao podršku donošenju ove odluke. Cijeneći vaše vrijeme zaista sam evo svjesna i ja da imate još ozbiljnih materijala danas na sjednici. Ja ću nastojati vrlo brzo, iskoristila sam ovu pauzu da sebi nekako sistematiziram vaša pitanja i da probam brzo odgovorit. Evo ne moram ni imenovati vijećnike, možda ću nešto pomiješati.

Koji gradovi, sa kojim gradovima u Italiji Tuzla je bratimljena? Tuzla je bratimljena sa gradom Bolonjom, pokrajinom Ravena i ovo je treći grad, a pored toga je bratimljena, pošto je bilo pitanje još sa Osjekom, Pečuhom, Tuzlom iz Istambula, Saint-Deniz iz Pariza i sa Lincom iz Austrije. Podsjetiću, ja bilo je i pitanje da se traži s kim smo sve bratimljeni i koje su koristi? Ja ću vas podsjetiti da u Informaciji o aktivnostima gradonačelnika koja se jednogodišnje razmatra na Vijeću jedan od sastavnih dijelova je Informacija o međunarodnoj saradnji i znam da je prošle godine pred ovim sastavom Vijeća bila ta informacija koja je sadržavala sve informacije s kojim smo gradovima bratimljeni i o kojim se projektima radi. Pa evo sad onda ja neću to ponavljati jer za mjesec ili dva ponovo je ta informacija na dnevnom redu i opet će se održavat naravno i te informacije.

Što se tiče ove organizacije posjete studenata, studijske posjete 20 studenata ovoj općini mi naravno da bi se organizovala neka studijska posjeta treba obezbjedit finansijska sredstva. Znaete svi kako, kako to ide. Ova posjeta iz Italije bila iz ovog projekta finansirana, a naravno da ćemo mi nastojati aplicirat za nove projekte, nove aktivnosti i imam već i u planu posjetu ali ne studenata, nego predstavnika određenih nevladinih kulturnih i sportskih organizacija koje su uspostavile saradnju. Da sad ne nabrajam koje su bile. Kad su ovdje bili oni, a koga zanima mogu...da vam ne oduzimam vrijeme.

Naravno za tu, iza organizacije neke posjete mora postojati obostrani interes zajednički. Uvijek se ta saradnja odvija tako i u ovim organizacijama čiju ćemo posjetu najvjerojatnije u junu organiozovati je uglavnom su mladi, jer kultura i sport, onda znamo da su tu najviše zastupljeni mladi i bit će naravno i predstavnici Udruženje „Žena Srebrenice“ ako budemo uspjeti to organizovati.

Kako, što se tiče ovog što je, što je postavljeno pitanje da postoje Evropski kriteriji za bratimljenje, meni zaista nije poznato da postoje neki propisi Evropski, jer bratimljenje gradova su isključivo pitanja lokalne samouprave. Kao što kod nas postoji Zakon o principima lokalne samouprave gdje su regulisane procedure za bratimljenje, tako postoje sticajem okolnosti kroz ovaj predmet bratimljenja sa Italijom znam da je kod njih na drugi način regulisano. Oni moraju imat recimo i saglasnost njihovog nadležnog Državnog ministarstva da bi se neki grad bratimio sa nekim gradom iz inostranstva. Znači, svaka država ima svoje propise, jer su to pitanja koja se tiču isključivo lokalne samouprave. Ne uređuju se na nivou Evropske unije. Postoje naravno kriteriji za apliciranje za projekte i svaki Evropski fond ima posebne svoje kriterije koji smo dužni ispunjavati kad apliciramo.

Kako dolazi do ove inicijative da se Grad Tuzla bratimi sa nekim drugim gradovima? Zaista nije propisano da to je neko privilegovan da podnosi tu inicijativu. Najčešće kao što je to ovdje slučaj, tako i kod ovih drugih gradova s kojim smo bratimljeni to bude sljed neke prethodne saradnje saradnje. Ne možemo mi sad s neba pa u rebra, naravno isključujem ovo što je vijećnik Čavalić govorio, to je specifično nego...Izvinjavam se na ovom izrazu s neba pa u rebra. Ali u glavnom bude sljed neke prethodne saradnje gdje se malo bolje upoznamo kroz neke aktivnosti i projekte i onda mora postojat, neko je govorio od vijećnika, mislim vijećnik Jusić obostrani, vijećnik Jusić obostrani interes da se ta saradnja uspostavi. Mi smo imali slučajeve da je inicijativa za uspostavljanje bratimljenja dolazila od ambasada pojedinih država gdje su one inicirale da se s nekim njihovim gradom bratimimo. Da je dolazilo od nekih

organizacija civilnog društva koji su uspostavili odličnu saradnju s nekom organizacijom iz te države pa su nam onda to sugerisali. Da je dolazila od nekih privrednih subjekata ili naravno tih lokalnih samouprava iz tih drugih gradova, tako da nije ni problem da bude inicijativa ne znam evo i od nekog vijećnika. (NATAŠA PERIĆ – U redu.) Bilo koga od vijećnika.

Što se tiče toga pitanja koliko grad Tuzla povlači iz sredstava Evropske unije ja vam zaista odgovorno mogu tvrdit, pratim to, ta oblast se nalazi, što se tiče Gradske uprave u Stručnoj službi za poslove gradonačelnika kojom ja rukovodim, a i prije toga sam radila u sličnim organizacionim jedinicama koje su se bavile Evropskim projektima . Grad Tuzla što se tiče Bosne i Hercegovine povlači najviše sredstava od svih gradova i općina u Bosni i Hercegovini. Mi trenutno imamo, trenutno aktuelnih pet projekata koji se finansiraju direktno iz sredstava Evropske unije gdje je grad Tuzla u nekoliko njih vodeći aplikant. Znači, najodgovorniji za realizaciju tih projekata i gdje je vodeći partner znači, dužan je da izvještava i prati realizaciju projekta za sve partnere, a partneri su, uglavnom su to projekti preko granične saradnje. Partneri su iz Hrvatske, Srbije i Crne Gore, pošto se radi uglavnom o tim fondovima.

Naravno osim tih EU projekata u ovoj godini ćemo samo investirat, odnosno realizirat najmanje milion maraka u grad Tuzlu iz ovih pet projekata. Ovo su projekti koji traju po dvije-tri godine. Znači, vjerovatno nisam sad...nemam kod sebe podatke da smo i prošle godine, jer smo i prošle godine isto završili jedan značajan projekat, da smo i prošle godine otprilike toliko realizirali što se tiče EU sredstava. Tu ne računam projekte koje radimo sa UNDP-em, sa USAID-om i sa ostalim međunarodnim organizacijama koje realiziraju sredstva od drugih donatora. Evo oni su ovdje, oni koji realiziraju sredstva Vlade Švicarske, Austrije i ostalih. (NATAŠA PERIĆ – U redu.)

Što se tiče. Imam samo još jedno jer je vezano i za prijedlog zaključaka. Što se tiče kancelarije za EU projekte Grad Tuzla još od, ja sam počela 96-te počela radit u Uredu za međunarodnu saradnju koji je tad postojao znači, još od tad ima organizacionu jedinicu koja se bavi EU projektima između ostalog i sad u ovoj sadašnjoj sistematizaciji u Stručnoj službi za poslove gradonačelnika postoji Odjeljenje za razvojno planiranje i upravljanje razvojem, tako se zove jer imam malo šire obim aktivnosti, ali u okviru tog odjeljenja su sistematizirana radna mjesta koja su dužna, odnosno rade najviše na EU projektima, to je u okviru ove moje Službe i to odjeljenje radi i na pripremi aplikacije i realizaciji EU projekata ne samo za Grad Tuzlu nego i za druge partnere s kojima zajedno radimo i koordinira sve aktivnosti za Gradsku upravu, jer i u drugim Službama, naravno ako je neki projekat vezano za komunalnu infrastrukturu da nam treba neki stručnjak iz komunalne službe. Iz civilne zaštite trenutno imamo dva projekta, pa je realiziramo u saradnji sa Službom civilne zaštite. Znači, veliki je broj osoba u Gradskoj upravi koji su uključeni u realizaciju EU projekata, ali postoji to jezgro, ta kancelarija kako je vijećnik Berbić predložio znači, ta kancelarija, to jezgro već postoji u Gradskoj upravi. (NATAŠA PERIĆ – Odgovorili ste.) I ta kancelarija naravno saraduje i sa javnim preduzećima i javnim ustanovama. Pogotovo tu je aktuelno Javno komunalno preduzeće „Komunalac“ koji ima svake godine skoro neki od projekata preko-granične saradnje iz EU fondova i naravno da to radimo u koordinaciji.

Nedavno smo u toku prošlog mjeseca, ova kancelarija je pomogla, pa meni se čini svim javnim preduzećima i javnim ustanovama, jer smo mi poznati ka pouzdan partner. Nama su se javili partneri i iz Hrvatske, iz raznih gradova iz Hrvatske, jer je u Hrvatskoj bio otvoren fond za preko-graničnu saradnju Hrvatska Bosna i Hercegovina. Povezali smo sva naša javna preduzeća sa partnerima iz Hrvatske za neke male projekte do do 50.000 maraka, ali to za preduzeća puno, pogotovo za Ustanove puno znači i pomogli im i svi su aplicirali. Ne znamo šta će biti. U junu su rezultati. Ne vjerujem da će svih 20 proć al nek prođe dva-tri mi ćemo biti zadovoljni.

Mislim da sam brzo. (NATAŠA PERIĆ – Jeste.) Ako šta nisam odgovorila ja sam svima na raspolaganju. (NATAŠA PERIĆ – Jeste. Jeste.) Šta god bude trebalo.

**NATAŠA PERIĆ**

Hvala. Stavljam na izjašnjavanje Odluku o bratimljenju Grada Tuzle i Općine Campi Bisenzio (Firenca) iz Republike Italije. Molim vijećnike da se izjasne. Molim? Poništavam glasanje. Molim ponovo. Glasanje je okončano.

Konstatujem da je ODLUKA O BRATIMLJENJU GRADA TUZLE I OPĆINE CAMPI BIENZIO (FIRENCA) IZ REPUBLIKE ITALIJE usvojena sa, 29 glasova za, nije bilo protiv i nije bilo suzdržanih.

Što se tiče zaključaka koji su proizašli iz diskusije gospođa Kakeš je na većinu odgovorila, pa ja bi zamolila samo predlagачe zaključaka da odustanu od nekih jel gospođa je dala odgovore.

Molim vas morate. (SLAĐANA KRAJINA – Samo na mikrofon.) Recite.

**OMER BERBIĆ**

Ja odustajem od zaključka za kancelariju za Evropske projekte.

**NATAŠA PERIĆ**

Dobro. Vijećnica Čatibušić.

**SELMA ČATIBUŠIĆ**

Ja odustajem onda od onog za tabelarni prikaz i za studente ako je već to planirana neka posjeta.

**NATAŠA PERIĆ**

Dobro hvala. Vijećnik Čavalić.

**ADMIR ČAVALIĆ**

Ja odustajem vezano ovo dakle, da Gradsko vijeće vodi aktivnosti na ovom polju dakle, mislim da je objašnjeno, da manje više svako može to raditi i da je ranija suradnja u vezi navedenog. Hvala. (SLAĐANA KRAJINA – Govori bez uključenog mikrofona op.a.) Nisam čuo. Možete li ponovit samo? (SLAĐANA KRAJINA- Pa da se traži od gradonačelnika. Evo ja ću mikrofon.) Aha. Dobio sam informaciju koji su gradovi. Okej, okej. Izvinjavam se. Odustajem i od tog. (SLAĐANA KRAJINA – Dobro.) Za Italiju okej. (SLAĐANA KRAJINA – Kiev?)

**NATAŠA PERIĆ**

Za Kiev hoćemo taj zaključak je ostao? Ja da glasamo o njemu. Dobro. Ostajemo. Ostaješ za Kiev je li? Dobro.

## **SLADANA KRAJINA – sekretar Gradskog vijeća Tuzla**

- Da Grad Tuzla se bratimi sa...Mikrofon. Da se bratimi sa što više gradova (NATAŠA PERIĆ – Pa dobro to je već.) zemalja članica Evropske Unije u cilju otvaranja veće mogućnosti zajedničkog apliciranja. To može ostat.

- Gradsko vijeće Tuzla treba da ima minimalno dvije sjednice u jednom mjesecu kako bi efektivno usvojila veći broj tačaka koje su trenutno na čekanju par mjeseci čime bi se napravio značajan iskorak u bržem donošenju odluka. Ostajete je li? (vijećnik Omer Berbić govori bez uključenog mikrofona op.a.)

S hodno tome traži se od gradonačelnika da jednom sedmično prima građane kako bi se uvjerio u stvarno stanje u mjesnim zajednicama u gradu Tuzla. (vijećnik Omer Berbić govori bez uključenog mikrofona op.a.)

- Gradsko vijeće sugerije resornoj Službi (NATAŠA PERIĆ – Nema više.) da se prilikom pravljenja programa saradnje između grada Tuzle i općine Campi Bisenzio iz Republike Italije pokušaju iskoristiti bogata iskustva koju je Italija ponijela u post-kovidu. Može ostat.

- Gradsko vijeće traži od Turističke zajednice Grada Tuzle podatke o broju turista, odnosno dolazaka noćenja talijanskih turista u gradu Tuzli u toku devetnaesta-dvadeseta-dvadesetprva. Jel ostajete vijećniče Čavaliću? (vijećnik Admir Čavalić govori bez uključenog mikrofona op.a.) Dobro. (NATAŠA PERIĆ – Može li da se dobije odgovor u pisanoj formi jel možete? Može li tako? Molim vas uključite. (ADMIR ČAVALIĆ – Ako možemo dobit do narednog Gradskog vijeća od Turističke zajednice odgovor u pisanoj formi odustajem od zaključka tog vezanog za...

## **SLADANA KRAJINA – sekretar Gradskog vijeća Tuzla**

Pa ne možemo tražit od njih bez zaključka da dostave u pisanoj formi. (ADMIR ČAVALIĆ – Aha.) Kako? Pa mora se usvojiti zaključak da se zatraži. (ADMIR ČAVALIĆ – Dobro.)

## **NATAŠA PERIĆ**

Recite.

## **ZIJAH RIFATBEGOVIĆ**

Vezano samo za zaključak. Prvo ja nisam gospođo Kakeš neki vijećnik. (NATAŠA PERIĆ – Nemojte raspravu.) Ja imam svoje ime i prezime je li? (NATAŠA PERIĆ – Al nema rasprave više. Izvinite.) Al ne to je poslovnička. Ja imam svoje ime i prezime. Ja nisam neki vijećnik koji može nešto predložiti. (NATAŠA PERIĆ – Pa niste tražili poslovničku.) Nego imam svoje ime i prezime. Ja vas oslovljavam po vašem imenu i prezimenu i funkciji koju obavljate, a Vi meni kažete ne-ki vijećnik. (NATAŠA PERIĆ – Pa dobro nije namjerno rekla.) To je. To je. (NATAŠA PERIĆ – Pa nije namjerno.) Pa pazite nemate razloga biti vi njen piar je li. (NATAŠA PERIĆ – Pa nisam piar al nemojte.) Nemojte molim vas je li. Ja oslovljavam ovdje svaku sa punim poštovanjem bez obzira na različite stavove koje imamo.

Druga stvar. Mislim da ste u svom izlaganju kontradiktorni. Prvo ste rekli da treba da ima...(NATAŠA PERIĆ – Nema rasprave više. Ja sam zaključila raspravu Zijah Rifatbegoviću.) Da treba da ima saglasnost tamo Grada pa onda Evropski projekti. Pa mi se i bratimimo s gradovima da bi realizirali određene Evropske projekte za koje postoje kriteriji je li?

Da to treba da uđe u zaključak svakako da treba to je...Koji su to prioriteti u našem bratimljenju (NATAŠA PERIĆ – U zaključku?) u realizaciji? (NATAŠA PERIĆ – Nema više.) Pa ovo je zaključak. (NATAŠA PERIĆ – Nema. Onda sačekajte malo.) Samo malo molim vas. (NATAŠA PERIĆ – Ja sam diskusiju zaključila nema naknadnih zaključaka.) Ja ne diskutujem ja stavljam poslovničku je li i evo nije naknadan zaključak. (NATAŠA PERIĆ – Ne možete kršite Poslovnik sad.) Ovo je kršenje Poslovnika? (NATAŠA PERIĆ – Izvinite molim vas samo da vam kažem.) Mislim da niste u pravu ja samo govorim da...(NATAŠA PERIĆ – vijećniče Rifatbegoviću imate pravo na poslovničku ali ne možete naknadno tražiti zaključak iz razloga zato što je u roku...) Nisam ne tražim, nego ga niste pročitali, niste ga pročitali. (NATAŠA PERIĆ – Pa to ste trebali odmah reći.) Pa rekao sam to. (NATAŠA PERIĆ – Niste tako rekli.)

Prioriteti, prioriteti je li koji će biti određeni u saradnji s ovom, s ovom, sa bratimljenjem je li ovoga grada.

Koji su to Evropski projekti koji će biti realizirani u bratimljenju sa ovim gradom?

Niste to pročitali kolko sam ja mogo zapaziti. (NATAŠA PERIĆ – Evo samo malo. Pa tako ste samo trebali reći da nije pročitan vaš zaključak.)

### **SVJETLANA KAKEŠ - rukovodilac Stručne službe za poslove gradonačelnika Tuzle**

Oprostite ja bih samo malo osjećam potrebu. Ja se vama izvinjavam ako ste me pogrešno shvatili. Zaista nisam imala namjeru i sve vijećnike i vijećnice uvažavam zaista sa velikim uvažavanjem.

Na početku sam rekla da neću imenovati nikoga od vijećnika jer zaista ne mogu...Puno je bilo primjedbi i sugestija i ja ne znam da sam ikoga oslovila imenom osim možda Omera Berbića na kraju mog izlaganja. (NATAŠA PERIĆ – I Čvalića.) Jer mi je bila specifična, baš je pogrešno, pogrešan bio zaključak. Imala sam osjećaj da tu reagujem, a ostale sve zaključke sam sublimirala zajedno i zaista i nekoliko sam puta rekla neko od vijećnika ili neki vijećnik. Nisam samo jednom i nisam zaista samo na vas mislila. (NATAŠA PERIĆ – U redu Svjetlana.) Ali ako ste me pogrešno shvatili ja se izvinjavam.

### **NATAŠA PERIĆ**

U redu. (ZIJA RIFATBEGOVIĆ – Hvala vam ljepo.) Niste dobili riječ.

### **SLAĐANA KRAJINA – sekretar Gradskog vijeća Tuzla**

Evo ja ću samo malo vijećniče Rifatbegoviću ako dozvoljavate? Znači, ako ako je propust moj je propust. Ali ja mislim da ste predložili samo ovaj zaključak za Italiju i post-kovid i to sam evidentirala. Mislim da nastojim stvarno svaki zaključak evidentirati. (vijećnik Zijah Rifatbegović – Govori bez da mu je data riječ op.a.)

(NATAŠA PERIĆ - Samo niste dobili riječ sačekajte.) Znam znam znači, za post-kovid ste rekli da predlažete zaključak, a ovo sam razumjela da ste tražili da vam se odgovori na pitanja koji su kriteriji. (NATAŠA PERIĆ – Jeste.) Zaista nisam razumjela da tražite zaključak.

### **ZIJAH RIFATBEGOVIĆ**

Izvinjavam se mogu li? (NATAŠA PERIĆ – Možete. Možete. Samo malo hajde sad uključite.) Mislim da u ovako ozbiljnom dokumentu moraju postojati prioriteti u ovoj saradnji.

Znači, koji su to definirani projekti koje mi trebamo da apliciramo prema Evropskoj uniji? Ne mogu oni biti proizvoljni znate. Ne može sad sjest Ured gradonačelnika i reći mimo Gradskog vijeća znaš šta mi ćemo raditi na projektu izgradnje terena fudbalskog ne znam itd. (NATAŠA PERIĆ – Molim vas de recite samo zaključak.) Pa evo govorim zaključak uporno ponavljam.(NATAŠA PERIĆ – Ovo je pitanje.) Ne. Nije pitanje zaključak.

Znači da se definiraju prioriteti u realizaciji Evropskih projekata kroz bratimljenje s gradom tim i tim. (NATAŠA PERIĆ – Dobro.) Ponavljam treći put.

**NATAŠA PERIĆ**

Ma niste tako rekli nemojte tako molim vas. Pauza 10 minuta. Pauza 10 minuta. (vijećnik Alen Kapidžić govori bez uključenog mikrofona op.a.) Samo...Vijećnik Kapidžić dajem pauzu. Mislim ovo stvarno nema smisla.

**ALEN KAPIDŽIĆ – vijećnik Socijaldemokratske partije**

Samo samo sekundu. Ali ovaj zaključak doktora Zijaha je nemoguće ispoštovat da znate. Znači, ne možemo mi samo kroz ovu odluku gledati svoje prioritete, a bratimiti se sa drugi gradom. A šta su njihovi prioriteti? Kako? Je li moguće da odredimo prioritete? To je nemoguće. Stvarno je nemoguće.

**NATAŠA PERIĆ**

Dobro nema rasprave o zaključcima. Molim vas pauza pet minuta samo oko zaključaka da se dogovorimo. (vijećnik Zijah Rifatbegović govori bez da mu je data riječ i bez uključenog mikrofona op.a.)

**NATAŠA PERIĆ**

Pauza. (Pauza.)

Molim vijećnike da sjednu i da glasamo. U redu.

Stavljam...Vijećnik Rifatbegović je odustao od posljednjeg je li tako zaključka? Dobro.

Stavljam na izjašnjavanje zaključke koji su proistekli iz rasprave i molim sekretara da pročita jedan po jedan. Molim vas tišina.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugeriše gradonačelniku i resornoj Službi da se grad Tuzla bratimi sa što više gradova/zemalja članica Evropske unije u cilju otvaranja većih mogućnosti zajedničkog apliciranja na različite projekte i fondove Evropske unije.

**NATAŠA PERIĆ**

Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 18 suzdržanih.

Dobro je nemojte molim vas dobacivati. Hajte. Molim vas tišina. Molim vas tišina. Molim vas.

Pročitajte sljedeći zaključak.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla inicira bratimljenje grada Tuzle i ukrajinskog grada Kiev, čime će se poslati jasna poruka da je Tuzla na strani Ukrajine i na pravoj strani a protiv agresije i genocida te u tom smislu se traži od gradonačelnika i resorne Službe da pripreme materijale odgovarajuće odluke.

**NATAŠA PERIĆ**

Glasanje je okončano.

Konstatujem da je pročitani zaključak usvojen sa 28 glasova za, niko nije bio protiv i nije bilo suzdržanih.

Molim sljedeći zaključak.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla treba da ima minimalno dvije sjednice u jednom mjesecu gdje bi efektivno usvojilo veći broj tačaka koje su trenutno na čekanju par mjeseci i čime bi se napravio značajan iskorak u bržem donošenju odluka.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, niko nije bio protiv i 20 suzdržanih.

Molim sljedeći.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od gradonačelnika da jednom sedmično prima građane kako bi se uvjerio u stvarno stanje u mjesnim zajednicama i u Gradu Tuzla.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, niko nije bio protiv i 20 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugerše resornoj Službi da se prilikom pravljenja programa saradnje između grada Tuzle i Općine Campi Bisenzio iz Republike Italije pokušaju iskoristiti bogata iskustva koja je Italija ponijela u post-kovidu.

**NATAŠA PERIĆ**

Molim vijećnike da se izjasne. Glasanje je okončano.



Konstatujem da prijedlog zaključka nije dobio potrebnu većinu, 8 vijećnika je glasalo za, niko nije bio protiv i 20 suzdržanih.

#### **SLADANA KRAJINA – sekretar Gradskog vijeća Tuzla**

- Gradsko vijeće Tuzla traži od Turističke zajednice grada Tuzle podatke o broju turista, odnosno dolazaka i noćenja Talijanskih turista u gradu Tuzli u toku dvijehiljadedevetneste-dvijehiljadedvadesete i dvijehiljadedvadesetprve godine.

#### **NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 21 suzdržan.

Nema više? U redu.

Prelazimo na treću tačku Dnevnog reda:

#### **RAZMATRANJE I USVAJANJE ODLUKE O IZMJENI I DOPUNI POSLOVNIKA GRADSKOG VIJEĆA**

Predlaga je Kolegij.

Obrađivač je stručna služba Gradskog vijeća a materijal su razmatrali: Molim vas tišina. Malo za pažnje molim vas. Komisija za statutarna pitanja i propise i klubovi vijećnika.

Obavještavam vijećnike da je samostalni vijećnik Hasib Hirkić dostavio dva amandmana na prijedlog Odluke o izmjeni i dopuni Poslovnika Gradskog vijeća Tuzla.

Amandmane vijećnika Hirkića ste dobili u materijalu podijeljenom neposredno pred početak sjednice.

Ima li potrebe za uvodnim izlaganjem? (Ima.)

Gospođa Mediha Nuhbegović će dati uvodno izlaganje.

#### **MEDIHA NUHBEGOVIĆ – rukovodilac Stručne službe Gradskog vijeća**

Pozdravljam sve prisutne vijećnice i vijećnike. Hoću da kažem da je ova Odluka o izmjeni i dopuni Poslovnika o radu Gradskog vijeća Tuzla. Dakle, ova Odluka o izmjeni i dopuni Poslovnika o radu Gradskog vijeća Tuzla pripremljena je po zaključku sa sjednice Kolegija Gradskog vijeća Tuzla od 23. marta ove godine kojom prilikom Kolegij Gradskog vijeća Tuzla i od Stručne službe Gradskog vijeća Tuzla tražio da u skladu sa izjašnjenjem Vlade Federacije Bosne i Hercegovine, a i na inicijativu Gradskog vijeća Tuzla za davanje autentičnog tumačenja u vezi sa primjenom Zakona o mladima Federacije Bosne i Hercegovine za aprilsku sjednicu Gradskog vijeća Tuzla pripremi izmjene Poslovnika u cilju implementacije člana 14. stav 1. tačka 6. Zakona o mladima Federacije Bosne i Hercegovine kojom bi se omogućilo direktno učešće i suodlučivanje predstavnika Vijeća mladih Grada Tuzle u Komisiji za mlade, obrazovanje i sport s Gradskog vijeća Tuzla, a navedenim izmjenama Poslovnika Gradskog vijeća Tuzla omogućilo bi se da u sastavu Komisije za mlade, obrazovanje i sport kao radnog tijela Gradskog vijeća Tuzla pored predsjednika i šest članova Komisije koji se biraju po proporcionalnoj zastupljenosti političkih subjekata, odnosno klubova vijećnika u

Vijeću da se izabere i jedan predstavnik ispred u Komisiji za mlade, obrazovanje i sport jedan predstavnik Vijeća mladih Grada Tuzle.

Dakle, mi planiramo nakon, pošto je bilo jedno vijećničko pitanje vezano za prečišćeni tekst Poslovnika Gradskog vijeća, nakon što se ova izmjena usvoji na današnjoj sjednici da na narednoj sjednici vam ponudimo prečišćeni tekst Poslovnika Gradskog vijeća Tuzla. Eto toliko.

### **NATAŠA PERIĆ**

Samo malo. Samo malo.

Ima li potrebe da se pročitaju izvještaji Komisija? Nema.

Otvaram raspravu klubova vijećnika. Vijećnik Damir Muratović. Izvolite. Ispred Kluba Socijaldemokrata.

### **DAMIR MURATOVIĆ**

Gospođa Mediha je zaboravila. Obrazložila je ovo za Vijeće mladih ali nije ovaj amandman što ste pročitali gospodina Hirkića, pa samo da nam obrazloži ako može.

### **NATAŠA PERIĆ**

Aha. Može. (DAMIR MURATOVIĆ – Da da. Uporište da to.)

### **MEDIHA NUHBEGOVIĆ – rukovodilac Stručne službe Gradskog vijeća**

Što se tiče amandmana dakle, ova Služba nije ni predlagač ni obrađivač amandmana. Predlagač i obrađivač ovog amandmana je vijećnik Hasib Hirkić. Po proceduri znači, ovo Vijeće treba da se izjasni glasanjem da li će prihvatiti ili neće prihvatiti ove amandmane. A ovo nije je li što je predložio gospodin Hirkić za mene to nije pitanje za koje je nadležna Stručna služba.

### **NATAŠA PERIĆ**

Dobro. Otvaram raspravu raspravu klubova vijećnika. Vijećnik Damir Muratović. Izvolite.

### **DAMIR MURATOVIĆ**

Hvala gospođi Medihi na odgovoru. Ja bi samo sugerisao, ne bih htjeo biti ciničan, pošto sam sa kolegom Hirkićem od početka bio u Klubu ovo nije ni njegov fond slova ni ništa, al eto ne bih ja dalje komentarisao čiji je ovo amandman. Da ovdje piše Hasib Hirkić ja bih smatro da je ovo Hasibov amandman znači, tako da je ovdje sve jasno znači.

Što se tiče ovog amandmana konkretno Hasiba Hirkića ne znam zašto je bilo potrebe da se podnosi ovaj amandman kada su već izmjenjeni sastavi Komisija i savjeta u skladu sa Poslovníkom o radu Gradskog vijeća gdje ste nam obrazložili iz stručne službe i svi ostali da ima uporište da Klubovi samostalnih vijećnika i samostalni vijećnici mo-gu, mogu predlagat ovaj, tako da ne vidim razlog.

Što se tiče toga u članu 145. stav 1. Poslovnika na kraju rečenice briše se znači tačka 1 i dodaju riječi: "ili vijećnici Gradskog vijeća." To je sasvim jasno. Samo dole u obrazloženju znači, ovdje je isključiv razlog i drago mi je ako je to samo zbog toga kako bi se obezbjedila

ravnopravnost svih vijećnika Gradskog vijeća bez obzira da li djeluju u Klubu vijećnika ili predlažu za donošenje ovih amandmana.

Što se tiče svih izmjena vezano za savjete i Komisije mi smo predali apelaciju Ustavnom sudu zajedno sa ostalim ostalim političkim strankama i ne želim ulaziti u nikakvu diskusiju sa kolegama. Kakva god bude odluka Ustavnog suda i mi ćemo kao Klub i vijećnici kao Gradsko vijeće to poštovati. Za mene je ta rasprava završena.

Što se tiče sljedećeg predsjedavajuća i Vas sekretara molim samo da ako može da na stenogram se stavi rezultati glasanja sa Kolegija?

Znači, samo da se konstatuje znači, da je jedan Klub bio ZA i da su tri bila SUZDRŽANA ako to ni...(NATAŠA PERIĆ – Pa ima.) 3 bila PROTIV pardon. Eto to je to.

**NATAŠA PERIĆ**

Pa to će bit.

**DAMIR MURATOVIĆ**

3 SUZDRŽANA, 1 PROTIV pardon.

**NATAŠA PERIĆ**

Pa bit će to.

**DAMIR MURATOVIĆ**

Et. Samo to želimo da bude na stenogramu i ništa više. Hvala vam.

**NATAŠA PERIĆ**

Pa bit će ništa se ne brinite. (DAMIR MURATOVIĆ – Hvala.) Vijećnica Selma Čatibušić ispred Kluba Platforme za progres. (SLAĐANA KRAJINA - Nema stenograma sa Kolegija ba. Nema stenograma sa Kolegija.) Dobro. Ali zapisano je.

**DAMIR MURATOVIĆ**

U stenogram sa Vijeća. (SLAĐANA KRAJINA – Pa uće. Evo snimljeno je.) Pa uće aha to? (SLAĐANA KRAJINA – Pa naravno.)

**NATAŠA PERIĆ**

Al to snimamo. (SELMA ČATIBUŠIĆ - Jel mogu ja?) Možete. Izvolite.

**SELMA ČATIBUŠIĆ**

Pa evo ovako. Ovom prilikom svakako htjela bih da pohvalim ovu izmjenu obzirom da sam upoznata sa svim na neki način usklađivanjem Zakonom mladih Federacije Bosne i Hercegovine i mogu reći slobodno da Tuzla prednjači u cijeloj Federaciji kada su u pitanju hajde da kažem poštivanje ovog zakona. Jedino što je nedostajelo bilo je upravo to imenovanje jednog člana Komisije iz Vijeća mladih, tako da bih svakako pozdravila opet rad Službe za

kulturu, sport i mlade koji je zajedno sa nama nekoliko vijećnika koji smo se također borili za ovu stvar a evo na kraju nadam se i uspio sa time.

Ono što mi je pomalo hajd mogu tako reći diskutabilno jeste što će sada paran broj članova Komisije biti u toj Komisiji, pa malo mi je diskutabilno na koji način će se donositi odluke u slučaju da, da dođe do ne znam na jednoj strani 4 za, na jednoj strani 4 protiv itd.

Tako da bih predložila s tim u vezi jedan zaključak da ukoliko dođe do neriješenog broja glasanja, da će presuditi glas isključivo člana Komisije koji dolazi iz Vijeća mladih, obzirom da je to jedini član koji na neki način ima neki veći legitimitet jer će bit, bit će biran od strane Vijeća mladih gdje, u kojem, u čijem sastavu ulazi toliki broj omladinskih organizacija i sigurno da ima veći legitimitet od strane nekog ko je stranački postavljen. Eto toliko. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem. Vijećnik Hirkić. Izvolite.

**HASIB HIRKIĆ**

Zahvaljujem. (ADMIR ČAVALIĆ – Klub. Klubovi su.)

**ELVIR BIJEDIĆ**

Klubovi su je li? (SLAĐANA KRAJINA – Ja ispred Kluba.) Ispred klubova da. (Iz kojeg Kluba?) Izvolite OK. Izvolite gospodine Admir Čavaliću.

E izvinjavam se imamo repliku. Izvinjavam se. Replika Merima Softić Sprečić. Hvala.

**MERIMA SOFTIĆ SPREČIĆ**

Replika upućena kolegici Selmi Čatibušić i hoću da napomenem da sam kao član Komisije za sport i mlade. Mi smo takođe na jednoj od prvih sjednica već razmatrali ovaj prijedlog koji je nama bio upućen od strane Vijeća mladih.

Obzirom da nismo znali kompletnu proceduru na koji način sama Komisija može djelovati, ja moram zaista ovdje da pohvalim sve članove ove Komisije zajedno sa predsjednikom koji je prihvatio odmah na samom početku da to bude i i predstavnik Vijeća mladih i onda smo na kraju upitili na Kolegij i Kolegij je tražio izjašnjenje. Znači, da se ne zaobiđe u ovom slučaju i Komisija koja je sama prihvatila od samog početka da uđe još jedan predstavnik kao legitiman predstavnik koji će imati odluku i o odlučivanju izbora, ali će imat naravno i izbora diskusije.

Ali na samom početku hoću takođe i ovo da napomenem. Da su od prve sjednice Vijeća, znači, ne od prve ali od druge sjednice svi predstavnici mladih kojeg su oni naravno izabrali su bili upoznati sa materijalima Komisije na vrijeme i na vrijeme dobivali pozive kako bi se odazvali na sve sjednice koje su od samog početka imala ova Komisija.

Tako da moram priznati na neke sjednice su se odazivali, na većinu ni-su. Možda iz razloga što im, možda tema nije bila trenutno ta koja je njima opšte poznata, za koju su se u tom interesu možda htjeli boriti, ali hoću da kažem da su zaista na vrijeme pozivani na sjednice Vijeća, Komisije pardon, da je Komisija od samog početka imala ih je u svom sastavu. Naravno nisu mogli odlučivati, evo dok ne bude ova odluka danas. Toliko.

**ELVIR BIJEDIĆ**

Hvala. Za repliku se javila prvo vijećnica Selma Ćatibušić.

**SELMA ĆATIBUŠIĆ**

Pa ništa. Evo na kraju kolegica je rekla do tad su oni bili samo gosti te Komisije gdje svako eto ko je želio mogao prisustvovati, jer i Komisije bi u principu trebale biti javne a sada oni ulaze baš tako kao legitimni predstavnici, odnosno članovi te Komisije gdje mogu dati i imati svoj glas.

**ELVIR BIJEDIĆ**

Hvala. Replika. Vijećnik Anel Ibeljić.

**ANEL IBELJIĆ**

Kratka samo replika kolegici Selmi. Evo samo da je pohvalim u ovom njenom dosadašnjem radu i zalaganju što se borila i svi mi u stvari što se borimo za mlade, ali kada je riječ o odlučivanju ove Komisije kao što mi je poznato i druge Komisije način i sam proces odlučivanja je propisan dal Poslovníkom ili drugim internim aktima i propisano je da se odluke donose većinom prisutnih članova Komisije koji glasaju. To znači da je potrebno u konkretnom slučaju njih pet, tako da u slučaju tog nekog ne, ne riješenog rezultata ili četiri-četiri odluka ni jedna neće moći biti usvojena. Tako da mislim da tu ne treba praviti neke, neke izuzetke. Hvala.

**ELVIR BIJEDIĆ**

Zahvaljujem kolegi Anelu Ibeljiću. Nadam se da je ovo dovoljno objašnjenje. (SELMA ĆATIBUŠIĆ – Ja imam repliku.) Sačekajte, sačekajte, sačekajte. Repliku imate ili?

**SELMA ĆATIBUŠIĆ**

Da da repliku na...Niti jedna Komisija koliko sam ja upoznata nema paran broj članova. Al, ne znam ako griješim nek me neko ispravi.

**ELVIR BIJEDIĆ**

Hvala. Replika. Vijećnik Mensur Alić.

**MENSUR ALIĆ**

Pa evo da se vratim samo, dugo bi trebalo o ovome raspravljati o Komisijama. Da se vratim samo na nas u Vijeću kad traži se izvještaj Komisije kažemo ne treba.

Imali smo dosta slučajeva, do sad se dešavalo da Komisija sasvim drugačije donese odluku, a da Vijeće donese drugačiju. Prema tome četiri-četiri ništa ne znači. Ipak na kraju Vijeće donosi odluku kad je u pitanju bilo koja tačka sa bilo kojega (nerazgovjetno izgovorena riječ op.a.)

## **ELVIR BIJEDIĆ**

Hvala kolega hvala. Samo sekundu. Hvala kolegi Mensuru Aliću. Dakle, samo imam obavezu da kažem da i u Kolegiju imate paran broj pa ne može se ni jedna odluka donijeti bez većine glasova. Dakle, mislim da je to jasno ovo što kaže kolega Anel Ibeljić, ali evo dozvolite ću. Jusiću izvolite.

## **NEDŽAD JUSIĆ**

Može rep...Ma samo, ja stvarno ne razumijem. Poslovníkom je propisano da Komisija mora imati 7 članova ne. Sa Poslovníkom Komisija ne može imati 8, niti će ona imati 8. Netko od postojećih 7 će se morat zamjenit sa ovom osmom osobom i Komisija će biti...(ELVIR BIJEDIĆ – Ne ne. Molim vas Jusiću ovi upravo...) Sa izmjenama bit će osam? (ELVIR BIJEDIĆ – Tako je.) U redu je ja se izvinjavam ondak nisam dobro. Izvinjavam se ništa. (ELVIR BIJEDIĆ – Ne, ne, ovo, ovo je, upravo, upravo se o tim izmjenama i radi.) Ništa. Hvala.

## **ELVIR BIJEDIĆ**

Zahvaljujem. Nastavljamo diskusiju Kluba vijećnika. Vijećnik Čavalić. Izvolite.

## **ADMIR ČAVALIĆ**

Hvala puno kolegi Jusiću samo ono možda na prvu zbuni pa ću objasniti. Predsjednik i 7 članova pa je ukupno 8 dakle. Pa to malo na prvu zbuni. Misli se da je sedam.

Ja pohvaljujem dakle, ovu odluku. Klub će glasati ZA. Evo kad su svi pohvaljivali dakle i ove određena tijela koja su radila na ovome ja zaista moram pohvaliti i Kolegij Gradskog vjeća. Mislim da je najveća težina nekih odluka u vezi navedenog donijeta upravo na Kolegiju.

Vezano za participaciju članova Vijeća mladih u Komisiji za mlade dakle, ja sam već na drugoj sjednici Kolegija uputio zaključak da oni participiraju bez prava glasa Kolegij je apsolutnom većinom prihvatio navedeno i oni su počeli dolaziti na Komisiju. Drago mi je da čujem da su dolazili na neke tačke. Malo kritika njima što nisu dolazili na sve. Dakle, bilo bi dobro da se interesuju za svako pitanje mladih. Tu se slažem sa kolegicom Softić.

Vezano za ovu odluku. Možda je malo ono gorčina u ustima što smo čekali u konačnici da nas Federalni nivo malo dresira. To ove kolege sa Kolegija znaju a ima nas jedna trećina ovdje sa Kolegija dakle, dosta kolega to zna. Dobili smo s Federalnog nivoa dakle, instrukciju da jednostavno moramo čim prije postupiti u ovom slučaju.

Istina jeste da Grad Tuzla zaista pravi iskorak. Ovo jeste iskorak. Ovo je promjena. Ovo je dobro i za ostale dakle, kolege vijećnike i vijećnice da samo ne brkamo dakle, ovo je i Komisija jedna specifična gdje postoji Federalni propis koji uređuje ovu oblast, pitanje mladih i on u stvari navodi da mi trebamo imati predstavnika mladih u ovom radnom tijelu, tako da ne bi se pravila paralela sa nekim drugim Komisijama.

Takođe bilo je pitanje ko će reprezentovati istu? Ko će stavljat to? To određuje Vijeće mladih. Vijeće mladih je mreža dakle, nevladinih organizacija takođe propisana Federalnim zakonima tako da i tu nemamo problema. Zna se kako se postaje članovima Vijeća mladih kako se napušta navedeno i naša Služba za mlade dakle, je konstantno u kordinaciji sa predstavnicima Vijeća mladih.

Ja bih samo na kraju naveo dakle, preporučujem Vijeću mladih Grada Tuzla da izabere najbolje. Da ne bude tu problema oko izbora. Da zaista bude osoba koja će biti reprezentativna

i koja će iskoristiti svaku Komisiju da delegira pitanja, postavi inicijativu, postavi pitanje, nešto nametne na tu Komisiju što možda članovima nije palo napamet iz dobre namjere.

Dakle, preporučujem da mladi zaista ovo uzmu ozbiljno te prihvate svojevrsno evo poklon ako hoćete Grada Tuzla, ali obavezno svakako i da iskoriste tu Komisiju kako bi zaista unaprijedili položaj mladih u našem gradu, a ne da to bude Komisija da dođu onako jednom mjesečno, sjednu, potpišu se i kažu ja bio na Komisiji i očekujem neki honorar.

Dakle, molim vas. Ovo je poruka moja ne predsjednicima Gradskog vijeća, nego predstavnicima mladih. Iskoristite ovo dakle, sada ovu Komisiju. Nametnite svoje teme da bude agenda vaš program i sl. izglasajte, podtahnite inicijativu, dajte nama na Vijeće još više pitanja u vezi mladih, pa da zajedno radimo i da napravimo promjenu, jer u suprotnom ako to ne uradimo onda ćemo biti samo dodatni član Komisije. Slično ko u GAP-u dakle, imat ćemo influencije članova Komisija a ništa konkretno se ne radi na terenu. A ovako je, ovako je dobro da, da zaista se napravi neka promjena. Hvala vam puno.

## **NATAŠA PERIĆ**

U redu hvala. Zaključujem raspravu klubova vijećnika. Otvaram raspravu vijećnika. Vijećnik Hasib Hirkić.

## **HASIB HIRKIĆ**

Zahvaljujem predsjedavajuća. S obzirom da se kolega Muratović pozvao već na na prošlo Vijeće i Komisije ja bih samo možda citirao jedan dio vijećnika Miškovića gdje je tamo, u svom izlaganju on je rekao: Jer ovim se krše svi dogovori, sva saradnja između stranaka, svi međustranački dogovori, kao i pravila koja su važila dugi niz godina konstatovali smo da narušavanje međustranačkih dogovora, dobra praksa koja je vladala u Gradskom vijeću.

Znači, imajući u vidu sve godine i čitavo ovo vrijeme ništa se nije radilo po zakonu. Faktički se radilo o međustranačkim dogovorima.

Što se tiče Statuta Grada Tuzla za koje su i Socijaldemokrati glasali član 27., član 37., član 38. Statuta Grada Tuzla. Vratću se znači, na član 26. Poslovnika o radu i tek sada ću doći do ovoga materijala, u stvari Odluke o izmjeni Pravilnika u Gradskom vijeću. Ovdje je samo propušten jedna riječ, u stvari napravljena greška a to najvjerojatnije buni ove druge koji bi željeli da neko upadne u njihovu zamku. Samo sam tražio ovdje da se doda i vijećnika da bi svi ovi dosadašnji akti bili isti-identični sa ovom izmjenom kod novog Poslovnika.

Znači, ništa ovdje nije urađeno ili ništa se ne traži ono što nije već sprovedeno od predhodnog Vijeća 2020. godine i mi nismo donosili Poslovnik o radu. Sve do sad što se je radilo radilo se po Poslovniku između ostalog ovo što su i kazali. Neko je kršio Poslovnik i neko je radio po stranačkim dogovorima.

Ja pokušavam da vratim sve u okvire zakona i da probamo raditi po Poslovniku, po Statutu i po onim aktima koji su donešeni. A kako će stranački dogovori se sprovodit to nek oni u kafanama sprovode, a ne na Gradskom vijeću.

Zbog toga je ovaj amandman upućen da svi vijećnici budu ravnopravni i da imaju ista prava. U stvari da se usaglase sa Poslovníkom o radu iz 2020. godine. Hvala.

## **NATAŠA PERIĆ**

U redu hvala. Samo da podsjetim vijećnike da je diskusija vijećnika 5 minuta pa samo da vodite računa. Replika. Damir Muratović. Izvolite. Dobro.

## **DAMIR MURATOVIĆ**

Replika pa diskusija. Podržavam gospodina, druga Hasiba Hirkića u svemu što je rekao i potpisujem ovo sve što je rekao uz napomenu da svi moramo a ne samo Klub SD-a nego svi uvažavati da SDP više nije najveći i najjači Klub u Vijeću, kao što vidite gore na platnu. To je sada Klub samostalnih vijećnika i mi ih podržavamo i naravno onaj ko ko ima najveći i najjači Klub diktira tempo i mijenja Poslovnik itd. tako da ja bi tu diskusiju završio stvarno.

Što se tiče dalje znači, vezano za Vijeće mladih imam obavezu. Sa velikim zakašnjenjem na žalost, već su kolege, već su kolege spomenule znači, ali nikad nije kasno da se isprave sve greške i nepravde. Ovdje posebno ističem sve kolege, kako na Kolegiju Gradskog vijeća, tako i u Vijeću znači, nikad ni jedan vijećnik nije sporio da Vijeće mladih treba imati predstavnika u Vijeću mladih i vrlo dobro znamo. Opet neću imenovati. Vrlo dobro znamo ko je to osporavao i zašto a nije bilo nikakve potrebe da se osporava.

Znači, i ovo je jedna poruka Vijeću, Vijeću mladih i svim mladima u gradu da Gradski vijećnici u ovome sazivu stoje iza, iza mladih i želimo i nadamo se da taj član koji će biti osmi član Komisije za mlade će biti konstruktivan i da će i dolaziti i inicijative i ispred Komisije a tako i ispred njega lično kao člana Komisije.

Posebno znači, čestitam kolegicama i kolegama na insistiranju na implementaciji pogotovo kolegici, kolegici Merimi koja je tu bila, ne mogu stvarno da kažem da nije, koja jeste evo u većini, ali je uporno insistirala na implementaciji.

Tak da evo još jednom koristim priliku da se Vijeću mladih u ime Gradskog vijeća još jednom izvinem što su ovoliko čekali na implementaciju, ali ponavljam nikad nije kasno. Hvala.

## **NATAŠA PERIĆ**

Hvala. (ANEL IBELJIĆ – Ispravka krivog navoda.) Ispravka krivog navoda. Vijećnik Ibeljić.

## **ANEL IBELJIĆ**

Koliko mi je poznato Klub SDP-a je i dalje najveći i najjači Klub baš kao što i proizilazi sa ovog platna, jer samostalni vijećnici nemaju i ne mogu imati svoj Klub. Hvala. (DAMIR MURATOVIĆ – Replika.)

## **NATAŠA PERIĆ**

Replika. Mogu imati Klub al nemaju sad. Pa nemojte molim vas. (DAMIR MURATOVIĆ – Evo, evo samo ispravka.) Replika? (DAMIR MURATOVIĆ – Evo samo ću reći.) Ispravka.

## **DAMIR MURATOVIĆ**

Ispravka krivog navoda. Neka kolegi Ibeljiću njegove kolege iz Kluba odgovore na pauzi. (ADMIR ČAVALIĆ – Ispravka krivog navoda.)

## **NATAŠA PERIĆ**

Ispravka krivog navoda. Molim? Anele dobro je.



**ADMIR ČAVALIĆ**

Ispravka krivog navoda. Kolega Ibeljiću kolko znam samostalni vijećnici imaju vlastite klubove, jer sretnem na Kolegiju dakle, predstavnicu klubova samostalnih vijećnika. (NATAŠA PERIĆ – U redu.) Dakle, ispravka krivog navoda. Oni mogu...

**NATAŠA PERIĆ**

Molim vas tišina nemojte svi u glas pričat. Pa nismo na pijaci. Stvarno se danas ponašate neodgovorno. (ANEL IBELJIĆ – Ispravka krivog navoda.)

Samo malo. Samo malo. Ispravka krivog navoda. Ko je još tražio? Anele hajde, hajde, hajde. Imate pravo po jednu ispravku.

**ANEL IBELJIĆ**

Ispravka krivog navoda. Mislio sam da svi samostalni vijećnici nisu u jednom Klubu i zato nisu jači od SDP-a.

**NATAŠA PERIĆ**

Niste se dobro izrazili. U redu. (ANEL IBELJIĆ – Moguće. Hvala.) Vijećnik Omer Berbić. Izvolite.

**OMER BERBIĆ**

Evo hvala ljepo. I ja bi vrlo kratko. Da podržim što mladi dobijaju čovjeka jednog u, odnosno što dobijaju mjesto u Komisiji za mlade i evo shodno tome da mi zaista svako Vijeće mijenjamo Poslovnik.

Ja bi volio kao zaključak da stavim da se odmah iza vijećničkih pitanja na drugoj tački dnevnog reda redovno stavlja izmjena Poslovnika da ne bi morali evo ovako na četvrtu-petu stavljati. Tako da odmah iza vijećničkih pitanja i inicijativa bude kao druga tačka uvijek napisano, pa ako nemamo šta da promijenimo što će biti manje slučaj, onda ćemo to samo i zanemariti. Hvala ljepo.

**NATAŠA PERIĆ**

Sljedeći za riječ se javio vijećnik Mirel Mišković. Izvolite.

**MIREL MIŠKOVIĆ – vijećnik Socijaldemokrata BiH**

Ja odustajem.

**NATAŠA PERIĆ**

A odustajete. Vijećnik Zijah Rifatbegović. Izvolite. Uključite mikrofona molim vas.

**ZIJAH RIFATBEGOVIĆ**

Vrlo ću kratko. Ovo me podsjeća na film onaj Spašavanje vojnika Ryana. Sve ovo što je uvaženi kolega Berbić reko, sve ove promjene Poslovnika zna se šta je to cilj je li? To se

pokušava na jedan, vidjet ćemo šta će u apelacija koju je SDA podnijela Ustavnom sudu, šta će reći o tome koliko je to zakonito, odnosno ne zakonito.

Nije dobro da se provodi ova praksa i nije dobro da i ovu tačku Dnevnog reda završimo kao izvještaj Revizorske komisije sa sintagmom znate šta nisu Javne nabavke rađene u skladu sa zakonom ali nije prekršen zakon. Nešto će slično bit i s ovim je li? Već ulazimo u tu sintagmu. Vidjet će Ustavni sud će reći.

Ovo od strane uposlenika Gradske uprave koji forsira ovakav način rada Gradskog vijeća u najmanju ruku pokazuje jednu političku uznemirenost i naravno nezrelost, ali vidjet ćemo, sačekat ćemo odluku Ustavnog suda i onda ćemo se referirat prema njoj.

## **NATAŠA PERIĆ**

U redu hvala. Jel se javljate i vi? Vijećnik Čavalić.

## **ADMIR ČAVALIĆ**

Ako mogu kratko? (NATAŠA PERIĆ – Možete.) Pošto bi se samo referiso na mlade.

Ja ponavljam svoj raniji stav dakle, najbolji zakoni, pravilnici i institucije su one koje su predvidljive. Bilo bi dobro da smo evo na početku Poslovnika koji smo dobili od naše Službe da se taj Poslovnik osto takav, da smo znali za naredne četiri godine po kojim pravilima igramo. Nije dobro nigdje, ni u Gradskom vijeću, ni kad, kad se neki meč održava ni u sportskom društvu nigdje da se pravila mijenjaju u toku igre. I to je moja uvijek zamjerka. Evo maloprije je i doktor to ukazao i jasno predvidio dakle, ne možemo non stop spram nekih novih situacija unutar većine dakle, težiti promjenama Poslovnika.

Ovdje ne referišem se ni na jednu osobu, ni na jednu stranku. Svejedno mi je to dakle, manje me brine. Al kažem nako generalno nije, nije dobar taj koncept nako za u kontekstu predvidljivosti naših pravila. Zaista to nije dobro. Institucije se grade na predvidljivosti i pravila, a na bazi institucija se gradi država. Hoćemo državu moramo biti predvidljivi dakle, da nešto napravimo pa da traje 10 godina, petnest-sto godina itd. Ako će to trajat od sjednice do sjednice, evo košto i Berbić se malo i tu našalio da mi svaku sjednicu sad raspravljamo o Poslovniku onda čemu to, onda možemo možemo dat usmeni Poslovnik dakle, da ga učimo onako napamet, usmeno da bude pa ne moramo ga ni kodificirat moramo ga pisat dakle. Hvala.

## **NATAŠAPERIĆ**

U redu hvala. Zaključujem raspravu vijećnika. Pa dajte molim vas na vrijeme. (ESANA KAVAZBAŠIĆ HUSKANović – Digla sam ruku.) Ma kad ste digli? Hajde.

## **ESANA KAVAZBAŠIĆ HUSKANović**

Ovaj ja ću kratko. Zaista se slažem sa kolegom Čavalićem i smatram to jako neozbiljno pogotovo od strane većine da svaki put moramo usvajat neka nova pravila jer u principu ispravno bi bilo da na početku godine dobijemo jedan Pravilnik o radu kojeg ćemo se svi pridržavat da ga ne prilagođavamo svaki put, pošto mi kao opozicija znači ne možemo tu puno reagovati na donošenje znači, stavki tog Poslovnika već zna se jednostavno ko provodi ovdje šta hoće da provodi.

Tako da bi vas zamolila da napravite ako ništa neki vremenski rok do kojeg se može taj Poslovnik mijenjat da ograničimo to vrijeme znači, u narednih šest mjeseci da imamo ili u naredna četiri mjeseca definitivno Poslovnik o radu da bi znali kako ćemo se u budućnosti ponašati ovdje u Vijeću. Hvala.

**NATAŠA PERIĆ**

Zaključujem raspravu vijećnika.

Zamoliti ću sekretara Gradskog vijeća da pročita amandman koji će postati sastavni, koji je postao sastavni dio odluke.

**SLAĐANA KRAJINA – sekretar Gradskog vijeća Tuzla**

Evo ovako. Kolegij je održao sjednicu neposredno pred početak ove sjednice ako se usvoji samo da objasnim.

Znači, Kolegij je održao sjednicu neposredno pred početak današnje sjednice i razmatrao ovaj amandman samostalnog vijećnika i prihvatio i prihvatio isti tako da on postaje sastavni dio amandmana. Sastavni dio odluke.

**NATAŠA PERIĆ**

Stavljam na izjašnjavanje Odluku o izmjeni i dopunama Poslovnika Gradskog vijeća uz amandmane samostalnog vijećnika Hasiba Hirkića, koji su postali sastavni dio ove odluke.

Molim vijećnike da se izjasne. (vijećnik Esana Kavazbašić Huskanović govori bez uključenog mikrofona op.a.) Ne možete sad. Stavila sam na izjašnjavanje i zaključila sam diskusiju. To ste trebali reći u toku diskusije. Zaključujem glasanje.

(vijećnik Selma Čatibušić govori bez da joj je data riječ i bez uključenog mikrofona op.a.) Nemojte molim vas da dobacujete niste dobili riječ.

Odluka o izmjenama i dopunama Poslovnika Gradskog vijeća...Ko? Pa ne glasamo ljudi o amandmanima. Glasamo o odluci šta vam je?

**SLAĐANA KRAJINA – sekretar Gradskog vijeća Tuzla**

Dajte molim vas samo malo da pojasnim. Moram samo da pojasnim. Znači, vi se izjašnjavate danas o Odluci i izmjeni i dopuni Poslovnika Gradskog vijeća Tuzla.

Na prijedlog Odluke samostalni vijećnik je u poslovničkom roku dostavio amandmane. Pošto je predlagatelj ove Odluke po zaključku Kolegija kad su u pitanju, ono usklađivanje sa Zakonom o mladim Kolegij Gradskog vijeća znači, predlagatelj Odluke o izmjenama i dopunama Poslovnika u onom dijelu gdje je Komisija za mlade Kolegij, ovdje se Kolegij izjašnjava ovdje da li prihvata predloženi amandman ili ne na isti način kao što se npr. gradonačelnik izjašnjava o tome da li prihvata amandman na Budžet ili na neku drugu odluku kao predlagatelj. Ako ga prihvati on postaje sastavni dio odluke, ako ne, onda se vijećnici izjašnjavaju.

Ovdje je Kolegij održao sjednicu, prihvatio već amandmane i oni postaju, ako se izglasa odluka, oni postaju sastavni dio odluke i o njima se ne glasa. Glasali bi samo da Kolegij nije prihvatio amandmane.

**NATAŠA PERIĆ**

Dobro. Molim vas da glasamo ponovo pošto neki vijećnici nisu glasali. Znači, vijećnici u sali moraju da glasaju. Glasanje je okončano.

Konstatujem da je ODLUKA O IZMJENI I DOPUNAMA POSLOVNIKA GRADSKOG VIJEĆA usvojena sa, 23 glasa za, niko nije bio protiv i 4 suzdržana.

Zamoliti ću samo Slađanu Krajinu radi stenograma da pročita amandmane koji su postali sastavni dio Odluke.

**SLADANA KRAJINA – sekretar Gradskog vijeća Tuzla****„AMANDMAN I**

U prijedlogu Odluke o izmjeni i dopuni Poslovnika Gradskog vijeća Tuzla (u daljem tekstu prijedlog Odluke) , iza člana 2. dodaje se novi član 3., koji glasi:

„Član 3.

U članu 145. stav 1. Poslovnika na kraju rečenice briše se tačka i dodaju riječi:“ili vijećnici Gradskog vijeća.“

Dosadašnji članovi 3. i 4. prijedloga Odluke, postaju članovi 4. i 5.

**AMANDMAN II**

Naziv Odluke, mijenja se i glasi: Odluka o izmjeni i dopunama Poslovnika Gradskog vijeća Tuzla.”

**NATAŠA PERIĆ**

U redu. Prelazimo na četvrtu tačku:

**RAZMATRANJE I USVAJANJE ODLUKE O DODJELI JAVNIH PRIZNANJA U 2022.**

Predlagač je Komisija za odlikovanja i priznanja.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise i klubovi vijećnika.

Ima li potrebe za uvodnim izlaganjem? (Nema.) Dobro.

Ima li potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Omer Berbić. Izvolite.

**OMER BERBIĆ**

Sigurno podržavam nije taj dio sporan, nego me zanima da li mi možemo kao Gradsko vijeće biti informisani kada možemo davati prijedloge za ovakve stvari?

Bil mogli na Kolegiju dobit samo samo da je objavljen javni poziv il ne znam, ne znam kada bude objavlje kako bi mi imali informaciju i možda bi mi imali još nekih prijedloga koji bi bili interesantni?

**NATAŠA PERIĆ**

Može. U redu.

Da li se još neko javlja ispred vijećnika? Hoćete vi? Senad Mehmedinović. Izvolite.

**SENAD MEHMEDINOVIĆ**

Hvala najljepša. Naravno da u potpunosti podržavam ovaj prijedlog od Komisije. Međutim, možda jedan zaključak da predložim predsjedavajuća: Da ubuduće kad budemo razmatrali ovaj izvještaj da znamo dakle, koje i druge osobe budu delegirane kao neki koji bi mogli da dobiju ovu nagradu. Čisto da znamo imena i prezimena tih ljudi koji su bili i da samo u budućnosti sastavni dio izvještaja budu imena i prezimena i drugih ljudi koji su bili predloženi za ovaku nagradu, jel ovdje to nisam vidio. Nije četiri su. Četri su bile. (NATAŠA PERIĆ – Pa

vidite. Imena koja...mislim nema...ko ne prođe mislim da nije u redu. To smo jelde dogovarali i u prethodnom sazivu?) Aha. OK a izvinjavam se nisam ja bio u prošlom sazivu. (NATAŠA PERIĆ – Pa dobro evo sad...Jel odustajete?) OK. Odustajem. Odustajem.

## **NATAŠA PERIĆ**

Dobro. Stavljam na izjašnjavanje Odluku o dodjeli javnih priznanja u 2022. godini. Molim vijećnike da se izjasne. Glasanje je okončano.

Konstatujem da je ODLUKA O DODJELI JAVNIH PRIZNANJA U 2022.GODINI usvojena sa, 26 glasova za, niko nije bio protiv i nije bilo suzdržanih.

Prelazimo na petu tačku Dnevnog reda a to je:

## **RAZMATRANJE I USVAJANJE ODLUKE O ODRŽAVANJU, UPRAVLJANJU I KORIŠTENJU SKLONIŠTA U MIRU**

Moli vas tišina.

Predlagač je gradonačelnik Grada Tuzle.

Obrađivač je Služba civilne zaštite.

Materijal su razmatrali: Komisija za statutarna pitanja i propise, Komisija za komunalne poslove i pitanja mjesnih zajednica i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik damir Muratović.

## **DAMIR MURATOVIĆ**

Samo pitanje. Pitanje imam za predstavnika Službe vezano za ovo. (NATAŠA PERIĆ – Izvolite.)

Za predstavnika Službe samo pitanje. Da li se sredstva ostvarena po osnovu naknade za oslobađanje od izgradnje skloništa koriste isključivo za održavanje skloništa ili ih Služba civilne zaštite koristi i za druge namjene?

I drugo pitanje: Vezano za onaj automobili što je prema njihovim potrebama, što smo mi izglasali, što su nabavili znači, da li se, da li se koristi za svoje namjene i u koje namjene koriste taj automobil? Eto toliko. Hvala.

## **NATAŠA PERIĆ**

U redu. Vijećnik Alen Kapidžić. Izvolite.

## **ALEN KAPIDŽIĆ**

Pa ja imam samo jedno, jedan zaključak pošto smo, evo ne možemo sa amandmanom smo zakasnili. U članu 7. koji propisuje kriterije o zakupu poslovnih prostorija ovaj stav 6. gdje piše da je zakupac dužan na zahtjev nadležnog organa Civilne zaštite omogućiti ovlaštenom licu Civilne zaštite obavljanje inspekcijskog nadzora skloništa. Ja ovdje predlažem da ide zaključak: Da se uvede da je obavezan inspekcijski pregled jednom godišnje. Et to je to.

## **NATAŠA PERIĆ**

Dobro. U redu hvala. Zaključujem raspravu vijećnika.

Zamoliti ću samo gospodina Stjepića da odgovori na ova dva pitanja i stavljamo na izjašnjavanje odluku.

### **SLAVKO STJEPIĆ – pomoćnik gradonačelnika za Službu civilne zaštite**

Sve vas ljepo pozdravljam. Kad je u pitanju odgovor na prvo pitanje zašto se koriste sredstva koja se ubiru u situacijama kad se investitori oslobode gradnje skloništa pa su obavezni platiti 1% od predračunske vrijednosti objekta za izgradnju, održavanje i upravljanje skloništim. Znači, ta sredstva se isključivo koriste u te namjene izuzev u situacijama kad se donese određen leg-specijale zakon i odobri se korištenje za druge namjene. Znači, mi smo imali takve dvije situacije. Oba puta je ovaj Grad predložio takve izmjene zakona. Znači, imali smo 2014. godinu kad smo imali katastrofalnu situaciju, kad su u pitanju poplave i klizišta. Tad je na prijedlog našeg Grada Federalni parlament donio zakon kojim je odobrio korištenje ovih sredstava za pomoć u saniranju posljedica te katastrofe. Istu situaciju smo imali 2019. godine kad se proglasilo stanje pandemije. U svim drugim situacijama ova sredstva se ne smiju koristiti nizašta drugo nego zašto su posebno namjenjena.

Ovo drugo pitanje odgovorit ću bez obzira što nema nikakve veze sa materijalom koji vam je danas ponuđen. Znači, sva oprema, sva oprema koja se nabavlja za potrebe Službi za zaštitu i spašavanje ovog grada i za potrebe Gradskog štaba koristi se u te svrhe. Ja vjerujem da znam na koji automobil mislite. Znači, ove godine je nabavljeno, odnosno prošle je, je nabavljen takođe jedno putničko vozilo za potrebe Gradskog štaba i Gradskih službi u gradu Tuzla, tako da ne znam šta je suština pitanja. Međutim, nema nikakvih spornih situacija kad je u pitanju korištenje bilo tog automobila, bilo, bilo kojeg drugog, bilo koje druge opreme koja se nabavlja iz, iz ovih sredstava. (NATAŠA PERIĆ – Hvala.)

Ujedno kad sam već za govornicom i neću više bit ja želim svim građanima Bosne i Hercegovine da čestitam 1. maj a svim ljudima kojima je Bajram veliki praznik takođe želim da ga ugodno i lijepo provedu. Hvala ljepo.

## **NATAŠA PERIĆ**

Dobro. Hvala vam.

Stavljam na izjašnjavanje Odluku o održavanju, upravljanju i korištenju skloništa u miru. Molim vijećnike da se izjasne. Glasanje je okončano.

Konstatujem da je ODLUKA O ODRŽAVANJU, UPRAVLJANJU I KORIŠTENJU SKLONIŠTA U MIRU usvojena sa, 21 glas za, niko nije bio protiv i nije bilo suzdržanih.

Prelazimo na šestu tačku. (SLAĐANA KRAJINA – Zaključak.) A ima zaključak? Aha. Ja izvini, izvini.

### **SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Službe civilne zaštite da, najmanje jednom godišnje, ovlašteno lice ove Službe obavlja inspeksijski nadzor skloništa, koja budu data na korištenje pravnim i fizičkim licima, u skladu sa propisima o zakupu poslovnih prostorija.

**NATAŠA PERIĆ**

Molim vijećnike da se izjasne o pročitanoj zaključku. Glasanje je okončano.  
Konstatujem da je pročitani zaključak usvojen sa, 21 glas za, niko nije bio protiv i nije bilo suzdržanih.

Tačka šest.

**RAZMATRANJE I USVAJANJE ODLUKE O IZBORU NAJPOVOLJNIJIH PONUDA ZA ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU GRADA TUZLE**

Predlagatelj je gradonačelnik.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji Komisija? (Nema.)

Otvaram raspravu klubova vijećnika

Zatvaram raspravu vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o izboru najpovoljnijih ponuda za zakup poljoprivrednog zemljišta u vlasništvu države na području Grada Tuzle. Molim vijećnike da se izjasne. Glasanje je okončano.

Konstatujem da je ODLUKA O IZBORU NAJPOVOLJNIJIH PONUDA ZA ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU GRADA TUZLE usvojena sa, 26 glasova za, niko nije bio protiv i nije bilo suzdržanih.

Prelazimo na sedmu tačku:

**RAZMATRANJE I USVAJANJE:**

**Pod a) ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA**

**b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TURISTIČKA ZAJEDNICA GRADA TUZLA (ZA POSLOVNI PROSTOR U UL. TURALIBEGOVA BR. 5)**

**c) ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TURISTIČKA ZAJEDNICA GRADA TUZLA (ZA POSLOVNI PROSTOR U UL. SONI TRG BR. 8)**

**d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TRADICIONALNI I STARI ZANAT – BERBER SHOP „OLD SCHOOL“, VL. IMŠIROVIĆ AMAR**

**e) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM LUTRIJA BIH DOO SARAJEVO I**

**f) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM UDRUŽENJE FORUM GRAĐANA TUZLA**

Predlagač je gradonačelnik a obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji Komisija?

Otvaram raspravu klubova vijećnika. Vijećnik Omer Berbić. Izvolite.

## **OMER BERBIĆ**

Hvala ljepo. Nisam se mislio javljat na ovu tačku međutim, kad sam vidio kome se sve produžava ovaj dio morao sam. Zašto ovo govorim? Evo 2018-te kao što možete vidjet i na svom telefonu na Al Jazeera je izašlo kockanje sa jednom tuzlanskom mladošću. Znači, u suštini bila je ona jedna kockarnica koja se trebala otvoriti pored Kapije i ta kockarnica nije dobila na kraju saglasnost zašto sam ja izuzetno zahvalan i mislim da je to bila prava odluka u tom trenutku.

U materijalima smo dobili da se evo treba produžiti zakup Lutriji BiH. Ja iskreno ne vidim tu velike razlike između Lutrije BiH i ove kockarnice. Oba su igre za sreću i smatram da Lutriji BiH u ovom trenutku ne bi trebali produžiti zakup jer ako smo već takav princip stavili za drugu kockarnicu onda bi trebali i ovdje. Ali ne bi, ne bi ja, ne bi na tome puno insistirao. Ono što mi je trenutno bitnije jeste da u budućnosti ovakve stvari izbjegnemo.

Da bi izbjegli ovakve stvari u budućnosti mislim da Gradsko vijeće danas mora napraviti jedan zaključak prema Službi i da u jednoj od idućih par sjednica Vijeća ozbiljno razmotri odluku o kojoj će oko Kapije na 25 metara zabraniti igre na sreću, kockarnice i nargila barove koji stvarno ja moram da kažem skrnave spomenik.

Prije par dana sam tamo hodao ima onaj bar nargila iza koji stvarno katastrofalnu muziku pušta. To je, to je, to je jedan prizor za koji, mene, mene mislim lično pogađa i zato evo na ovu tačku želim da se nadovežem jel ovdje dajemo saglasnost i želim da predložim jedan zaključak ispred našeg Kluba: Da Gradsko vijeće traži od nadležne Službe da se napravi odluka koja oko Kapije u promjeru od 25 metara zabrani nargila barove i igre na sreću, odnosno kladionice jer imali smo već jedan takav, takav slučaj. Odbili smo. Mislim da bi za budućnost trebali imati ovu odluku koja će zaštitit taj, taj, taj najsvetiji dio Tuzle. Hvala ljepo.

## **NATAŠA PERIĆ**

Sam. Molim? Ne treba. Hajde replika.

## **ANEL IBELJIĆ**

Replika kolegi. Meni je stvarno jasna humana intencija i namjera kolege Berbića i mislim evo i pohvalno je za njega međutim, djelimično se ne slažem kada je riječ o prvom dijelu ovog njegovog izlaganja da danas možda kao uskratimo saglasnost na, na ovu odluku u vezi zaključenja ovog ugovora sa, sa Lutrijom Bosne i Hercegovine i mislim da su ovdje ispunjeni kao što i iz materijala proizilazi svi zakonski uslovi sad bi, bilo bi arbitralno da mi odlučujemo na osnovu neke djelatnosti kojom se bavi da li da damo u zakup ili ne damo znači, bitno je da su ispunjeni svi zakonski uslovi i mi tu nemamo neki veliki prostor za manevar i djelovanje. Mislim, ovo u suštini jasno mi je zbog čega je kolega ovo, ovo sve rekao i to je s jedne strane pozitivno. Hvala.



**NATAŠA PERIĆ**

U redu hvala. Vijećnica Selma Čatibušić. Izvolite.

**SELMA ČATIBUŠIĆ**

Pa ja mislim da mi mmožemo puno stvari uradit i te kako. Omer mi uvijek na neki način uzme diskusiju zato, al drago mi je što je to rekao. Ja samo tražim da se ove tačke pojedinačno, tj. pod a,b i c glasamo o njima jer mi ne želimo da glasamo kao Klub vijećnika Platforme za progres zajedno sa svim tačkama.

**NATAŠA PERIĆ**

U redu hvala. Vijećnik Ćerim Rastoder. Izvolite. Ispred Kluba samostalnih vijećnika

**ĆERIM RASTODER**

Hvala predsjedavajuća. Nisam se ni ja planirao javit,ali evo ja sam prije jedno desetak dana bio kod gospodina Lugavića pa sam imo (nerazgovjetno izgovorena riječ op.a.) jednog prijatelja kog zanima neki prostor i zadržao sam se s njim jedno dvadesetak minuta u razgovoru o ovoj problematici i hoću da kažem da me informiso gospodin Lugavić i način na koji oni ovo rade zaista 100% je transparentan bar kad su u pitanju ovi poslovni, ovi prostori koji se daju za iznajmljivanje novi, a i ovi već postojeći gdje po mom mišljenju način na koji on to radi i njegova Služba (NATAŠA PERIĆ – Molim vas tišina.) apsolutno je izbjegnuto bi-lo kakav, bilo kakva diskriminacija i sa 100 postotnom sigurnošću osoba koja najviše ponudi će dobiti prostor. Hoću da kažem da je to apsolutno transparentno. Isto tako upozno me da ovi koji do sada koriste ove prostore pod istim uslovima se produžavaju. (NATAŠA PERIĆ – Selma molim vas tišina.) E sad ne ulazim u ovo što je kolega Berbić reko. Možda se može raspraviti u tom smislu kako, na koji način, kolko metara itd., ali hoću da pohvalim znači, način na koji oni to rade. I apsolutno ta osoba koja je zamolila kad sam prenio i reko sam znači, tu nema nikakve mogućnosti da neko na nešto utiče. Jednostavno onaj koji najviše ponudi takav je pristup on će i dobiti taj prostor. Hvala. (NATAŠA PERIĆ – Molim vas tišina.) Toliko. Hvala.

**NATAŠA PERIĆ**

Zaključujem raspravu Klubu...Replika. (vijećnica Selma Čatibušić govori bez uključenog mikrofona op.a.) Molim vas tišina. Ne možete naknadno. (vijećnica Selma Čatibušić govori bez uključenog mikrofona op.a.) Mislím trebali ste odmah.

Zaključujem raspravu klubova vijećnika.

Otvaram raspravu vijećnika. Senad Mehmedinović.

**SENAD MEHMEDINOVIĆ**

Hvala najljepša. Pa prvo jedno pitanje imam. Sad ne znam jel postoji neka Odluka o komunalnoj taksi kada su u pitanju ovi iznosi ovdje koji se trebaju mjesečno plaćati za iznajmljivanje prostora, pa imamo 38 kvadrata 77 maraka, pa vamo na drugu stranu imamo 15 kvadrata 263 konvertibilne marke pa me čisto zanima jel postoji ta odluka neka o komunalnoj taksi i na koji način to funkcioniše obzirom da predsjedavajuća nisam bio u ovom prošlom sazivu Vijeća i prije (NATAŠA PERIĆ – Ja se izvinjavam.) pa ako me možete dobro upoznati? I dalje drago mi je naravno što isto razmišljamo.

Takođe interesantno je ovo oko Lutrije Bosne i Hercegovine i evo ja sam malo to gledao o čemu se dešava dakle, definitivno lutrija može da bude kao neka vrsta kladionice i poznato je u teoriji da se može razviti ovisnost o igrama na sreću koja prerasta u patološko stanje i to se među, prema međunarodnoj klasifikaciji bolesti nazivaju kao abnormalne navike. Definitivno ovisnost o igrama na sreću pa i ne znam kockanje uništava porodice i onda se na kraju dođe u nešto što se naziva faza očaja.

Mislim da kao Vijeće trebamo nekako preventivno da djelujemo za sve ove prostore ne znam, privatne subjekte, poslovne subjekte koji na neki način promovišu igre na sreću i da to preventivno djelujemo. Možda ne možemo zabraniti iznajmljivanje prostora, ali naprimjer ako postoji ta odluka o komunalnoj taksi da se taj iznos koji bi se plaćao da puno, da bude puno veći za one poslovne subjekte koji se bave, evo na kraju krajeva igrama na sreću itd. Dakle, da to preventivno djelujemo. Hvala.

**NATAŠA PERIĆ**

U redu hvala. Vijećnica Selma Čatibušić.

**SELMA ČATIBUŠIĆ**

Ja sam htjela replicirat Anelu al nema veze jel obzirom da je on aktualizirao to pitanje. Vjerujem da su ispunjeni svi na neki način zakonski uvjeti međutim, koliko ja znam i kada je trebalo tu da bude kazino i tad su ispunjeni svi zakonski uvjeti. Znači, ni zbog neke ne znam, zbog, zbog neke stvari u zakonu nije došlo je li do zabrane da tu bude kazino nego je to Grad Tuzla odlučio da neće to dati na zakup tom kazinu zato što digla se hampa oko toga ono kockate se kao što je bio i naslov eto Omer je to već spomenuo. Tako da, ne govorim ovdje da li su, da li je prekršen zakon ili nije nego govorim o nekom diskrecionom pravu koji Grad Tuzla može iskoristiti da lutriju udalji od Kapije i to je to.

**NATAŠA PERIĆ**

U redu. Hvala Selma. Vijećnik Čavalić. Izvolite. Molim? Replika. Anel Ibeljić.

**ANEL IBELJIĆ**

Moguće da je kolegica u pravu ne znam detalje ali ja mislim da je razlog bio taj što taj kazino nije bio udaljen stotinu metara od vjerskog objekta. Nemojte me držat za riječ ali mislim da je to bio razlog zbog čega je uskraćena saglasnost za obavljanje rada na toj lokaciji. E sad. Mislim može se provjeriti, ali mislim da je to bio razlog, a ne da je odustao il da Grad na neki drugi način dozvolio da se, da se ta kockarnica otvori. Hvala.

**NATAŠA PERIĆ**

Vijećnik Čavalić. Izvolite.

**ADMIR ČAVALIĆ**

Hvala puno predsjedavajuća. Dakle, ja ću se opet nadovezati vezano za ovo pitanje kockarnice i kladionice u blizini Kapije. Naše Kapije. Mislim da je odgovornost na nama. Maloprije je kolegica Selma to navela. Mi zaista imamo diskreciono pravo i vidite Odluka o davanju saglasnosti na zaključenje ugovora o zakupu. Dakle, ovdje ne govorimo o nekim

zakonima i sl. ovdje govorimo o našem diskrecionom pravu da donesemo odluku koja će potvrditi jedan ugovor. Do tog ugovora nije ni moralo doći jer kao što se navodi u obrazloženju ove odluke nadležna Služba je tražila od zakupca da se izjasni da li želi produžiti ugovor o zakupu. Zakupac se izjasnio da želi produžiti. Nadležna služba je provjerila sa Pravobranilaštvom da li je to u redu i dobila mišljenje da je u redu i sada treba da se zaključi ugovor. Ugovor kao ugovor ima dvije strane. Ako jedna strana neće da zaključi ugovor nije u nikakvoj obavezi da zaključuje dati ugovor. Dakle, na, ovo nije neki zakon. Nas niko ne može amnestirati odgovornosti danas da mi zaključujemo ugovor sa kockarnicom/kladionicom u krugu Kapije. Dakle, niko nas ne može. Ni jedan zakon nas ne može te odgovornosti skinut jer mi smo strana defakto koja zaključuje ugovor. Dakle, ima odluka i mi dajemo saglasnost i ne moramo danas dakle glasati za ovo, ne mora se taj ugovor realizovati. Možda nešto drugo da bude umjesto kockarnice i kladionice.

Da me ne svatite pogrešno. Nisam protiv kockarnica i kladionica u smislu da in trebamo više oporezivati, nisam protiv da im trebamo zabraniti, ali smatram razumijevajući dakle, aktuelna saznanja u bihevieralnoj ekonomiji da Grad, posebno jedinica lokalne samouprave, i treba raditi što više na tome da udalji kladionice i sve druge radnje koje mogu izazvati ovisnost od škola, od eventualno vjerskih zajednica i s druge strane od mjesta koji su zaista mjesta tragedije spomenika za jedan grad.

I mi možemo danas napraviti jednu izuzetno dobru odluku i evo da usaglasimo sve stavove dakle, donesemo da jednostavno ne prihvatamo da Lutrija BiH Sarajevo ima dakle sjedište. Da odbijemo. Možemo odbit. Dakle, niko nas to...nek idu da vidimo dalje radnje koje će biti, da li će zaista Lutrija BiH Sarajevo toliko insistirati i tužiti nas da bi bila kraj Kapije. Sumnjam da hoće. Sumnjam da hoće. Mislim da nema šanse da jedan privredni subjekt u Bosni i Hercegovini da bi išo toliko daleko da traži svoja prava kao što je i ova konckarnica odbila kad smo rekli da ne može.

Dakle, mi danas možemo donjeti odluku. Vjerujem da niko od vas kolega vijećnika i vijećnica nema nikakve veze sa Lutrijom BiH u smislu da vas nedobog korumpiraju, da imate nešto od toga itd. Eventualno možda je neko od nas koristik iste. (NATAŠA PERIĆ – Privodite samo kraju.) Hvala. Javit ću se opet. Dakle, molim vas dobro da razmislimo o ovom. Možemo donijeti danas jednu finu lijepu odluku. Jednostavno da donesemo.

I zaključak: Predlažem da ne može u toj blizini Kapije dakle, u krugu Kapije ne može biti više i ubuduće jednostavno da ne dajemo pod zakup naše prostorije za kockarnice i kladionice i tačka. I to je moj prijedlog zaključka. Hvala.

## **NATAŠA PERIĆ**

U redu hvala. Dal se još neko javlja? (Niko se ne javlja.) Zaključujem raspravu vijećnika.

Pauza 5 minuta. Molim samo iz većine ovdje za sto malo. (Pauza.)

Molim vijećnike da se vrata na svoja mjesta nastavljamo sa radom.

Zamoliti ću gospodina Lugavića da prije glasanja da neke odgovore vezane iz diskusije. Izvolite gospodine Lugaviću. Izvolite.

## **ZIJAD LUGAVIĆ - pomoćnik gradonačelnika za Službu za ekonomski razvoj, poduzetništvo i poljoprivredu**

Poštovana predsjedavajuća, dopredsjedavajući, poštovana sekretaru Gradskog vijeća, uvažene vijećnice i vijećnici, dragi gosti (NATAŠA PERIĆ – Molim vas tišina.) sve vas

srdačno pozdravljam. Ja sam pokušao da evidentiram vaše diskusije i pitanja po pitanju ove tačke Dnevnog reda, pa evo ja bih se prvo referirao na ovaj dio glasanja po pitanju Odluke o produženju ugovora za korištenje poslovnog prostora Grada Tuzle za Lutriju BiH. Naime, Lutrija BiH je dobila nekada davno taj poslovni prostor prije stupanja na snagu ovog novog Zakona o igrama na sreću koji tretira i zabranjuje jel tako obavljanje djelatnosti u krugu manjem od 100 metara za obavljanje jelde igara na sreću, kockarnica i tako itd. Dakle, ona je stekla to pravo i na osnovu tog prava je dobila Rješenje za obavljanje djelatnosti i dobila je Rješenje za korištenje poslovnog prostora. Dakle, stekla je pravo na osnovu tog, tog zakona. Ovdje moramo da razlikujemo obavljanje djelatnosti i dodjelu poslovnih prostora dakle, na korištenje. Jedno je obavljanje djelatnosti drugo je dodjela poslovnog prostora. Mi ovdje govorimo o dodjeli poslovnog prostora i ne možemo se referirati retroaktivno na obavljanje djelatnosti jer ćemo prekršiti zakon. Ova Odluka o produženju ugovora o dodjeli poslovnog prostora je apsolutno zasnovana na Odluci o dodjeli poslovnih prostora i garaža Grada Tuzle dakle, u zakup i postupanje suprotno ovoj odluci bi snosilo i neke pravne posljedice za Gradsko vijeće i Grad Tuzlu od strane pravnog lica koje ostvaruje pravo da mu se produži ugovor obzirom da je ispoštovana kompletna procedura koja je propisana ovom odlukom, a koju je isto ovo Gradsko vijeće u nekom jel tako prošlom sazivu i evo zadnja izmjena je bila dvijehiljadedvadeset, dvadeset čini mi se druge, druge godine. U tom kontekstu mislim da se nema pravnog osnova iako možda postoje realni razlozi što ste vi navodili, da nemamo trenutno pravnog osnova da bi se mogla ne izglasati ovakva odluka. Naravno Gradsko vijeće ima suvereno i autonomno pravo da glasa kao i Gradske vijećnice i vijećnici onako kako to oni misle, misle da se treba, da se treba uraditi. Ali evo ja sam imao potrebu da kažem, da kažem ove stvari a koje su opet vezane za trenutno aktuelnu, aktuelnu odluku.

Takođe ovaj drugi dio što ste predložili da se zabrani obavljanje određenih djelatnosti u krugu od 25 metara od ili oko Kapije lično, lično podržavam ali bih ovdje možda predložio da se ovaj zaključak možda samo na jedan malo drugačiji način predefiniše kako bi dobili kvalitetnije rješenje, a to je: Da se na jednoj ili na narednoj ili na jednoj od narednih sjednica klubova Gradskog, odnosno Kolegija Gradskog vijeća zajedno sa nadležnim Službama definišu kristalno jasne smjernice sa kojim ćemo mi ići na da li izmjenu Odluke o dodjeli u zakup poslovnih prostora ili donošenju i definisanju neke druge odluke gdje će evo ova Služba pristupiti i odmah izradi te odluke i njenom predlaganju Gradskom vijeću na usvajanje kako bismo na jedan kvalitetniji način obuhvatili kompletnu ovu problematiku i zasigurno donijeli, odnosno predložili jednu kvalitetnu odluku, kvalitetnu odluku na usvajanje. Ja bih vas na toj sjednici upoznao sa još nekom, sa još nekim problemima, odnosno problematikom koju bi možda mogli uzeti u obzir kod definisanja ovakvog stanja. I slažem se dobar je, dobar je prijedlog i treba ga uraditi.

Ovdje bih još. Hajd da ne kažem, ja nisam vijećnik ispravka krivog navoda ali da vas informišem što se tiče ne dobijanja rješenja za obavljanje djelatnosti kockarnice kod Kapije. Dakle, ta aktivnost nije imala nikakvih dodirnih tačaka sa Odlukom o dodjeli poslovnih prostora obzirom da to nije bio poslovni prostor Grada Tuzle nego je privatni poslovni prostor. Međutim, tu je Federalno ministarstvo koje je vodilo postupak izdavanje rješenja za rad moralo da odbije zahtjev iz razloga što se taj objekat nalazio na udaljenosti manjoj od 100 metara koji je uslov za izdavanje rješenja o obavljanju te djelatnosti prema novom Zakonu o igrama na sreću. Tu udaljenost i utvrđivanje te udaljenosti radi naša Služba za geodetske i imovinsko pravne odnose što je ona i radila. Prema tome takav zahtjev je morao da bude odbijen je nije zadovoljavao zakonom propisane uslove. Dakle, to je, to su, to su bili razlozi zbog čega nije, zbog čega nije taj dio urađen.

I još gospodinu Senadu da odgovorim dakle, što se tiče definisanja cijena zakupa poslovnog prostora. Dakle, ova ista Odluka o dodjeli poslovnih prostora u zakup definiše i cijene po zo-na-ma dakle, Grada, po spratnosti objekta i za privredna lica, odnosno poslovne

subjekte, za nevladine organizacije, političke partije, javna preduzeća i javne ustanove dakle, sve je definisano tom odlukom i za sve ove kategorije su različite, različite cijene. I iz tog razloga negdje imate cijenu od šest maraka, negdje od osam, negdje od deset, negdje od dvije marke, negdje od marku. Dakle, to su cijene koje su definisane ovom važećom odlukom.

A Odluka o komunalnim taksama Grada Tuzle tretira sasvim neke druge oblasti a te oblasti nemaju nekih dodirnih tačaka sa ovom odlukom i određivanju cijena o zakupu poslovnih prostorija.

Evo ja sam pokušao da na neki način vam približim i sublimiram ono što sam, što sam imao. (vijećnik Omer Berbić govori bez da mu je data riječ i bez uključenog mikrofona op.a.)

## **NATAŠA PERIĆ**

Pa niste dobili riječ. Sačekajte malo. (vijećnik Omer Berbić govori bez da mu je data riječ i bez uključenog mikrofona op.a.) Niste dobili riječ i ne možete...(OMER BERBIĆ – Izvinite svi mogu a ja sad ne mogu.) Pa ko može de mi recite molim vas? (vijećnik Omer Berbić uporedo govori sa predsjedavajućom op.a.) Ko je dobio riječ a da nije prethodno zatražio prvo? Drugo zaključena je diskusija kolega Lugavić odgovara na pitanja nema više odgovora. Možete se...

## **ADMIR ČAVALIĆ**

Ako mogu samo jedno? Mi nismo. Ovdje kolko vidim nije potpisan ovaj ugovor, nije zaključen. Mi možemo kao stran...

## **NATAŠA PERIĆ**

Ne možete se javljat molim vas gospodin je odgovorio na sva pitanja. Nije. Pa nije u redu ja sam zaključila diskusiju. (vijećnik Admir Čavalić govori bez uključenog mikrofona op.a.) Ma imali su zato što je nespornost. Ona se htjela izvinuti samo. Nije to isto. Pa znate kad zaključimo Admir znaš kad zaključimo. Pa nije evo odgovorit će ti na pitanje.

Ništa vezano za ove tačke jel ostajete? Omere vaš prijedlog? Zijo molim vas. Zijo molim vas.

Kolega Berbiću jel ostajete pri svom zaključku il ovako kako je kolega Lugavić predložio? Tišina molim vas.

## **SLAĐANA KRAJINA – sekretar Gradskog vijeća Tuzla**

Gradsko vijeće Tuzla traži od Službe za ekonomski razvoj, poduzetništvo i poljoprivredu da pravnim licima koja se bave priređivanjem igara na sreću i nargila barovima ne izdaje u zakup poslovne prostorije koje se nalaze na udaljenosti manjoj od 25 metara od Kapije.

A ovaj zaključak koji je...(vijećnik Omer Berbić govori bez uključenog mikrofona op.a.)

## **NATAŠA PERIĆ**

Uključite onda samo mikrofona.

**OMER BERBIĆ**

Moj zaključak je bio idući:

Da Gradsko vijeće traži od nadležne Službe da napravi odluku po kojoj se, po kojoj se u krugu Kapije od 25 metara zabranjuje igre na sreću i nargila barovi.

Znači, ja sam tražio od nadležne Službe da napravi odluku koju će onda kasnije vjerovatno Kolegij razmatrat i onda da ide na Vijeće. To je bio moj, to je bio moj, to je duh zaključka.

**NATAŠA PERIĆ**

Pa evo slično je nešto i kolega Lugavić predložio. Znači da...Samo malo.

**SLADANA KRAJINA – sekretar Gradskog vijeća Tuzla**

Imal drugi dio vašeg zaključka?

Ukoliko je u tom smislu potrebno izmjenit se Odluku o davanju u zakup poslovnih zgrada, poslovnih prostorija i garaža Grada Tuzla traži se od Službe za ekonomski razvoj, poduzetništvo i poljoprivredu da za jednu od narednih sjednica pripreme prijedlog izmjena. (NATAŠA PERIĆ – Pa to je...)

A zaključak koji koji je evo ovdje sad predložen:

Služba za ekonomski razvoj, poduzetništvo i poljoprivredu će u narednom periodu, u saradnji sa Kolegijem Gradskog vijeća (NATAŠA PERIĆ – Pa to je to.) i drugim Službama, definisati konkretne smjernice kada je u pitanju izdavanje odobrenja i davanje u zakup poslovnih prostorija koje se nalaze u neposrednoj blizini Kapije, mjesta stradanja tuzlanske mladosti, naročito kada su u pitanju davanje odobrenja i izdavanje poslovnih prostora pravnim licima koja se bave priređivanjem igara na sreću, nargila barovima i slično, nakon čega će se pristupiti izmjenama postojećih odluka Gradskog vijeća koje regulišu navedenu oblast.

**NATAŠA PERIĆ**

Pa možel ovako? (vijećnik Omer Berbić govori bez uključenog mikrofona op.a.)

**SLADANA KRAJINA – sekretar Gradskog vijeća Tuzla**

Ali evo Služba za ekonomski će u saradnji s Kolegijem i drugim službama znači, sve će zajedno pripremiti izmjenu ovih odluka koje regulišu ovu oblast.

**NATAŠA PERIĆ**

Na Kolegiju ba. Ovo ide na Kolegij ba. Ide ovo na Kolegij. Jel se slažete sa ovim zaključkom? (vijećnik Omer Berbić govori bez uključenog mikrofona op.a.)

**SLADANA KRAJINA – sekretar Gradskog vijeća Tuzla**

Ma samo ovo 25 metara mislim ba da je. (NATAŠA PERIĆ – To mora se vidit prvo.)  
Otprilike je to to.

## NATAŠA PERIĆ

Nemojte se dobacivat bez...Dobro je ništa hajde hoćete ovaj zaključak molim vas?

Ipak treba vidjet ovaj. Pa dobro al da Služba vidi sa... (vijećnik Omer Berbić govori bez uključenog mikrofona op.a.) Neće. Pa ne bit će na Kolegiju vaš predstavnik evo jel tako? (vijećnik Omer Berbić govori bez uključenog mikrofona op.a.) Pa nemojte tako. Molim? (vijećnik Omer Berbić govori bez uključenog mikrofona op.a.) Dobro ako ostajete ništa dobro. Ništa. Ovako prvo glasamo...Jel ostajete Selma pri tome da se glasa pojedinačno ili u paketu? (SELMA ĆATIBUŠIĆ – Da, da obavezno.) Ništa. Glasamo pojedinačno o svim tačkama. Glasamo o svim tačkama. (SLAĐANA KRAJINA - Onda ne treba ni vaš.) Ne, ne. Prvo ide glasanje pa onda zaključci. (SLAĐANA KRAJINA – Pa nema potrebe za drugim onda.) Nema. Ništa.

Ništa glasamo:

Idemo prva pod a) Odluka o raspisivanju javnog oglasa o davanju u zakup poslovnih prostorija. Molim vijećnike da se izjasne. (Možel ponovo izvinjavam se?) Poništavam glasanje. Ponovo molim vas. Glasanje je okončano.

Konstatujem da je ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA usvojena sa, 30 glasova za, niko nije bio protiv i 1 suzdržan.

Sada se izjašnjavamo o Odluci o davanju saglasnosti na zaključenje Ugovora o zakupu poslovne prostorije sa zakupcem Turistička zajednica Grada Tuzla (za poslovni prostor u ul. Turalibegova br. 5) Glasanje je okončano.

Konstatujem da je ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TURISTIČKA ZAJEDNICA GRADA TUZLA (ZA POSLOVNI PROSTOR U UL. TURALIBEGOVA BR. 5) usvojena sa, 31 glas za, niko nije bio protiv i nije bilo suzdržanih.

Pod c) izjašnjavamo se o Odluci o davanju saglasnosti na zaključenje Ugovora o zakupu poslovne prostorije sa zakupcem Turistička zajednica Grada Tuzla (za poslovni prostor u ul. Soni Trg br. 8) Molim vijećnike da se izjasne. Glasanje je okončano.

Konstatujem da je ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TURISTIČKA ZAJEDNICA GRADA TUZLA (ZA POSLOVNI PROSTOR U UL. SONI TRG BR. 8) usvojena sa, 31 glas za, niko nije bio protiv i nije bilo suzdržanih.

Prelazimo na glasanje o Odluci o davanju saglasnosti na zaključenje Ugovora o zakupu poslovne prostorije sa zakupcem tradicionalni i stari zanat – Berber shop „Old School“, vl. Imširović Amar. Molim vijećnike da se izjasne. Glasanje je okončano.

Konstatujem da je ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM TRADICIONALNI I STARI ZANAT – BERBER SHOP „OLD SCHOOL“, VL. IMŠIROVIĆ AMAR usvojena sa, 31 glas za, niko nije bio protiv i nije bilo suzdržanih.

Prelazimo na glasanje o Odluci o davanju saglasnosti na zaključenje Ugovora o zakupu poslovne prostorije sa zakupcem Lutrija BiH doo Sarajevo. Molim vijećnike da se izjasne. Glasanje je okončano.

Konstatujem da je ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM LUTRIJA BIH DOO SARAJEVO usvojena sa, 19 glasova za, 6 je bilo protiv i 6 suzdržanih.

Prelazimo na izjašnjavanje o Odluci o davanju saglasnosti na zaključenje Ugovora o zakupu poslovne prostorije sa zakupcem udruženje Forum građana Tuzla. Molim vijećnike da se izjasne. Glasanje je okončano.

Konstatujem da je ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM UDRUŽENJE FORUM GRAĐANA TUZLA usvojena sa, 31 glas za, niko nije bio protiv i nije bilo suzdržanih.

Molim sekretara da pročita zaključke i da se izjasnimo.

#### **SLADANA KRAJINA – sekretar Gradskog vijeća Tuzla**

Prijedlog vijećnika Omera Berbića:

- Gradsko vijeće Tuzla traži od Službe za ekonomski razvoj, poduzetništvo i poljoprivredu da za jednu od narednih sjednica Gradskog vijeća pripremi prijedlog odluke kojom se pravnim licima koja se bave priređivanjem igara na sreću i nargila barovima neće izdavati u zakup poslovne prostorije koje se nalaze na udaljenosti manjoj od 25 metara od Kapije.

#### **NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 10 vijećnika je glasalo za, niko nije bio protiv i 21 suzdržan.

Molim sekretara da pročita naredni.

#### **SLADANA KRAJINA – sekretar Gradskog vijeća Tuzla**

- Služba za ekonomski razvoj, poduzetništvo i poljoprivredu će u narednom periodu, u saradnji sa Kolegijem Gradskog vijeća i drugim Službama, definisati konkretne smjernice kada je u pitanju izdavanje odobrenja i davanje u zakup poslovnih prostorija koje se nalaze u neposrednoj blizini Kapije, mjesta stradanja tuzlanske mladosti, naročito kada su u pitanju davanje odobrenja i izdavanje poslovnih prostora pravnim licima koja se bave priređivanjem igara na sreću, nargila barovima i slično, nakon čega će se pristupiti izmjenama postojećih odluka Gradskog vijeća koje regulišu navedenu oblast.

#### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 31 glas za, nije bilo protiv i nije bilo suzdržanih.

Prelazimo na osmu tačku:

**RAZMATRANJE I USVAJANJE ODLUKE O UTVRĐIVANJU PRIJEDLOGA KANDIDATA ZA IMENOVANJE NA UPRAŽNJENA MJESTA ČLANOVA NADZORNOG ODBORA IZ REDA DRŽAVNOG KAPITALA U CENTRALNO GRIJANJE D.D. TUZLA (sa rang listom najuspješnijih kandidata)**



Predlagač je Komisija za izbor članova nadzornih odbora u javnom preduzeću i javnim komunalnim preduzećima u kojima Grad Tuzla vrši ovlaštenja po osnovu učešća državnog kapitala.

Obrađivač je Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

(OMER BERBIĆ – Poslovnička.) Molim? (OMER BERBIĆ – Možemo li dobiti pauzu od pola sata?) Možete. (SLAĐANA KRAJINA – Možel malo kraće petnest?) Deset minuta može. Evo 10 minuta može. (Pauza.)

Pozivam vijećnike da uđu u salu.

Predlagač osme tačke je je Komisija za izbor članova nadzornih odbora u javnom preduzeću i javnim komunalnim preduzećima u kojima Grad Tuzla vrši ovlaštenja po osnovu učešća državnog kapitala.

Obrađivač je Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem? Ne treba.

Da se pročitaju izvještaji Komisija? Ne treba.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje Odluku o utvrđivanju prijedloga kandidata za imenovanje na upražnjena mjesta članova nadzornog odbora iz reda državnog kapitala u Centralno grijanje d.d. Tuzla. Molim vijećnike da se izjasne. Glasanje je okončano.

Konstatujem da je ODLUKA O UTVRĐIVANJU PRIJEDLOGA KANDIDATA ZA IMENOVANJE NA UPRAŽNJENA MJESTA ČLANOVA NADZORNOG ODBORA IZ REDA DRŽAVNOG KAPITALA U CENTRALNO GRIJANJE D.D. TUZLA usvojena sa,

17 glasova za, nije bilo protiv i nije bilo suzdržanih.

Prelazimo na devetu tačku:

### **RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU JAVNO KOMUNALNOM PREDUZEĆU KOMEMORATIVNI CENTAR D.O.O. TUZLA ZA IMENOVANJE DIREKTORA DRUŠTVA (sa rang listom kandidata)**

Predlagač je Nadzorni odbor „Komemorativnog centra“.

Obrađivač je Nadzorni odbor „Komemorativnog centra“ i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? (Nema.)

Ima li potrebe izvještajima Komisije? Ne treba.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje. Molim vas tišina.

Stavljam na izjašnjavanje Odluku o davanju prethodne saglasnosti Nadzornom odboru Javno komunalnog preduzeća Komemorativni centar d.o.o. Tuzla za imenovanje direktora društva. Molim vijećnike da se izjasne. Glasanje je okončano

Konstatujem da je ODLUKA O DAVANJU PRETHODNE SAGLASNOSTI NADZORNOM ODBORU JAVNO KOMUNALNOG PREDUZEĆA KOMEMORATIVNI CENTAR D.O.O. TUZLA ZA IMENOVANJE DIREKTORA DRUŠTVA (sa rang listom kandidata) usvojena sa, 19 glasova za, niko nije bio protiv i 1 suzdržan.

Deseta tačka:

**RAZMATRANJE I USVAJANJE:**

**ODLUKE O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA IZ REDA STRUČNIH ZAPOSLENIKA JAVNIH USTANOVA ČIJI JE OSNIVAČ GRAD TUZLA (sa tekstom Javnog oglasa)**

**b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANOVA NADZORNIH ODBORA IZ REDA STRUČNIH ZAPOSLENIKA JAVNIH USTANOVA ČIJI JE OSNIVAČ GRAD TUZLA I**

**c) RJEŠENJA O IMENOVANJU KOMISIJE ZA IZBOR ČLANOVA NADZORNIH ODBORA IZ REDA STRUČNIH ZAPOSLENIKA JAVNIH USTANOVA ČIJI JE OSNIVAČ GRAD TUZLA**

Predlagач je gradonačelnik.

Obrađivač: Služba za ekonomski razvoj, poduzetništvo i poljoprivredu. Materijal su razmatrali: Komisija za statutarna pitanja i propise, Komisija za ekonomske, Komisija za poduzetništvo, Komisija za izbor i imenovanja (pod c) i klubovi vijećnika.

Ima li potrebe za uvodnim izlaganjem? Niko se ne javlja.

Izveštaji Komisija? (Nema.) Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje pročitane odluke dakle, Odluke o raspisivanju Javnog oglasa za izbor i imenovanje članova nadzornih odbora iz reda stručnih zaposlenika javnih ustanova čiji je osnivač Grad Tuzla.

Odluke o utvrđivanju posebnih uslova i kriterija za izbor i imenovanje članova nadzornih odbora iz reda stručnih zaposlenika javnih ustanova čiji je osnivač Grad Tuzla i

c) Rješenja o imenovanju Komisije za izbor članova nadzornih odbora iz reda stručnih zaposlenika javnih ustanova čiji je osnivač Grad Tuzla. Molim vijećnike da se izjasne. Glasanje je okončano.

Konstatujem da su pročitane odluke usvojene sa, 20 glasova za, nije bilo protiv i nije bilo suzdržanih.

Prelazimo na jedanaestu tačku:

**a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA U JAVNOM PREDUZEĆU I JAVNIM KOMUNALNIM PREDUZEĆIMA U KOJIMA GRAD TUZLA VRŠI OVLAŠTENJA PO OSNOVU DRŽAVNOG KAPITALA (sa tekstom Javnog oglasa)**

**b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE NADZORNIH ODBORA U JAVNOM PREDUZEĆU I JAVNIM KOMUNALNIM PREDUZEĆIMA U KOJIMA GRAD TUZLA VRŠI OVLAŠTENJA PO OSNOVU DRŽAVNOG KAPITALA**

**RJEŠENJA O IMENOVANJU KOMISIJE ZA IZBOR ČLANOVA NADZORNIH ODBORA U JAVNOM PREDUZEĆU I JAVNIM KOMUNALNIM PREDUZEĆIMA U KOJIMA GRAD TUZLA VRŠI OVLAŠTENJA PO OSNOVU DRŽAVNOG KAPITALA**

**ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENA MJESTA DVA ČLANA NADZORNOG ODBORA IZ REDA DRŽAVNOG KAPITALA U JAVNO KOMUNALNOM PREDUZEĆU SAOBRAĆAJ I KOMUNIKACIJE D.O.O. TUZLA I**

**ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENA MJESTA DVA ČLANA NADZORNOG ODBORA IZ REDA DRŽAVNOG KAPITALA.**

Predlagač je gradonačelnik.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja (pod c, d i e) i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji Komisija? (Nema.)

Otvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje Odluku o raspisivanju javnog oglasa za izbor i imenovanje članova nadzornih odbora u javnom preduzeću i javnim komunalnim preduzećima u kojima Grad Tuzla vrši ovlaštenja po osnovu državnog kapitala.

Odluke o utvrđivanju posebnih uslova i kriterija za izbor i imenovanje nadzornih odbora u javnom preduzeću i javnim komunalnim preduzećima u kojima Grad Tuzla vrši ovlaštenja po osnovu državnog kapitala.

Rješenja o imenovanju Komisije za izbor članova nadzornih odbora u javnom preduzeću i javnim komunalnim preduzećima u kojima Grad Tuzla vrši ovlaštenja po osnovu državnog kapitala.

Odluke o prijedlogu kandidata za privremeno imenovanje na upražnjena mjesta dva člana nadzornog odbora iz reda državnog kapitala u javno komunalnom preduzeću Saobraćaj i komunikacije i

Odluke o prijedlogu kandidata za privremeno imenovanje na upražnjena mjesta dva člana nadzornog odbora iz reda državnog kapitala u Javno komunalno preduzeće Komemorativni centar d.o.o. Tuzla. Molim vijećnike...(ZIJA H RIFATBEGOVIĆ – Ne moraš ponavljat Nataša.) Ma moram zbog stenograma ba. Ništa stavljam na iz...konstatuje...Glasanje je okončano.

Konstatujem da su pročitane odluke usvojene sa, 20 glasova za, nije bilo protiv i nije bilo suzdržanih.

Prelazimo na dvanaestu tačku:

### **USVAJANJE IMOVINSKO-PRAVNIH AKATA:**

**Odluke o opterećenju zemljišta pravom građenja na lokalitetu Poslovne zone “Kreka Sjever” u Tuzli putem javnog nadmetanja – licitacije (sa tekstom Javnog oglasa)**

**Rješenja o imenovanju Komisije za provođenje Javnog oglasa o opterećenju zemljišta pravom građenja na lokalitetu Poslovne zone “Kreka Sjever” u Tuzli putem javnog nadmetanja – licitacije i**

**Odluke o prodaji nekretnine u vlasništvu Grada Tuzle neposredom pogodbom i davanju saglasnosti na zaključenje ugovora o prodaji.**

Predlagač je gradonačelnik.

Obrađivač: Služba za geodetske i imovinsko - pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za izbor i imenovanja (pod b) i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji Komisija? (Nema.)

Stavljam na izjašnja...

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje Odluku o opterećenju zemljišta pravom građenja na lokalitetu Poslovne zone “Kreka Sjever” u Tuzli putem javnog nadmetanja – licitacije (sa tekstom Javnog oglasa)

Rješenja o imenovanju Komisije za provođenje Javnog oglasa o opterećenju zemljišta pravom građenja na lokalitetu Poslovne zone “Kreka Sjever” u Tuzli putem javnog nadmetanja – licitacije i

Odluke o prodaji nekretnine u vlasništvu Grada Tuzle neposredom pogodbom i davanju saglasnosti na zaključenje ugovora o prodaji. Molim vijećnike da se izjasne. Glasanje je okončano.

Konstatujem da su pročitane odluke i rješenje usvojeni sa, 23 glasa za, nije bilo protiv i nije bilo suzdržanih.

Prelazimo na trinaestu tačku:

### **RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2021.**

**- Dom zdravlja s poliklinikom „Dr. Mustafa Šehović” Tuzla**

**- Centar za kulturu Tuzla**

**- Narodno pozorište Tuzla i**

**- Javna ustanova za predškolski odgoj i obrazovanje „Naše dijete“ Tuzla.**

Predlagač je Upravni odbor.

Obrađivač direktor Ustanove, a materijal su razmatrali Komisija za ekonomske odnose, Komisija za poduzetništvo, Komisija za mlade, obrazovanje i sport (pod d), Komisija molim vas tišina za kulturu i očuvanje kulturno historijskog prirodnog nasljeđa (pod b i c) i klubovi vijećnika.

Ima li potrebe za uvodnim izlaganjem? Nema.

Ima li potrebe da se pročitaju izvještaji komisija? Nema.

Otvaram raspravu klubova vijećnika. Vijećnik Mensur Alić. Izvolite.

## **MENSUR ALIĆ**

Ja predlažem samo da direktori i predstavnici javnih ustanova ne odgovaraju na pitanje, na pitanja, nego da dostave, pismenim putem svim vijećnicima da odgovore (NATAŠA PERIĆ – Dobro.) na sva pitanja koja budu postavljena u toku rasprave. Hvala ljepo. (NATAŠA PERIĆ – Molim a da zadužimo Službu da na osnovu stenograma...) Da. Da.

## **NATAŠA PERIĆ**

Dobro. Ništa. Stavljam na izjašnjavanje prijedlog Mensura Alića. Glasanje je okončano.

Konstatujem da je prijedlog vijećnika Mensura Alića usvojen sa, 20 glasova za, 1 je bio protiv i 2 suzdržana.

Samo malo. Ispred klubova vijećnika. Vijećnik Damir Muratović. Izvolite.

## **DAMIR MURATOVIĆ**

Hvala predsjedavajuća. U odnosu na prošli izvještaj ovaj izvještaj moram konkretno pohvaliti pogotovu u odnosu na one inicijative koje sam ja lično i Klub SD BiH u Gradskom vijeću prije svega, pošto sam insistirao od početka rada u Gradskom vijeću na uslove i stručne kapacitete Dispanzera za predškolsku djecu. Moram pohvalit znači, da su od skora eto ima i vremena već odobrene tri specijalizacije i rade tri specijalizanta pedijatra.

Posebno ovom prilikom ističem i zalaganje kolegice u Vijeću doktorice cijenjene Lejle Osmančević znači, tako da i u razgovoru sa menadžmentom Domom zdravlja znači, shvatili su ozbiljnost ove situacije. I pored toga što je rad na pedijatriji stručno ojačan takođe uskoro idu i dvije specijalizacije na Odjeljenju radiologije.

Ono što sam u neformalno razgovoru sa stručnim službama Vijeća dobio, a ovo predsjedavajuća odnosi se i na vas znači, samo mi treba informacija zvanično. Pošto je Kolegij Gradskog vijeća podržao inicijativu i tražili ste izjašnjenje direktora Doma zdravlja i on je dao izjašnjenje vezano za promjenu prema Federalnom ministarstvu zdravstva. Za promjenu standarda i normativa zdravstvene zaštite. Samo me zanima u kojoj je to fazi, odnosno da li je u proceduri jer tu je neka prepreka menadžmentu i direktoru Doma zdravlja da unaprijedi rad na određenim odjeljenjima s obzirom na te važeće standarde i normative? Također ono što je zabrinjavajuće jeste znači, da više ne postoji specijalizacija za školsku medicinu.

I takođe predlažem zaključak znači, da Gradsko vijeće putem Kolegija ili kako smo i prošli put onu proceduru prošli znači, uputi urgentnu inicijativu prema nadležnom ministarstvu znači, da se ponovo uvede specijalizacija za školsku medicinu, jer u razgovoru direktnom sa menadžmentom Doma zdravlja oni za nekoliko godina imaju nekoliko penzionisanja znači i rad Odjeljenja školske medicine će bit jako upitan, a time će bit najviše oštećena, oštećena djeca. Toliko i hvala.

## **NATAŠA PERIĆ**

U redu hvala. Vijećnica Lejla Osmančević ispred Kluba samostalnih vijećnika. Izvolite.

## **LEJLA OSMANČEVIĆ**

Zahvaljujem predsjedavajuća. Klub samostalnih vijećnika Omer Delalić, Sabiha Mujkanović Mujačić i Lejla Osmančević će prihvatiti Izvještaj o radu i poslovanju Javno zdravstvene naučno ustanove Dom zdravlja „Mustafa Šehović“ .

Diskusija će biti kratka kreće u pozitivnom i afirmativnom smislu. Vezana je za ovu borbu, evo i kolega Damir je to rekao, a vezana je za poboljšanje rada Pedijatrijske službe Doma zdravlja Tuzla. Informacija, raspisana je specijalizacija. Već su dvije kolegice na Klinici za dječije bolesti u sklopu svog specijalističkog, specijalističkog staža su se vrlo intenzivno uz svoje mentore educiraju. One naravno prema proceduri uvođenja u rad će već moć krenuti samostalno raditi. To će se i pokazati u ovo vrijeme kad krenu respiratorne infekcije.

Prema standardima i normativima to nije opet dovoljan, dovoljan broj pedijatarata. On je prema znači, ovim normativima 12 koma 27. Ukupan broj je osam. Ne smijemo zaboraviti da u zasluženu penziju uskoro idu i neke doktorice pedijatrice, a specijalizacija iz pedijatrije traje 5 godina.

Druga stvar vezana za upućivanje molbe-zahtjeva prema Federalnom ministarstvu zdravstva. Apsolutnu podršku imamo pomoćnice ministra gospođe Marine Bere da uputimo tu inicijativu, tu molbu, taj zahtjev. Ono što je jako važno, ja sam to kroz svoju inicijativu i spominjala a jeste da smo, da smo ispred Udruženja pedijatarata u Bosni i Hercegovini sa svoje strane znači, struka je ipak ima tu jačinu ima, važna je, uputili taj zahtjev sa vrlo jasnim širokim obrazloženjem o neophodnosti ove specijalizacije. Profesore možel samo? (NATAŠA PERIĆ – Molim vas tišina.) O značaju ove specijalizacije i onome što, što u stvari ta kategorija, to razvojno doba, a to je školska i adolescentna medicina na neki način treba. Time će se rasteretiti i Porodična medicina.

Ne smijemo zaboraviti, ne smijemo zaboraviti zaista specijalizacije i sve ono što treba ojačati kadrovski ljekare, ali znači i ostalo medicinsko osoblje i naravno nemedicinsko.

Apsolutno podržavam raspisivanje specijalizacije iz radiologije i radiološke dijagnostike, ali radiolozi, odnosno tehničari su prijeko potrebni. Njih faktički ovdje odhranimo i obučimo ih i Zapad ih širokogrudo prihvati. Oni nam odlaze a prijeko, prijeko su potrebni pogotovo kada je u pitanju rad primarne, primarne zdravstvene zaštite.

Ja ću samo upitati, a na kraju ću i odgovoriti na to pitanje više da bi, da bi afirmativno djelovala.

U izvještaju imamo izvršene zdravstvene usluge za dvadeset i prvu godinu i on je veći za 48 koma 39% u odnosu na prethodnu godinu. Kad pogledate razlog zbog čega je. Ja prepostavljam da je to vezano za usluge borbe protiv pandemije kovid 19. Prije svega formiranje 7 punktova za vakcinaciju stanovništva i ako je to, ako, ako su to te usluge, usluge higijensko-epidemiološke službe, trijažni punktovi itd. u svakom slučaju je afirmativno.

Kategorizacija domova zdravlja je nešto o čemu smo mi govorili i u prethodnom mandatu. Borili smo se. Apsolutno podržavam i to će imati veliki značaj u raspodjeli sredstava prema domovima zdravlja a s obzirom na broj usluga, broj uposlenih itd. to će biti značajna sredstva za, za Dom zdravlja Tuzla.

Pohvalila bih i Službu hitne medicinske pomoći, Službu specifične zdravstvene zaštite Medicinu rada koja je u ovo doba pandemija imala svoju značajnu ulogu jer svi smo mi prebolili koronu ali smo i tražili usluge, usluge Doma zdravlja Tuzla.

I ono što kratko prateći fejbuk, sve ove portale vidimo našta su građani nezadovoljni. To se svodi ipak na par onih osnovnih stvari a to je komunikacija, ljubaznost, info-info telefoni, redomat, odnosno pravilno, pravilno prozivanje, odnosno red pri dolasku na preglede. Sve su to znači stvari koje iziskuju samo malo zalaganje ne previše sredstava i ne previše...a na zadovoljstvo naših građana. Evo korak po korak Dom zdravlja Tuzla ide prema, prema dobrome. Hvala ljepo.

**NATAŠA PERIĆ**

Hvala vam Lejla. Vijećnik Elvir Bijedić. Izvolite. Ispred Kluba SDP-a.

## **ELVIR BIJEDIĆ**

Zahvaljujem predsjedavajuća. Pa evo ja ću zaista se truditi da budem što je moguće kraćim s obzirom da mi kad god je sjednica Gradskog vijeća nepraktički ne postoji a da se mi ne dotaknemo teme Doma zdravlja, odnosno te primarne zdravstvene zaštite u našem gradu i cijenim dakle, da i kroz svakodnevne, svaki put na sjednici kroz aktivnosti, diskusije, vijećnička pitanja. Evo jutros smo imali jednu inicijativu vijećnika Nikice Vidovića o nabavci sanitetskih vozila za Službu hitne medicinske pomoći dakle, ne mogu a da nas, evo danas sve ne pozovem da...pomenula je kolegica Lejla maloprije, da pozovem nas sve na maksimalan napor. Dakle, da odavdje krene jedna inicijativa po ko zna koji put, ali zaista agilna u smislu dakle, da koristimo svaku svoju mogućnost sa svih nivoa vlasti da krenemo konačno više u kategorizaciju domova zdravlja, jer Dom zdravlja sa ovolikim brojem stanovnika, brojem timova, vrstama i kvalitetom usluge koje pruža dakle, ne može se jednostavno staviti u istu ravan sa bilo kojim Domom zdravlja na području kantona.

Dakle, ja još jednom koristim priliku dakle, da u ime Kluba vijećnika se zahvalim, vijećnika SDP-a zahvalim dakle, zdravstvenim radnicima u Domu zdravlja i svim uposlenicima na zaista fantastičnim naporima koji su radili svi u čitavom periodu pandemije proteklo vrijeme i smatram dakle, da su bili prva linija odbrane.

Složiti ću se dakle, da je sporadičnih incidentnih situacija kao što kaže doktorica Lejla sasvim sigurno da je bilo međutim, moramo shvatiti da smo svi od krvi i mesa, svi smo ljudi dakle, koji imaju svoje granice izdržljivosti u situaciji u kojoj se nikad niko nije ranije našao, tako da su to stvari koje sasvim sigurno se moraju da tako kažem opravdati.

Ono što sam pročitao u izvještaju i razgovarajući sa direktorom i sa menadžmentom nula šezdeset i pet konvertibilnih maraka cijena po pruženoj usluzi po stanovniku grada Tuzle dakle, je više nego smiješna dakle, i vrlo je kako bi reko iluzorno diskutirati na tu temu bilo šta, pogotovo u situaciji ovakvih poremećaja cijena na tržištu kako sanitetskog materijala, lijekova, tako i cijene usluga koje su nemedicinske dakle, cijene transporta, goriva itd.

Zaista još jednom nas pozivam kao zaključak da odavdje apelujemo na Ministarstvo zdravstva koje će kasnije dalje prema Federalnom fondu Zavoda zdravstvenog osiguranja dakle, da se konačno krene u rješavanje kategorizacije domovima zdravlja kako bismo sve i ove naše inicijative realizovali i kako bi konačno Dom zdravlja Tuzla dobio status onakav kakav zaslužuje u svakom segmentu. Hvala.

## **NATAŠA PERIĆ**

Hvala. Vijećnik Omer Berbić. Izvolite. Ispred Kluba.

## **OMER BERBIĆ**

Hvala ljepo.

DOM ZDRAVLJA TUZLA Barem po onom mom viđenju i onom što sam ja vidio iz izvještaja, ali i stanja na terenu ima puno mogućnosti za napredak. Kada ovo kažem prvenstveno se tu odnosi na jednu činjenicu koja je za mene kao čovjeka poražavajuća, a onda i kao vijećnika, a to je da sam dobio informaciju da mamograf koji je donirao Jusuf Nurkić još uvijek nije stavljen u funkciju.

Ja bih volio da nam se objasni zbog čega mamograf koji je digitalni i gdje bi se ubrzala ta procedura koji je koštao par stotina hiljada maraka još uvijek nije stavljen u funkciju?

I da nam se da jedno čvrsto obećanje. Kad kažem čvrsto obećanje ne mislim na ona obećanja koja su, koja nam se daju pa se to ne ispuni nego da nam se da obećanje da će taj

mamograf biti u funkciji, jer mislim stvarno je katastrofa ukoliko mi ne možemo jedan uređaj koji je najsavremenija tehnologija staviti u funkciju više, sigurno više od godinu dana.

Kada sam se pripremao za Dom zdravlja fokus mi je bio da vidim onako o čemu ljudi razmišljaju, šta ljudi kažu i stavio sam evo na fejbuku, zamolio sam sugrađane da, da iskomentarišu i dobre i loše strane i pohvale i sugestije i sve ostalo što oni smatraju za Dom zdravlja, jer sam vidio da je Dom zdravlja jedan od onako krucijalnih da kažemo, gdje ima najviše prostora za popravak, gdje ima najviše prostora da se napravi neka realna razlika. I ljudi su uglavnom komentarisali da neke službe u Domu zdravlja zaista treba pohvaliti kao što je Služba hitne medicinske pomoći gdje sam dobio preko 10 sigurno komentara i poziva da Službu hitne medicinske pomoći ljudi pohvale, da su doktori ostavljali kese iz Binga da idu na reanimaciju itd., da je to Služba koja zaslužuje sve pohvale. Ali također da ima službi gdje se doktori bukvalno, gdje ne rade ništa, a ne žele, ne žele da primaju, da primaju građane. Znači, u suštini kada bi nekako kategorisao ove, ove, ove probleme o kojima govorimo jedan, jedna sigurno kategorija bi bilo u porodičnom. Neka, neki porodični, neki porodični doktori su stvarno dobri dok ostali, ostali, ili je vrlo teško doći na zakazani termin ili, ili doktora nema ili je na bolovanju i bude u odsustvu, tako da ljudi nemaju mogućnost da se tu jednostavno, jednostavno nađu.

Drugo sigurno što je bilo jedno od glavnih stvari jeste da bi se trebalo zamijeniti način da, da djeca i i stariji ne budu, ne budu u istom, u istoj, u istoj prostoriji.

I treće što bi, što bi sigurno što su ljudi ovdje govorili jeste da su, da su objekti Doma zdravlja, odnosno u određenoj fazi, u određenoj fazi neuslovni. Ali da se vratimo na ovaj izvještaj.

Dom zdravlja također, odnosno da se ne vraćam na izvještaj nego da kažem da sam dobio pozive od ljudi koji rade u Domu zdravlja i da su mi rekli da se vrše pritisci, neformalni pritisci na njih da se ispuni neki ugovor koji je vezan za Aerodrom Tuzla i sada bi ja volio isto tu da postavim par pitanja. Prije svega da postavim pitanje zbog čega Dom zdravlja tuzlanski radi na aerodromu koji je u Živinicama?

A druga stvar da pitam zbog čega je Dom zdravlja, zbog čega Dom zdravlja (NATAŠA PERIĆ – Molim vas tišina.) Tišina molim vas. Pa molim vas ovakve komentare da se sankcionišu (NATAŠA PERIĆ – Pa rekla sam.) Kaže to ti je djed reko sigurno da pitaš. Evo ovako dobacuju ovdje. (NATAŠA PERIĆ – Molim vas. Rekla sam tišina.) Izuzetno bezobrazno. (NATAŠA PERIĆ – Nisam čula uopšte šta je neko rekao, samo sam čula da neko priča. Hajte nastavite.) OK. Znači, zanima me situacija oko aerodroma.

Dobio sam informaciju da se porodični ljekari moraju potpisivati, odnosno da se potpiše onaj ko nije, ko ne želi da radi na aerodromu, umjesto da se potpisuje onaj ko želi da radi na aerodromu, da su uslovi takvi da nekada ljudi odu i po 20 sati nemaju sna, a da se plaća ne znam za, za tehnička lica, odnosno za tehničke službenike 60 maraka dnevnicama, a za doktore sto-150, a navodno je kada, kada je to radio živinički Dom zdravlja da su dnevnicama bile duplo veće i za jedne i za druge. Zanima me da li je ovo istina i kako Dom zdravlja, kako će napraviti mogućnost da naši tehničari i medicinske službe budu u isto vrijeme zaduženi i za Aerodrom tuzlanski i za Panonska jezera pošto znamo da naš Dom zdravlja na Panonskim jezerima isto ima izvan, izvan poslovnu, izvan poslovnu aktivnost?

U suštini ja bih volio ovdje da predložim jedan set zaključaka:

Prvi zaključak bi bio da Gradsko vijeće traži od menadžmenta Doma zdravlja da po hitnom postupku stavi mamograf u funkciju, te da do idućeg Kolegija dobijemo informaciju o mamografu kao samom.

Drugi zaključak je zaključak koji sam prošle, na prošlom izvještaju želio da stavim međutim, Služba nije pročitala vjerovatno iz razloga što je bilo veliki broj zaključaka pa nisu mogli sve da pohvataju. Ali je zaključak da se Gradsko vijeće zahvaljuje Jusufu Nurkiću i njegovoj fondaciji na izuzetno velikoj vrijednosti donacije u kontekstu mamografa.



I treći moj zaključak bi bio da Gradsko vijeće pohvaljuje Službu hitne medicinske pomoći za sav trud, rad koji oni ulažu, a i na kraju za rezultat koji postižu. Hvala ljepo.

## **NATAŠA PERIĆ**

U redu hvala. Zaključujem raspravu klubova vijećnika.  
Otvaram raspravu vijećnika. Vijećnik Rifatbegović. Izvolite.

## **ZIJAH RIFATBEGOVIĆ**

Hvala vam ljepo. Ja ne bih želio da se ponavljam. Prošli put kad smo usvajali izvještaj uglavnom sam rekao sve ono što sam, što sam mislio da treba da kažem i ono što je istina je li?

Moram biti realan i iskren da ovaj izvještaj koji je danas prezentiran ovdje i kog smo mi dobili prije nekoliko dana na uvid pokazuje određene znakove napretka i mislim da konstruktivna kritika koju sam ja dao prema Domu zdravlja ni u kom slučaju ne odražava moje emocije i moje poštovanje prema menadžmentu kliničkog, odnosno Doma zdravlja je li i sistema organizacije.

Ove promjene koje su navedene u ovom izvještaju, odnosno ovo poboljšanje u nekoliko faza koje smo mogli vidjeti ovo su promjene koje su redovna procedura i ovo nisu suštinske promjene. Mi još uvijek u Izvještaju Doma zdravlja ne možemo naći suštinske promjene.

Ne slažem se da je Dom zdravlja u toj kategorizaciji i privilegovan u odnosu na ostale ustanove koje kako je Elvir naveo ne može se porediti sa Domom zdravlja. Nije taka slika na terenu. Ja sam medicinski profesionalac visokog ranga i tercijalnog nivoa i ja znam da to nije tako i da to ne odgovara činjeničnom stanju na terenu. Nisu domovi zdravlja drugih gradova u Kantonu Tuzla za podcijenit. To ne treba gledat kroz tu prizmu.

Ne možemo se otet utisku da smo mi treća zemlja po smrtnosti od pandemije. U tom Domu zdravlja igra kako ste i sami rekli je li značajnu ulogu. U Domu zdravlja nisu nikad bili problemi stručne prirode i u smislu rada doktora, medicinskih sestara, tehničara i svega ovog ostalog.

Ne mogu reći ni da se menadžment kliničkog, odnosno Doma zdravlja nije trudio da unaprijedi stvari. Međutim, isključivost kod davanja prijedloga je dovela do toga da je ostalo niz nedostataka koji su mogli bit bolje urađeni.

Ja sam upozoravao i prošli put, pogotovo za Krizne štabove, pogotovo za isključivost kod određenih stvari, ne prihvatanja određenih amandmana koji su doveli do toga da je Dom zdravlja bio u ekstremno teškoj situaciji. Naravno i menadžment je odgovoran zato iz razloga jel je imam utisak više išao na snishodljivost prema osnivaču, a ne prema realnim i rješavanju realnih problema koji su trebali da budu riješeni na jedan konstruktivan način.

Ne mogu prihvatiti činjenicu da Dom zdravlja Tuzla ne može i ne treba da bude jedna od najreferentnijih Ustanova, pogotovo što je to Ustanova koja ima i naučnu podlogu u svojoj bazi.

Ne želim se referirat na ono što sam već govorio, ali želim podcrtati da određene stvari treba posmatrati fitički. Rezultati su za analizu a ne za hvalospjeve. Naši rezultati nisu za hvalospjeve. Treća smo zemlja po smrtnosti u svijetu. Tuzlanski kanton, odnosno grad Tuzla zauzima visoko mjesto po smrtnosti. Nemojte da stvari gledamo kroz prizmu ružičastog.

Ovdje sam govorio kad su bili kolege iz higijensko-epidemiološke službe da trebamo ići u novu sistematizaciju, da trebamo napraviti presjek da vidimo šta je neophodno Domu zdravlja i da se prime kadrovi i da se nabavi oprema i da se olakša sistemu rukovođenja i organizacije (NATAŠA PERIĆ – Privodite samo kraju molim vas.) međutim, to nije. Nije mi još vrijeme isteklo. (NATAŠA PERIĆ – Pet minuta.) Imam još malo. To se nije desilo. To se

nije desilo. Imali smo situaciju u jeku pandemije kad je ovdje velika smrtnost bila da nismo na tom polju mogli da dogovorimo bazične pomake kako bi se Domu zdravlja pomoglo.

Ovaj izvještaj i jeste bolji, ali daleko od toga da je u fazi kada, kada bi SDA mogla podržati taj izvještaj. Mi ne možemo dat pozitivnu ocjenu za ovaj izvještaj.

## **NATAŠA PERIĆ**

U redu hvala. Ispravka krivog navoda vijećnik Elvir Bijedić. Izvolite.

## **ELVIR BIJEDIĆ**

Zahvaljujem predsjedavajuća. Ma ne, samo kratko da ne ostane u zraku da visi kolega doktor Rifatbegović. Htio sam samo da kažem da niti i jednog trenutka mi nije bila namjera da podcijenim bože sačuvaj, niti imam moralno niti zakonsko pravo bilo koji Dom zdravlja na kantonu u bilo kojem gradu ili općini.

Međutim, kad sam rekao da ne može u isti koš u smislu dakle, broja timova, broja stanovnika, dnevne migracije, broja studenata, broja đaka koji dolaze u Tuzlu, sportista, građana koji žive u drugim gradovima i općinama dolaze ovdje dakle, i konzumiraju zdravstvenu uslugu dakle, hvalimo Službu hitne medicinske pomoći koja kolko svi znamo nikad nikom nije odbila bilo kakvu vrstu pomoći dakle, uključujući naravno i migrantsku krizu koja je bila dakle s tog aspekta, a nikako da podcjenjujem bilo koga. Dakle, tek toliko samo da ne ostane u zraku. Hvala.

## **ZIJAH RIFATBEGOVIĆ**

Kratka replika samo. Nisam vas ja ni shvatio tako obzirom da ja vas i poznajem, nisam vas shvatio ali u izlaganju se stiče utisak da je to...I ovi su domovi zdravlja radili ozbiljan posao.

## **NATAŠA PERIĆ**

Dobro. Hvala. Vijećnik Admir Hasanbašić. Izvolite.

## **ADMIR HASANBAŠIĆ – vijećnik Tuzlanske alternative.**

E hvala predsjedavajuća. Pošto je tačka dnevnoga reda znači, istovremeno razmatramo sve četiri javne ustanove jel, jel tako? (Jeste.) Jeste. Vidim oni su, kolege su se bazirale oko Doma zdravlja evo ja ću malo da pomenem i ostale javne ustanove.

Evo prvo kada je u pitanju IZVJEŠTAJ ZA 2021. GODINU JAVNE USTANOVE „NAŠE DIJETE“ treba izvještaj pohvaliti i zaista je bitno da je. (NATAŠA PERIĆ – Molim? Sačekajte ne možete sad u sred izlaganja. Sačekajte. ) U izlaganju sam. (NATAŠA PERIĆ – Izlaganje je.) Znači, treba pohvaliti jer je pozitivno poslovanje u iznosu oko 121 hiljadu konvertibilnih maraka. Ova godina u Javnoj ustanovi „Naše dijete“ je bila godina kapitalnih ulaganja što je za veliku pohvalu, jer je ugrađena PVC stolarija u objektu „Suncica“. Zatim je izvršena sanacija kupatila u objektu „Poletarac“. Zatim je izvršeno priključenje vrtića „Ciciban“ Miladije na sistem daljinskog grijanja i uređeno je dvorište vrtića „Pčelica“. Sve su ovo stvari ostvarene kroz odgovarajuće donacije iz vlastitih sredstava i svakako jedan dio sredstava iz Ministarstva obrazovanja i nauke Tuzlanskog kantona. Pored ovih realizovanih kapitalnih ulaganja treba istaći da je došlo i do povećanja plate uposlenika Javne ustanove „Naše dijete“ za 8%, ali i pored toga prosječna plata je veoma mala. Znači, u ovoj javnoj ustanovi je

891 konvertibilna marka i mislim da je to najmanja prosječna plata u svim javnim ustanovama u gradu Tuzla i predlažem jedan zaključak a to je:

Da se u budžetu za 2023. godinu pokušaju iznaći sredstva za povećanje plata uposlenika u Javnoj ustanovi „Naše dijete“.

Dalje, menadžment ove ustanove je poštovao i zaključke Gradskog vijeća i zaista je fino vidjeti da je realizovano stručno osposobljavanje bez zasnivanja radnog odnosa, tj. rad pripravnika. Njih četiri u 2021. godini i zaista je to kažem jedna dobra, dobra stvar. Izvršen je i redovan obavezan program predškolskog odgoja i obrazovanja u 24 osnovne škole za 529 djece. To je jedan veliki projekat i svaka čast menadžmentu kako je to organizovao, jer znam vrlo dobro kakva je to odgovornost. I ono što je posebno bitno i što je cilj Javne ustanove „Naše dijete“ jeste proširivanje kapaciteta, tj. otvaranje vrtića „Zvončica“ u Gornjoj Tuzli.

I evo ja bih predložio jedan zaključak:

Da se u rebalansu Budžeta Grada Tuzla za 2022. godinu izdvoje potrebna sredstva za otvaranje vrtića u objektu tzv. Male škole u sklopu Javne ustanove Osnovne škole „Simin Han“, jer prema strategiji razvoja Tuzlanskog kantona za period 2021- dvadeset i sedma godina i Akcionom planu 2021-dvadeset i četvrta planirana su sredstva za proširenje kapaciteta znači javnim predškolskim ustanovama koristeći prostore, prostorne kapacitete osnovnih škola. Što znači, objekat će se dobiti besplatno. Izvršena je anketa. Veliki je broj građana zainteresovan i mislim da će to biti jedan veliki, veliki pogodak i dalje proširivanje kapaciteta Javne ustanove „Naše dijete“. To je što se tiče Javne ustanove Naše...(NATAŠA PERIĆ – Imate još minutu.) Uh. (NATAŠA PERIĆ – Pošto je 5 minuta izlaganje vijećnika.) Dobro razumijem.

Evo ukratko ću. Znači, samo da, da pohvalim znači i CENTAR ZA KULTURU TUZLA koji je poslovao takođe pozitivno. Zaista jedan inpozantan broj raznih aktivnosti. Znači, 389 je programskih aktivnosti u svim objektima. Jel mogu?

## **NATAŠA PERIĆ**

Izvinite samo malo. Izvinite što vas prekidam. Diskusija vijećnika traje 5 minuta. (SLADANA KRAJINA – Kod izvještaja je drugčije.) Od kad je drugčije? Ma nije vala. Nemojte sad da tražim stenogram. (ADMIR HASANBAŠIĆ – Ništa.) Dobro samo da završi Admir.

## **ADMIR HASANBAŠIĆ**

Pa ništa evo ako smo krenuli sad u ovom smjeru da sam ja imao pet minuta za četiri izvještaja, mislim da bi sada bilo nekorekt-no da neko ima minut više od mene. Znači, ja ću ovo reći što sam imao i to je to. Mislim onda idemo u nekom drugom smjeru.

EVO JA ĆU ZNAČI NAPOMENUTI SAMO ZNAČI CENTAR ZA KULTURU. Velikim brojem programskih aktivnosti imali su ostvarenu saradnju sa velikim brojem nevladinih organizacija, zatim sa, sa mladima. Ima tu i dosta međunarodnih projekata.

I posebna pohvala menadžmentu, jer su dali veliku tehničku i kadrovsku podršku u realizaciji manifestacije „Ljeto u Tuzli“ i velika pohvala direktno direktoru. Jer zaista u ovom izvještaju na sve zaključke je pozitivno odgovorio i zaista je redovno odgovarao na sva vijećnička pitanja i vijećničke inicijative.

I EVO ŠTO SE TIČE NARODNOG POZORIŠTA. Zaista moram pomenuti i to da su i pored pandemije održali veliki broj manifestacija. Bilo je to znači i učešće našeg „Narodnog pozorišta“ izvan granica Bosne i Hercegovine i evo zaista na kraju bih čestitao članovima „Narodnog pozorišta“ Tuzla za osvojene nagrade na festivalima sa predstavom „Kreketanje“. Eto toliko. Hvala.

## NATAŠA PERIĆ

Hvala Admiru. Izvolite. Poslovnička. Samo malo. Ko je sad? (ADMIR ČAVALIĆ – Poslovnička. Ako može sekretar Gradskog vijeća samo da nam pojasni. Četri su izvještaja znači puta pet minuta imamo dvadeset minuta?) Ma nije tako ba. Nemojte ba. Nije tako bilo nikad. Nije bilo tako. Bilo je da kad se...Samo malo. Mogul ja reći samo kao predsjedavajuća da nešto pojasnimo?

Znači bilo je ako, kad se jedan krug diskusije završi da se vijećnici jave opet. Znači, ako je diskusija vijećnika znači opet pet minuta. Nije bilo...(vijećnik Omer Berbić govori bez uključenog mikrofona op.a.) Molim? (vijećnik Omer Berbić govori bez uključenog mikrofona op.a.) Pa joj. Pauza 10 minuta. Molim vas da se malo smirite. (Pauza.)

Nastavljamo sa radom.

Molim vijećnike da sjednu na svoja mjesta.

Vijećnik Admir Čavalić se sljedeći javio za diskusiju.

## ADMIR ČAVALIĆ

Hvala predsjedavajuća. Dakle, evo ja ću prije svega uputiti kritiku da ovo raspravljamo unutar jedne tačke. Četri izvještaja djeluje mi hajdučki kao da se želi nešto zaštititi od vijećnika. Dakle, bilo bi dosta logičnije da to bude u par tačaka makar dvije ili četiri tačke, da se svakom izvještaju posveti dovoljna pažnja. Ovako imamo minimalne minute da raspravimo dakle, nešto što je ključno za naše građane. Dakle, napominjem djeluje hajdučki kao da se želi nešto sakriti, a vjerujem da nije tako. Vezano...tako da ću ubrzat zaista moram ubrzat. Vezano za...(NATAŠA PERIĆ – Imate pravo na još jednu diskusiju kad prođe.) I javit ću se. Iskoristit ću to.

VEZANO ZA DOM ZDRAVLJA TUZLA. Jasno je, čitavu godinu govorim o tome, telefoni nisu radili, dugo se čeka, redovi čekanja su problemi, nije bilo papira za doznake, specijalizacije su problematične i sl.

Ja opet upućujem zaključak:

Da se uvede dakle, napokon taj redomat kao u susjednoj Hrvatskoj. Da se uvede jedan telefon koji će raditi non-stop i gdje će imat jedna osoba zadužena za istu i da se u izvještajima Doma zdravlja budućim obavezno navodi koliko se čeka u redu dakle, koliko se čeka na neke preglede, koliko se čeka na nalaze i sl.

Vezano za pitanja konkretna za menadžment imam sljedeća:

- Da li je za liste čekanja na pojedinim dijagnostičkim procedurama u Domu zdravlja odgovoran nedostatak kadrova ili odgovarajuće opreme?

Dalje drugo:

- Koliko ljekara specijalista ide u penziju u narednih 5 godina i da li je jednak broj mladih ljekara već poslan na iste te specijalizacije kako bi se moglo zamijeniti barem brojčano ako ne iskustvom?

Treće pitanje:

- Na koji način rukovodioci Doma zdravlja misle nadomjestiti odlazeće u penziju specijaliste u periodu dok se mladi ljekari još reduciraju u sklopu specijalizacije na UKC Tuzla, da li će se plaćati specijalističke usluge vanjskih ljekara UKC Tuzla, te finansijski dodatno opteretiti Dom zdravlja ili će se, očekuje se pad kvaliteta usluga u ovoj ustanovi ubuduće?

Četrto:

- Obzirom na manjak kadrova u Domu zdravlja da li ugovori potpisani sa Panonikom i Aerodromom Dubrave prave dodatno opterećenje, da li su uposlenici saglasni sa dodatnim radom koji nije u opisu njihovog radnog mjesta ili su priučeni odrađivati isti?

Peto:

Imaju li uposlenici koji rade dodatne poslove na aerodromu i Panonici ugovorom predviđene slobodne dane i da li su dodatno sati adekvatno plaćeni?

I zadnje pitanje:

Zašto jedino Dom zdravlja Tuzla nije dodatno plaćao rad sa kovid pacijentima kao što je to bio slučaj u drugim zdravstvenim ustanovama u Bosni i Hercegovini?

Idem dalje dakle, moram ubrzat jer se hajdučki sakrivaju ovi izvještaji.

IZVJEŠTAJ O NARODNOM POZORIŠTU GRADA TUZLA. Sve super. Sve je okej. U planu razvoja ima jedna greška navodi se da će, da je evidentirano, evidentno u 2021. da će biti epidemiološke mjere. Misli su ovdje na 2022. Samo ispravite to.

Ja preporučujem, pošto vidim da samo 6,10% je prihoda od vlastite djelatnosti, ja preporučujem dva zaključka.

Prvi zaključak je:

Da testiramo taj model. To se radi sada svuda u svijetu aktuelno je. Da od sada od našeg zaključka dakle, budu besplatno ulaznice za „Narodno pozorište“ grada Tuzla izuzev kada su premijere koje se trebaju plaćat. Za sve građane grada Tuzla da budu besplatne ulaznice.

Jer zašto to, zašto to nudim kao zaključak? Zato što se „Nardno pozorište“ Tuzla finansira od Vlade TK i Grada Tuzla. 6,10% je od ulaznica jel ulaznice su nebitne u modelu finansiranja. Ako in ukinemo kao takve dakle, možemo besplatno da ojačamo kulturu u našem gradu, da svi dolaze, samo premijere da se plaćaju. Ako neko ekskluzivno hoće da gleda premijeru nek mu se naplati.

Drugi zaključak:

Ko god napuni 18 godina u našem gradu automatski da dobije besplatno godišnju ulaznicu na sve predstave uključujući i premijere u našem gradu.

To su usvojili u Kantonu Sarajevo. Da dadnu dakle, za sve kulturne institucije, ali pošto mi manje više u gradu imamo jednu koja dominantno naplaćuje, ja predlažem dakle, ko god napuni 18 godina od Grada Tuzla da dobiva godišnju kartu da može besplatno u pozorište ići čitavu godinu. Na ovaj način radimo razvoj kulture i na ovaj način se privlače sponzori, jer imat ćemo pune sale. Sada može zbog epidemiološke situacije. To će privući donacije, privući će sponzorstva. Na žalost nema puno donacija i sponzorstva kolko se može iskoristit.

Sve pohvale menadžmentu. Znam kako rade kreativno i bore se i sl. ja im želim sve najbolje i svu podršku i Grada Tuzle i Tuzlanskog kantona, jer također mogu intervenisati dakle, da se na način da se još više sredstava izdvoji kako bi se ovih 6,10% nadomjestilo.

Tako dakle, dva zaključka:

Besplatne karte za sve i

Drugi zaključak:

18 godina kad napunite, u našem gradu živite ovdje, dobijete dakle, godišnju kartu za sve uključujući i premijere, jednu godinu da iskoristite ako ovaj prvi zaključak ne prođe.

Pošto smo još s ovim hajdučenjem ne znam kakvo mi je vrijeme.

DAKLE, TREĆI JE „NAŠE DIJETE“. Zanima me koji su kriteriji za upis u obdanište? Da li je istina da se preferiraju zaposleni u odnosu na nezaposlene osobe dakle, da mi se konkretno odgovori i da li je to neka strukturna diskriminacija?

Dalje:

Šta se radi po pitanju inkluzije, odnosno djece sa poteškoćama u razvoju, da li je tačno da privatni vrtići, odnosno obdaništa više prihvataju iste u odnosu na javno?

Zanima me kolko se generalno povećao obuhvat u našem gradu dakle, ove predškolske djece?

I da li se može inkorporirat?

To je zaključak, dajem ko zaključak:

Da se ubuduće u svakom izvještaju navodi koliki je obuhvat djece dakle, predškolskog uzrasta u gradu Tuzla da imamo neke parametre da li ide nabolje ide nagore i sl.

Ako sam iskoristio vrijeme dakle? (NATAŠA PERIĆ – Jeste možete u drugom.) Iskoristit ću u drugom javljanju. Hvala.

## **NATAŠA PERIĆ**

U redu hvala. Vijećnik Ćerim Rastoder. Izvolite. Neka se pripremi vijećnica Selma Ćatibušić. (vijećnik Ćerim Rastoder govori bez uključenog mikrofona op.a.) Uključite mikrofona.

## **ĆERIM RASTODER**

Hvala vam. Isčitao sam izvještaje svih ustanova ali u svom obraćanju više ću, najviše ću posvetiti pažnju u stvari ISKLJUČIVO ĆU DISKUTOVATI O JAVNOJ I ZDRAVSTVENOJ USTANOVI DOM ZDRAVLJA TUZLA. Naučnoj.

Nisam osposobljen u stručnom smislu da dajem neke zaključke, ali evo naši kolege ljekari su već dali neka svoja mišljenja. Naravno da naš Dom zdravlja pored zdravstvene ima i ovu nastavnu dimenziju. Ona je vrlo važna i vrlo bitna.

Metodološki Izvještaj od Doma zdravlja koji sam ja ovdje pogledao je jako, jako kvalitetno urađen. Puno analize, šema, priloga, tabela koje su kordinirane sa tekstom i u svakom slučaju struktura ovog izvještaja je jako kvalitetna.

Ovo je ustanova kolegice i kolege koja ima preko 700 uposlenih. Ko (NATAŠA PERIĆ – Molim vas malo tišina.) je u životu radio sa pet-šest-deset ljudi i upravljao zna se koji problem, a sa 700 ljudi od kojih je 80% medicinsko osoblje raditi nije baš lako, posebno ako mi ovako, ako se ima u obzir da naša Ustanova ima 23 lokacije širom grada. To su zasebni objekti koji zahtjevaju pored struke, zahtjevaju i druge aktivnosti da budu, da budu uslovniji i što se tiče napajanja i struje i vode itd. itd. Posebno jel ovo ima težinu da naš grad kao naučna ustanova, odnosno naš Dom zdravlja opslužuje oko 110 hiljada lica sa 67 timova medicinskih i sa sva ova tri oblika medicinske zaštite. Evo sad da ne govorim.

Ono posebno što mi se svidlo u ovom izvještaju jeste da je naš Dom zdravlja u dvajsprvoj godini preko 555 hiljada izdvojio za nabavku opreme. Ako uzmemo u obzir da su ukupni prihod Doma zdravlja 20, preko 25 miliona i da je ostao višak negdje oko 90 hiljada, onda je to zaista jedan veliki uspjeh. Posebno sa aspekta kad taj broj od 25 miliona, a to sam ja nešto računao, podijelimo sa 110 hiljada korisnika usluga, onda sam ja izračunao negdje oko 228 konvertibilnih maraka godiš-nje dođe na jednog osiguranika. A od toga naravno treba platiti i plate i komunalije, nabavke itd. Tako da smatram da je ovo jedna jako, jako složena Ustanova. Ustanova koja se tiče svih nas građana i svi smo. Odlazimo u tu Ustanovu i svi možemo, svi smo skloni i da je kritikujemo i pozitivno i negativno i velika je frekvencija.

Evo ako uzmemo samo u obzir da je 5.204.821 uslugu pružili u dvajsprvoj godini, to je nešto što nije baš lagano, nije lako. I ja s tog aspekta smatram, a razgovarao sam pred prošli izvještaj i sa direktorom. Odlazio sam kod njega dole da se radi o jedno jako sposobnom menadžmentu, jer ovakvu Ustanovu voditi. Naravno da ima problema svud. Dobro bi bilo da ima puno novca, ali ovo su veoma, veoma male količine novca znači, 228 KM godišnje, pa to podijelimo sa 365 dana onda dobijemo tu cifru od 60-70 feninga po jednom uposlenom.

I ja smatram da, da trebamo dat podršku ovoj Ustanovi kao i svim ostalim i cijenim da je ovaj izvještaj i ovo što se radi u Domu zdravlja jako dobro. Naravno može uvijek bolje i treba da bude bolje u ovom segmentu, ali tu smo gdje smo.

I stio bih skrenut Čavaliću pažnju vijećniku. Termin hajduci, uskoci, hajdučija nije primjerno koristiti ovdje na ovom Vijeću, tako da taj termin koji je nasto u petnestom, šesnestom, sedamnestom stoljeću u Dalmaciji i mislim da nije primjeren za, za ovaj skup ovdje. Hvala prijatno.

## **NATAŠA PERIĆ**

Jeste vi repliku? Vijećnik Čavalić. Replika.

## **ADMIR ČAVALIĆ**

Replika. I te kako je primjereno ako dobijemo za jednu tačku dakle, i da imamo po ovih pet minuta i da dobijemo četiri izvještaja. Dakle, i te kako je primjereno koristiti termin hajduk. Da imam neki bolji termin, a volio bi da mi pomognete iskoristio bi ga.

Ne mogu drugačije nego hajdučki svatit da mi se ovako daje, da o ovako bitnim ustanovama kao što sami kažete, pogotovo o Domu zdravlja u kojem trebamo barem pet sati da raspravljamo, mi dobijemo pet minuta rasprave. Dakle, vrlo je to bitna Ustanova za sve nas. Dobro ste kalkulaciju izvršili. Puno zaposlenih. Velika odgovornost i mislim da menadžmentu nije drago da mi dobijemo pet minuta jer to je nipodaštavanje njih samih dakle, njih samih vrijeđamo, jer mislim da menadžment očekuje od nas konstruktivne kritike a ne da, da suze njihove kupimo u nekaku šolju ili nešto tako dakle, kako je teško direktorima. (NATAŠA PERIĆ – U redu.)

Ako neko ne može biti direktor vjerujem da ima u našem gradu dosta kandidata (NATAŠA PERIĆ – Dobro.) tako da oni vole kada mi njih kritikujemo dakle vole (NATAŠA PERIĆ – U redu.) a da ih hvalimo, niko to ne voli da vas fali, jer uvijek je hvaljenje može biti lažno, iskreno svejedno. Hvala.

## **NATAŠA PERIĆ**

U redu. Hvala vam. Vijećnica Selma Čatibušić. Neka se pripremi vijećnica Merima Softić Sprečić.

## **SELMA ČATIBUŠIĆ**

Evo ovako. Dobar dan i direktorima i direktorici. Moja diskusija će biti kratka obzirom da nemam ni prava na dužu diskusiju. Ne bih se ja samo referisala na, na vremenski, vremensku mogućnost davanja nekih komentara na ove izvještaje. Referisala bi se i na to koliko mi zapravo imamo vremena proći uopšte ove izvještaje.

Materijale koje mi dobijamo osam dana ranije trebamo biti veoma, veoma iskreni svi jedni prema drugima. Koliko god se mi trudili i imali neke lajički rečeno ekipe oko sebe koji za nas također čitaju izvještaje da bi nam pomogli ukazuje nam na neke stvari, jer naravno ne možemo se ni razumjeti svi u sve.

Vjerujem da 90% nas ovdje, neću biti tendenciozna, nije pročitao sve materijale koje smo mi dobili. Računajući na to da svi eto reći ću 100% imamo želju da pročitamo te materijale. Tako da što se tiče tih stvari jedan izvještaj jednog preduzeća po meni bi bio dovoljan za jednu tačku dnevnog reda, tj. jednu sjednicu koja bi se bavila, ako želimo zaista da se bavimo na pravi način funkcionisanjem naših ustanova i preduzeća čiji smo je li i osnivač.

KADA JE U PITANJU CENTAR ZA KULTURU TUZLA ja iskreno ne bih imala nešto previše komentara. Smatram da zaista u kapacitetu kojeg oni imaju rade dobar posao. Kolega tamo što posmatra sjednicu mi je sugerisao na jednu malo, mislim ne toliko uopšte

bitnu stvar konkretno za, za sam Centar za kulturu, nego onako radi se na renoviranjem Omladinskog centra i radi se fasada, a nisu se konkretno uradili zamjenili prozori, pa tako da može doći do toga da, da će se morati praviti neki dupli posao. Sve u svemu smatram da je, da je rad poprilično korektan.

ŠTO SE TIČE NARODNOG POZORIŠTA TUZLA mislim da smo svi poprilično zadovoljni, ja vjerujem ne samo izvještajem nego i radom „Narodnog pozorišta“ Tuzla. Ono što bih ja sugerisala kolegama i kolegicama u Vijeću jeste da malo češće posjećuju naše predstave koje su stvarno fantastične i odlične. Da puno više susjedni gradovi daju nagrada, podržavaju ovaj rad nego što konkretno mi to radimo. Ja to mogu reći zato što ja stvarno gledam da dođem što češće na predstave i to sam voljela raditi i prije ovog Vijeća, a bogami nastavit ću tako. Tako da nadam se da će im biti toplije u „Narodnom pozorištu“ i da će se napokon i ta fasada i sve ostalo srediti.

KADA JE U PITANJU DOM ZDRAVLJA TUZLA svi imamo previše komentara što se tiče toga. Ja slobodno mogu reći da nisam zadovoljna uslugom, ne kao vijećnica daleko od toga, nego kao građanka ovog grada Domom zdravlja.

Što se tiče.

Imat ću samo dva pitanja koja su eto neko bi rekao manje važna ili više važna a to je:

- Da li je tačno da se mijenjanje kartona, odnosno prebacivanje kartona naplaćuje 20 konvertibilnih maraka, na osnovu koje odluke se to radi? Eto samo da mi se dostavi ta odluka.

- I eto koliko je novca od tih stvari došlo u Dom zdravlja?

- Također, vjerujem da je direktoru, a i meni poprilično je već dosadila moja priča, ali neću odustati od nje, a to je moj ginekološki sto. Kažem moj zato što još malo pa ću ga prisvojiti.

Mi od decembra čini mi se, bio je taj postojao zaključak da se nabavi ginekološki sto koji je prilagođen osobama sa invaliditetom. Taj sto košta 8 hiljada maraka. I zaključak je jasno glasilo i pošto su tvrdili iz Doma zdravlja da oni posjeduju već takav jedan sto, iako korisnice tvrde drugačije, da se nabavi dodatni sto. Znači, imam pismeno zaključak i to su glasali, to smo glasali svi mi ovdje. Četri-pet ili više dopisa kad će bit? Dokle je ta procedura?

Na dva dopisa mi je odgovoreno da je pokrenuta procedura javne nabavke ginekološkog stola, a zadnji dopis koji sam dobila jeste opet isti da oni već posjeduju takav jedan.

Da li to znači da definitivno se neće nabavit dodatni ginekološki sto kako glasi zaključak i da li to znači da će se Ustanova zaista oglušiti na Odluke Gradskog vijeća?

Eto to su samo moja dva pitanja.

I ŠTO SE TIČE JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ Ja naravno podijelim vrlo često šta građani misle o radu ove Ustanove na svojim društvenim mrežama. Bilo je dva ili tri zaista dobra komentara. Smatram da „Naše dijete“ u svom kapacitetu također radi dobro. Ne sviđa mi se način na koji mi je direktorica odgovorila kako traži javno izvinjenje od mene što sam ja pročitala jedan dopis koji sam dobila na svoju adresu govoreći da sam ja na neki način nanijela štetu Ustanovi. Ja na svojim društvenim profilima mogu da objavljujem apsolutno sve ono što ja želim, a pri tome niti jednu negativnu stvar nisam izgovorila, nego sam pročitala samo ono što sam dobila (NATAŠA PERIĆ – U redu.) na adresu. Nisam završila. Jel imam još vremena? (NATAŠA PERIĆ – Nemate. Isteklo. Već sam vas...Možete se javit...) Imam još samo dvije rečenice. (NATAŠA PERIĆ – Hajde.)

- I ono što me također interesuje ovo što je kolega Čavalić rekao voljela bi da u izvještaju bude naveden koliko posto, na koji način „Naše dijete“ radi na inkluziji i da se svim vijećnicama i vijećnicima dostave podatci koliko djece sa poteškoćama u razvoju ima u ustanovi, koliko je odbijeno, zbog čega odbijeno, da li je odbijeno, da li postoje posebni urneci i sve ono čemu smo se mi na neki način hajde da tako kažem dopisivali?

Zaista nemam apsolutno nikakvu tendenciju ni sa kim bože sačuvaj ulaziti u sukob ili nešto takvo, ali smatram da jedni druge moramo uvažavati i odgovarati na vijećnička pitanja a



sve u cilju boljeg funkcionisanja. Niko ovdje ne smatra da je to nečije ili da neko želi nešto da napada, da uništi, nego samo želimo da stvari bolje funkcionišu. Tako da bi zamolila da u budućnosti kao što mi poštujemo direktore i direktorice tako i direktori i direktorice nas poštuju. Eto hvala.

## **NATAŠA PERIĆ**

U redu hvala. Sljedeća za riječ se javila Merima Softić Sprečić, a neka se pripremi vijećnik Elvir Bijedić. Izvolite.

## **MERIMA SOFTIĆ SPREČIĆ**

Pozdravljam direktore prisutnih Ustanova čije izvještaje danas, o čijim izvještajima danas raspravljamo i evo vas sve prisutne ponovo.

MOJ KOLEGA SE REFERIRO NA DOM ZDRAVLJA PA ĆU JA SE REFERIRAT NA JAVNU USTANOVU „NARODNO POZORIŠTE“ TUZLA i na još par, par možda zaključaka za određene Ustanove. Evo ovako.

U protekle dvije godine Javna ustanova znači Narodno pozorište evo zaradila je negdje blizu 110 hiljada maraka. Ako uzmemo u obzir da su obje ove godine za svaku vrstu poslovanja bile teške, uspjeli ste dobro prihodovali i na tome vam zaista čestitam.

Pozorište je institucija koja pored svojih predstava bude domaćin mnogim drugim manifestacijama, izložbama, svim drugim događajima i u ovoj kovid pandemiji je jako dobro odgovorilo svim izazovima pred kojima ste se nalazili.

Čestitam svim zaposlenicima koji su promovisali našu javnu ustanovu, a samim tim i grad Tuzlu u najboljem svjetlu na svim gostujućim predstavama i izborima koji su i vama i nama donijeli brojne nagrade, a samim tim znači i opravdali ste sve zadatke koji su vam bili povjereni u protekloj godini.

Evo znači, putovali ste u Živinice, Sarajevo, Novi Sad, Banja Luku, Jajce, Zenica, Sarajevo, Pečuh, Vinkovce, Srebrenik, Jajce, Gradačac, znači i tu ste osvojili zaista brojna priznanja i ja vam na tome čestitam. Čestitam za najbolji dramski tekst savremenog autora za najbolju dramaturgiju, predstave za najbolje glumačko ostvarenje, nagradu publike za najbolju glumicu koju je osvojila vaša glumica. Znači, uvijek ste u svemu dobar domaćin, u svemu što organizujete i samo što mogu reći znači, da možemo da i Klub SDP-a zajedno naravno sa mnom, a ja evo govorim u ime i Kluba i u svoje lično ime glasat ćemo za i dat ćemo podršku ovakvom jednom izvještaju.

REFERIRAT ĆU SE SAMO KRATKO NA USTANOVU ZA PREDŠKOLSKI ODGOJ I OBRAZOVANJE Obzirom da sam dobila odgovor koji je vezan za izgradnju dječijeg igrališta u odgojnoj grupi „Zeko“ na Bulevaru.

I dobila sam odgovor sa kojim iskreno nisam zadovoljna, jer nisu predviđena sredstva za izgradnju novih dječijih igrališta. Ali takođe dobila sam odgovor koji piše da služba ima nadležnost za izgradnju i održavanje igrališta na javnim površinama, odnosno igrališta koja su dostupna za svu djecu. Ovo sam malo shvatila kao da nisam ja dobro možda shvaćena u svojoj inicijativi.

Tražila sam igralište da se naprave za svu djecu na Bulevaru, ali koja igralište koje bi u tom slučaju bilo prilagođeno za korištenje Javnoj ustanovi za predškolski odgoj „Naše dijete“.

I voljela bih da ovdje bude zaključak naravno ako je direktorica saglasna a već smo razgovarale:

Da sama Ustanova stupi u vezu, odnosno da se dogovori sa Službom za komunalne poslove na koji način bi možda izgledalo eventualno igralište za koje bi, jer su rekli da će razmotrit mogućnost u narednom periodu da se izgradi to igralište.

Radi se zaista o jednoj, o dijelu gdje se djeca nalaze koji nema ni izlaza na balkon i zaista mi je stalo da sama Ustanova ima bolje uslove za odgoj i obrazovanje „Naše dijete“ u tom predškolskom periodu.

Zato bih voljela da direktorica se poveže sa Službom i da vide na koji način mogu izgraditi to igralište da je prilagođeno i djeci, a naravno i svojoj ostaloj djeci na Bulevaru. Ne bi voljela da napravim diskriminaciju.

**ŠTO SE TIČE CENTRA ZA KULTURU** Zaista evo samo kratko ću se referirati. Čestitam novom, novoizabranom direktoru. Imate jako puno manifestacija koje obilaze brojni građani, posjećuju ih mnoge. Čestitam na tome što ste uspjeli da iznađete sredstva i mogućnosti znači, da renovirate zgradu kojoj je zaista renoviranje bilo potrebno. Evo nadam se i u narednom periodu da ćete imati jako velike projekte na koje, gdje ćete promovirati naš grad naravno, a u potpunosti ste opravdali ovo ime znači, Centar za kulturu.

- Moram samo kratko da se referišem na zaključak Selme Čatibušić i da je podržavam u potpunosti iz razloga što takođe kao vijećnica, evo kao Merima Softić imam informaciju da ne postoji, ne postoji ginekološki sto, nego samo onaj koji je prilagodljiv osobama invalidnim licima i voljela bih zaista u narednom periodu da se radi na tome da se nabavi sto koji je direktno povezan znači za pregled za invalidna lica. Dovoljno je sam pregled taj neugodan, tako da bi voljela da osobe kojima je i te kako potreban bar malo bude ugodniji sa novim stolom. Hvala.

## **NATAŠA PERIĆ**

U redu. Hvala Merima. Sljedeći za riječ se javio vijećnik Elvir Bijedić. Neka se pripremi vijećnik Hasib Hirkić.

## **ELVIR BIJEDIĆ**

Zahvaljujem predsjedavajuća. PA EVO JA SAM ISKORISTIO PRILIKU U IME KLUBA DA IZNESEM SVOJE, ODNOSNO VIĐENJE SVOJIH KOLEGA KADA JE U PITANJU JAVNA USTANOVA DOM ZDRAVLJA, ALI ISTO TAKO BIH SE KRATKO OSVRNUO NA OSTALE TRI USTANOVE dakle.

I da izrazim zadovoljstvo dakle, na način kako su se izborili u proteklo vrijeme sa pandemijom naravno uz pomoć ovog Gradskog vijeća i Gradske uprave. Drago mi je da su stali na noge i kako Centar za kulturu vidimo sad da se ne ponavlja kolegica Merima je to obrazložila. Javna ustanova pozorište sve je već jasno osim brojnih nagrada dakle, redovno nas obrađuju sa premijerama dakle, jedno osvježanje na ovo tako kaže pospandemijsko vrijeme.

JAVNA USTANOVA PREDŠKOLSKI ODGOJ I OBRAZOVANJE „NAŠE DIJETE“ TUZLA. Vrlo često imam priliku i ovo, koristim priliku pa i ovaj ću put dakle, zaista da pohvalim rad svih uposlenika i uposlenica u Javnoj ustanovi „Naše dijete“ sa akcentom dakle, i uvijek to pohvalim, pogotovo u situaciji sada promjene, drastične promjene cijene hrane na tržištu dakle, da im damo podršku i sa ovog Vijeća, a konkretnije možda u nekom od narednih rebalansa vidjet ćemo.

Dakle, vrlo vrijedno i radno ažuriraju svoju web stranicu kad je u pitanju dnevni pregled ishrane dakle, šta nam to djeca jedu u vrtićima i smatram to jako bitnim dakle, u vrijeme kad imamo, doktorica će se složiti vjerovatno sa mnom neviđenu pretilost dakle, pojavu pretilosti među djecom.

Ja ću biti konkretan kad su u pitanju dva zaključka a tiču se Javne ustanove pozorište:

-Pa da Ministarstvo prostornog uređenja i zaštite okoliša Tuzlanskog kantona da apelujemo dakle, da razmotri mogućnost iznalaženja sredstava za utopljanje objekta. Da budemo vrlo konkretni dakle, i za zamjenu stolarije, a sve u smislu energetske efikasnosti

dakle, i naravno toplije površine unutra i kao vijećnici i naravno i oni koji konzumiraju njihove usluge i predstave koje nam daju znaju kako unutra zna biti hladno iako je grijanje dobro ali jednostavno energetski je neiskoristivo. Pa eto nadam se da ćemo to podržati.

- I još jedan zaključak:

Složio bih se sa kolegom Čavalićem da omladini treba dakle, pružiti mogućnost i besplatne karte. Da. Njima zaista treba biti besplatna karta, ali i složiti ćete se sa mnom ako hoćete da uputimo zaključak Ministarstvu obrazovanja i nauke da fakturiše im pozorište dakle, te karte koje će oni dobiti kako bi se je li taj nivo kulture zaista podigao na jedan viši nivo. Hvala.

## **NATAŠA PERIĆ**

Hvala. Vijećnik Hasib Hirkić. Neka se pripremi vijećnica Ana Pejić.

## **HASIB HIRKIĆ**

Zahvaljujem predsjedavajuća. Evo ja ću kratko samo da se, da pozdravim i prisutne i direktore.

Da kažem samo s obzirom na prošli Izvještaj Doma zdravlja mislim da je već 90% riješenih problema, a to je znači uspjeh direktora. S obzirom da sam otprilike zabilježio deset problema ovo što je kolega Čavalić, Berbić i Selma što je pomenula sto. Gospodin Zijo je malo više pričao o nekim drugim stvarima koje treba i na tome poraditi i uvažiti, ali vidim znači da je direktor na osnovu ovoga radio puno i da je riješio ogroman broj problema.

S obzirom da je gospodin Mensur Alić insistirao više puta na nekim našim koracima kako i na koji način doprinijeti i pomoći Domu zdravlja i mislim evo da je i to najvjerojatnije pomoglo kod samih rješenja u primarnoj zdravstvenoj zaštiti, ali evo da bi otklonili i taj problem koji se evo ponavlja da već nam bude zadaća na rebalansu Budžeta da izdvojimo ta sredstva, da nađemo neko rješenje kako da izdvojimo ta sredstva za taj, za kupnju tog ginekološkog stola i tih nekih sitnica koje trebaju, a na tome je već gospodin Alić i insistirao.

Znači, ovo je jedan veliki napredak, jedan veliki iskorak u ovome vremenu da je, pa mogu reći 90% od onoga što je na prošlom izvještaju bilo, ako sad vidimo i analiziramo ovo današnje stanje sa ovih nekoliko kritika koje treba evo i uvažiti i poraditi na tome, onda je direktor uspio sa menadžmentom riješiti ogroman dio problema.

Ovi ostali izvještaji direktora, ovo što je gospodin Čavalić i predložio možda bi trebalo evo uvažiti da te neke karte i posjete budu besplatne.

Čestitao bih direktorima i mogu reći da su napravili jedan veliki posao u ovom kratkom vremenu. Hvala.

## **NATAŠA PERIĆ**

U redu hvala. Vijećnica Ana Pejić. Neka se pripremi vijećnik Nedžad Jusić.

## **ANA PEJIĆ**

Ja pozdravljam sve prisutne direktore i SAMO ĆU SE KRATKO OSVRNUTI NA IZVJEŠTAJ JAVNE USTANOVE „NAŠE DIJETE“. Prije svega bih pohvalila ovaj izvještaj i sam rad Ustanove za predškolski odgoj i obrazovanje „Naše dijete“ Tuzla i predložila bih samo jedan zaključak ako može?

- S obzirom na trenutna poskupljenja prehrambenih proizvoda koja su prisutna da se na narednom rebalansu to uzme u obzir i da se pokušaju obezbjediti i dodatna sredstva za ovu

Ustanovu, jer ovdje se ipak radi o našim najmanjim i najmlađim sugrađanima jednih od najosjetljivijih kategorija u našem gradu.

## **NATAŠA PERIĆ**

U redu hvala. Vijećnik Nedžad Jusić. Neka se pripremi vijećnica Esana Kavazbašić Huskanović. Izvolite Nedžade.

## **NEDŽAD JUSIĆ**

E hvala. ZNAČI RAZMATRAMO IZVJEŠTAJ O RADU JAVNIH USTANOVA OVE ČETRI USTANOVE i ja, osjetio sam potrebu i dosta je to rečeno već. Moji prethodnici su rekli dosta i dobrih i loših stvari što kolega Ćerim reče svi trebamo da težimo ka boljem i treba normalno svi građani da uživaju bolje usluge od svih, ali u skladu sa mogućnostima i samih Ustanova koliko mogu da pruže te usluge.

JA BI OVU PRILIKU ISKORISTIO DA SE ZAHVALIM MENADŽMENTU JAVNE ZDRAVSTVENO NASTAVNE USTANOVE DOM ZDRAVLJA TUZLA S obzirom da u prethodnom periodu u prošloj godini smo radili jedan zajednički projekat, zajedničku aktivnost gdje su 200 osoba, od toga je negdje oko 100 žena, 50 muškaraca i pedesetero djece, ako se ja ne varam, izvršili kompletne sistematske preglede zahvaljujući ponovo kažem Javnoj zdravstvenoj ustanovi u Udruženju Roma „Euro Rom“ koji je organizovao to sve i mogu sve pohvale da kažem na kraj krajeva za svo osoblje doktori i doktorice i svo na kraj krajeva osoblje radnici javne zdravstvene ustanove i da su profesionalno uradili u skladu sa svojim mogućnostima i pružili pomenute preglede. Ja se nadam u narednom periodu da ćemo mi nastaviti sa ovakvim i sličnim aktivnostima, a ponovo kažem za dobrobit građana grada Tuzle.

Također moram, kada sam čitao IZVJEŠTAJ O RADU I POSLOVANJU ZA PERIOD OD 01.01 do 31.12.2021. GODINE CENTAR ZA KULTURU TUZLA tačno je, od kolega neko rekao da je dosta urađeno aktivnosti vezano na promovisanju kulture u gradu Tuzla, al takođe želim, takođe menadžmentu da se zahvalim koji je usvojio moju inicijativu vezano da se pokrenu određene aktivnosti vezane za očuvanje kulturnog identiteta nacionalnih manjina u gradu Tuzla i ja sam siguran u tome da će u toku 2022. i u budućnosti biti što više aktivnosti i manifestacija koji će ići u tom pravcu na očuvanju kulturnog identiteta nacionalnih manjina u gradu Tuzla.

Takođe želim da se napomenemo s obzirom pošto ja pored Gradskog vijeća sam direktno uključen i u dodatne aktivnosti vezano za realizaciju određenih programa aktivnosti u gradu Tuzla, tako da smo ostvarili izuzetnu dobru saradnju sa Javnom ustanovom za predškolski odgoj i obrazovanje „Naše dijete“ Tuzla.

Između ostalog zahvalio bih se direktorici koja je uzela učešće u realizaciji aktivnosti u programu Romacted II gdje je uključena direktno u jednu intersektorsku radnu grupu gdje ćemo u narednom periodu kreirati određene programe, određene aktivnosti kako bi djecu iz romske populacije u skladu sa mogućnostima ponovo kažem doveli u predškolske ustanove, odnosno u vrtiće, jel nažalost prema trenutnoj situaciji je veoma mal broj romske djece u predškolskim ustanovama i hvala još jednom svima na dobroj suradnji i nadam se ta suradnja da će se nastaviti i u narednom periodu.

## **NATAŠA PERIĆ**

Hvala Nedžade. Vijećnica Esana Kavazbašić Huskanović. Izvolite.

## ESANA KAVAZBAŠIĆ HUSKANOVIĆ

Prvo želim da pozdravim sve prisutne direktore i direktorice. PRVO BI ZNAČI KOMENTARISALA IZVJEŠTAJ DOMA ZDRAVLJA pošto se bavim tom strukom i imam i pohvala, ali imam i više kritika. Najviše što me smeta kod rada Doma zdravlja jeste redovi koje oni ne mogu nikako da riješe. Znači, dešavalo se sad februar i mart mjesec da je jako puno oboljelih moralo stajati znači, ispred Doma zdravlja po kiši. Znači, ljudi su bili mokri i stajali su satima u redu da bi došli na svoj termin i niko nije pokušao riješiti taj problem na bilo koji način. Da li da naprave neku nadstrešnicu, dal da ubrzaju svoj rad, dal da bolje naprave tu reorganizaciju zakazivanja termina. Smatram da je to nedopustiv odnos prema ljudima koji se tu liječe. Pogotovo prema oboljelim osobama, jer samim tim što satima sjede na kiši, na hladnom pogotov za kovid testiranja pomješani znači, zdravi i bolesni pacijenti čekaju u istom redu na manje od pola metra udaljenosti da bi bili testirani znači predstavljaju jedan vrlo opasan izvor zaraze.

- Druga stvar koja me interesuje u vezi rada Doma zdravlja jeste taj famozni mamogram novi koji je došao, koji je digitalni, koji već tu stoji mjesecima, lijepo upakovan. Zaista voljela bih znati šta je problem s tim i šta je zaista potrebno Domu zdravlja ili da li mi možemo kao Gradsko vijeće nešto učiniti da njima pomognemo kako bi se taj mamogram konačno instalirao i počeo raditi znači, da bismo smanjili broj pacijenata?

- Druga stvar koja me interesuje znači, koliko osoba trenutno očitava snimke znači, sa ovog starog mamograma, koliko se dugo čeka na termin, koliko dugo se čeka na očitavanje snimaka i koliko ih je prosjek znači urađenih snimaka mjesečno?

To smatram izuzetno važnim jel sam dobila da osobe koje su oboljele od karcinoma dojke znači, u principu čekaju negdje do šest mjeseci da bi uradili snimak. Kad urade snimak nakon toga moraju čekat još tri mjeseca na očitavanje snimka jer je većina specijalista na bolovanju i to za te oboljele osobe predstavlja veliki problem, jer to je predug period čekanja za sve i onda si primoran ići to privatno raditi što košta i svako sebi to ne može priuštiti.

- Drugo što me interesuje znači, broj trenutnih specijalizanata koji se nalaze na specijalizaciji i koje su to tačno specijalizacije u pitanju i koji broj specijalista ide u naredne dvije godine u penziju i isto tako koje su specijalističke struke u pitanju?

(NATAŠA PERIĆ – Privodite kraju samo.)

ŠTO SE TIČE CENTRA ZA KULTURU sve pohvale.

- Samo bi volila jednu stvar da se uzme u obzir znači, da svoj rad trebaju prilagoditi osobama dobne skupine od 14 do 17 godina. Treba, sad pošto ide prostor u renoviranje znači negdje planirati da se napravi neki sadržaj i radionice za uzrast ove djece od 14 do 17 godina, da to bude mjesto njihovog interesovanja za druženje. Možda napraviti neku anketu među, među tom djecom da se vide šta oni očekuju od tog Centra za kulturu i na koji način bi oni željeli da to bude urađeno, jer bi to bio izuzetan način da se tu ta najugroženija i najosjetljivija dobna skupina okuplja i da ih maknemo jednostavno s ulice. Tu bi se mogle i radionice i različiti sadržaji napraviti, jer ovo je ideja moje kćerke koja ima 15 godina i volila bi se tu družiti.

ŠTO SE TIČE „NARODNOG POZORIŠTA“ (NATAŠA PERIĆ – Isteklo vam je vrijeme.) Aha evo samo ću Narodno pozorište. (NATAŠA PERIĆ – Možete. Hajte.)

Što se mene tiče znači, sve pohvale za rad u datim uslovima i smatram da im trebamo izdvojiti veća sredstva, jer zaista su izuzetne uslove postigli s obzirom u kojim uslovima rade da sve pohvale koje su dobili, predstave koje su održali i ostalo i smatram da ih trebamo podržati na ovom putu još većim sredstvima. Hvala.

## NATAŠA PERIĆ

U redu hvala. Vijećnik Omer Berbić. Izvolite.

## OMER BERBIĆ

Hvala ljepo. EVO JA ĆU SE JOŠ MALO REFERISATI NA DOM ZDRAVLJA, pa ću dalje na izvještaje.

Zanima me znači, još par pitanja:

Prvenstveno šta se desilo sa novcem koje je Gradsko vijeće obezbjedilo u budžetu, a za utopljavanje? Gospodin Alić što je insistirao na tom dijelu.

Zašto se na specijalističke preglede čeka od dva do pet mjeseci?

I možemo li evo razdvojiti to školski dio i onkološko, onkološke pacijente kako djeca i stariji ljudi koji imaju probleme, koji su bolesni da ne bi mogli, ne bi trebali, ne bi trebali biti zajedno u istoj prostoriji?

I zanima me evo zbog čega recimo Porodična ambulanta u Solini ima samo, samo jednog ljekara pošto znamo kolika je Solina? Ali dobro toliko o Domu zdravlja.

Dao sam zaključke.

Ono što mene dalje zanima su ostali izvještaji.

PRIJE SVEGA KADA GOVORIM RECIMO O CENTRU ZA KULTURU moram da pohvalim izvještaj. Izuzetno detaljan izvještaj i izuzetno puno informacija se može izvaditi iz ovog izvještaja. O tome ko je bio, zašta je koristio, da se odgovorilo na sva pitanja i sve inicijative na način na koji se odgovorilo znači, u propisanom roku. Želim tu da pohvalim stvarno menadžment centra za kulturu. Međutim, mislim da bi mi kao Gradsko vijeće mogli dosta da unaprijedimo određene dijelove Centra za kulturu. Kada kažem određene dijelove tu smatram na Dom mladih.

Kada govorimo o Domu mladih vjerovatno bi trebali da promjenimo njegovu funkciju donekle. Njegova funkcija bi trebala da bude funkcija onako po mom nekom razmišljanju da se tu napravi hab za frilensere i da se napravi hab za nevladine organizacije gdje bi nevladine organizacije mogle da svoje mjesto prebivališta tu stave gdje bi im dolazila pošta, dolazili računi itd. i gdje bi se mogle rentati kancelarije po potrebi za nevladine organizacije, pošto sada nevladine organizacije uzimaju puno prostora od Grada na ovaj način bi mi oslobodili gradske prostore i ovaj hab za frilensere to bi bilo mjesto gdje bi se frilenseri mogli, mogli zajedno je li okupljati i družiti itd., plaćali bi, plaćali bi tu uslugu i to bi u suštini bilo po uzoru na najmodernije svjetske gradove kako bi mi i nekako privukli ovu skupinu ljudi koja zarađuje ogromne novce i koji troši ogromne novce u, koje, koje troši ogromne novce u našem gradu.

Znači, što se tiče Doma mladih mislim da on može imati i bolju funkciju, može da ima efikasniju funkciju i smatram da bi evo ovo preduzeće trebalo da napravi eventualno neku studiju isplativosti za ova dva, za ova dva projekta uz jedan projekat koji bi vratio je li Klub palmu u ono što je nekada bila. Klub palma je uvijek bila neka taj korektivni faktor u noćnom životu Tuzle kada imate narodnjake, džigeru itd. na svakom koraku. Ovaj Klub palma u Domu mladih je bio taj korektivni faktor. Dobio sam informaciju da se evo napokon i otvara nakon pandemije i želim to da pohvalim, evo menadžment što je uspio da nađe zakupca za taj dio i nadam se da će se Klub palma u Domu mladih opet dobiti onaj svoj izborni, izborni izvještaj. Izvorni, izvorni pogledaj.

IZVJEŠTAJ O RADU JAVNE USTANOVE „NARODNO POZORIŠTE“ ZA 2021. GODINU To se može zaista samo pohvaliti. Složio bi se sa kolegom Čavalićem oko ovih zaključaka koji su ja mislim stvarno dobri i da bi ovim nekako i tu kulturu u gradu Tuzla digli na jedna nivo na kojem ona nije sada.

ŠTO SE TIČE „NAŠEG DJETETA“ Opet isto. Želim da pohvalim izvještaj.

- I želim da pitam da li mi možemo dobiti informaciju koliko trenutno ima djece na čekanju kako bi eventualno mogli da nađemo neko drugo rješenje i da vidimo šta Grad Tuzla, odnosno Gradsko vijeće može, može napraviti po ovom pitanju?

Ne bi ja više dužio. (NATAŠA PERIĆ – Privodi samo...)

Želio bih samo još jednu stvar da zamolim Službu, ali ne bi ja to stavljao kao zaključak, nema, nema potrebe, mislim da možemo i ovako iskomunicirati a to jeste:

- Kada dobijamo izvještaje za ovu godinu samo da nam dostavite zaključke sa izvještaja sa prošle godine.

Znači, mi zaključke koje smo usvojili kao Gradsko vijeće pošto bi ja volio sad evo recimo da zaključke koje smo usvojili za Dom zdravlja sa prošle godine kompariram u odnosu na izvještaj koji je, koji nam je ovdje kako bi mi usporedili šta se uradilo od tih zaključaka što je Gradsko vijeće naložilo, jer je Gradsko vijeće u neku ruku i poslodavac ovim javnim ustanovama i javnim preduzećima. Eto toliko od mene. Hvala ljepo.

## **NATAŠA PERIĆ**

U redu. Hvala Omere. Da li se još neko javlja od vijećnika. Dobro. Idemo drugi krug. Vijećnik Admir Čavalić. Izvolite.

## **ADMIR ČAVALIĆ**

Hvala puno predsjedavajuća. Vezano ovo što je kolega Omer govorio dakle, samo je Centar za kulturu Tuzla dostavio zaključke i pohvala na tome dakle, i odgovore na vijećnička pitanja i na inicijative.

Ja inače nisam se mislio javljati vezano za ovaj izvještaj, jer manje više sve je rečeno i sve je u redu, samo bi imao jedno pitanje:

- Na kraju navode u izvještaju da su našli da imaju jednog zaposlenika sa neakreditovanim tom diplomom. Zanima me dakle, da li su bilo šta poduzeli po tom pitanju?

Dakle, oni su u izvještaju piše da su našli dakle, to je kolegica Selma postavila pitanje i otkrili su da ima jedan zaposlenik. Zanima me šta se dešava sad jel se šta radi po tom pitanju i koja je sudbina tog zaposlenika?

VEZANO ZA „NARODNO POZORIŠTE“ Opet da podcrtam dakle, ove svoje zaključke.

Slažem se sa kolegom Elvirom, al bi opet volio da bude garancija da pozorište i Grad Tuzla preuzmu na sebe i da uključe Ministarstvo obrazovanja.

Za ovo 18 godina da dobiju godišnju dakle, kartu besplatno.

A vezano za ovu drugi zaključak da uopšte bude godišnja karta besplatno. Samo da razumijete logiku. Vrlo konstruktivan prijedlog.

Dakle, za sada pozorište zaradi 79 000 maraka pretpostavljam većinom na ulaznicama. Ima otprilike 1600 gledaoca koliko sam mogo vidjeti na ovoj velkoj sceni. Procjena je kad bi bilo besplatno da bi bilo oko 5000 gledalaca, 5000 gledalaca znači da su sponzori spremni i donatori da podrže dakle, taj iznos 80 000 maraka možemo mi to raspodjeliti na kanton, na Grad Tuzla i na nove sponzore, a novi sponzori će doći zato što će biti gledaoca. Dakle, ako je pozorište besplatno za sve izuzev premijere imat ćete za svaku predstavu 150 gledaoca puna. Dakle, to znači da ćete odmah imati sponzore.

- I moje pitanje je u tom kontekstu za menadžment koliko je sponzora u 2021. godini novih dobiven dakle, koliko smo dobili novih sponzora?

Ali kažem ovo bi bio vrlo iskorak, ovo je iskorak dakle, ovo je, ovo mijenjamo paradigmu generalno po pitanju kulture u Tuzli i u Bosni i Hercegovini namećemo se opet ko lideri dakle i ovo je konkretna stvar nije, nije ništa onako u nekoj magli.

Takođe zaključak:

Da se poveća broj ovih dječijih predstava. Možda griješim ali vidio sam samo u decembru da se na dječijoj sceni izvode, a bilo bi dobro dakle, svaki mjesec minimalno jedna da bude na dječijoj sceni. Dakle, to je zaključak ispred Gradskog vijeća.

Ali kažem ova vezano za besplatne karte vjerujte mi izuzetna stvar. Dakle, napunili bi pozorišta i onda nema više izgovora ni za onog i ko gleda i ne gleda da ne dođe dakle.

A koja je pojenta? Zašto je to? Pa 6,10% je samo prihoda po osnovu ulaznica dakle, potpuno nebitno u ukupnim приходima. Potpuno nebitna stavka. Kanton je bitan, bitan je Grad Tuzla kao osnivači. Ovo ostalo dakle, to je samo nako sport i pazite. Fiksni troškovi su isti da li bilo pet gledalaca ili 20 koliko je minimalno ili 150. Isti su fiksni troškovi dakle, glumci moraju izać, održat tu predstavu, mora se svjetlo upaliti, mora se elektronika upaliti, šta već, treba svi troškovi se moraju izvest i sl.

**VEZANO ZA JAVNU USTANOVU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA** Na četrnestoj stranici navode se ovih 28 maraka zarez 61 KM podrška od INO vlada. Zanima me onako čisto šta je to šta je tih 28 maraka?

I navodi se pad prihoda od Grada Tuzle i Vlade TK. Zašto je to tako i da li će se raditi na vraćanju tih prihoda?

I zanima me kako su ove izmjene Zakona o predškolskom obrazovanju uticale na Kantonalnom nivou, uticale na ovu Ustanovu pozitivno, negativno, neutralno?

**ZADNJA STVAR VEZANO ZA DOM ZDRAVLJA** dakle, opet vraćam se, ja sam lično posvjedočio dakle, onaj general Munja kako ga zovu. Nažalost je bolestan. Došao je, nije bilo lijekova ali poslali su ga samog da kupi. Sam doktor kaže predamnom, slučajno sam sjedio tu, nije možda znao da sam Gradski vijećnik, kaže izvini stvarno nemamo lijekova, moraš sam otići da kupiš neke bezazlene lijekove. Scena je bila. Drama je bila. Pitam tu medicinsku sestru jel stvarno tako? Kaže jeste. Pa jel vam treba para više od Vijeća? Kaže samo bolja organizacija.

Tako da moja preporuka ako treba šta od Vijeća, Vijeća još više sredstava tu smo. Dajte da ne fali lijekova, ali još gore nemojte da fali papira za doznake. To kad sam čuo nevjerovatno. Dakle, papira u Mikro stanici Bulevar nema papira za doznake. To, sjeti se početka, ko da smo na početku dvadesetog stoljeća dakle nedostaje papira.

Dva zaključka nudim. Imam još 30 sekundi.

Prvi je:

Da se krene sa procesom digitalizacije kartona u Domu zdravlja. Zašto? Jer Jer vrlo vjerovatno da ćemo brzo dobiti ove elektronske knjižice. Dakle, da se krene sa procesom digitalizacije naših kartona, da ide u računar i da se vodi na serverima, a ne da bude onako karton u papirnom obliku.

I druga stvar, drugi zaključak prema Zavodu zdravstvenog osiguranja Tuzlanskog kantona:

Gradsko vijeće Grada Tuzla traži da se ubrza postupak donošenja usvajanje implementacije elektronskih knjižica. Sramota me više. Kad idem po drugim kantonima nevjerovatno Hercegovačko-neretvanski, Unsko-sanski čak koji spada u red tri najnerazvijena kantona u Federaciji BiH ima elektronske knjižice, a mi još uvijek koristimo papir i analogne gdje ljudi moraju pečat da udare i da bi ga ovjerali i dakle, da se ubrza. To, to je zaključak. Hvala puno.

**NATAŠA PERIĆ**

U redu hvala. Vijećnica Selma Čatibušić. Nek se pripremi vijećnik Zijah Rifatbegović.



## **SELMA ČATIBUŠIĆ**

Ja imam samo je jedno pitanje i par zaključaka bi predložila.

Kada je kolega Čavalić spomenuo „Narodno pozorište“ i konkretno eto dječije predstave voljela bih da mi direktor odgovori koliko organizovanih posjeta od strane osnovnih i srednjih škola bilo je u prethodnoj godini od strane „Narodnog pozorišta“?

Mislim da u principu svakako to nije do „Narodnog pozorišta“ oni organizuju je li predstavu, tj. naprave predstavu, a sad je pitanje koliko će osnovne i srednje škole imati volju i želju da, da posjete Narodno pozorište, a to smatram da bismo mi onda dalje i prema Kantonu uopšte kada je u pitanju obrazovanje mogli sugerisati i evo sa ovog nivoa da djeca koja su u osnovnim i srednjim školama, pogotovo u osnovnim više posjećuju pozorište. Samim tim vjerujem znam kad sam i ja bila mlađa, kad sam bila dijete, da i lektire koje mi možda nisu bile toliko drage kada bi pogledala predstavu koja je, koja je zapravo ta lektira i sama knjiga bi me više zainteresirala.

Što se tiče prijedloga zaključaka već sam spomenula taj inkluzivni dio u izvještaju samo bi eto to voljela da se stavi i kao zaključak da:

Javna ustanova „Naše dijete“ u svom izvještaju ima i dio koji će se referisati na to koliko javna ustanova radi na, na inkluziji same djece pogotovo djece je li sa poteškoćama u razvoju?

I naravno znači, u desetom mjesecu nije u dvanaestom mjesecu Gradsko vijeće Tuzla kaže:

Traži od direktora Javne ustanove Dom zdravlja „Mustafa Šehović“ da u narednih mjesec dana pokrene proceduru i da o tome obavijesti Gradsko vijeće Grada Tuzle da se pored postojećeg prilagođenog ginekološkog stola nabavi još jedan ginekološki sto koji bi bio savremeniji, još više prilagođen za pregled žena sa invaliditetom i koji bi bio smješten u suterenu Domu zdravlja, odnosno čime bi se olakšao pristup i sam ginekološki pregled žena sa invaliditetom.

S tim u vezi predlažem:

Da se ponovi ovaj zaključak, da više ne dobijam zaista odgovore da postoji neki prilagodljiv ginekološki sto, nego da taman postoji još 10 ginekoloških stolova nabavi se stvarno no-vi savremeni ginekološki sto. Da se ispoštuje zaključak Gradskog vijeća iz desetog mjeseca i da se taj ginekološki sto smjesti u prostor, da li u suterenu, da li u prizemlju, koji će biti dostupan ženama i djevojkama sa invaliditetom. Čak i da postoji taj neki prilagođeni ginekološki sto ako je on negdje na ginekologiji na drugom, prvom spratu, a pri tome ne radi ili nema lifta nema od toga ništa, nema svrhe.

Tako da predlažem ponavljanje ovog zaključka i da napokon se krene u javnu nabavku no-vog prilagođenog ginekološkog savremenog stola za žene i djevojke sa invaliditetom. Hvala.

## **NATAŠA PERIĆ**

U redu hvala. Vijećnik Zijah Rifatbegović. Neka se pripremi Esana Kavazbašić.

## **ZIJAH RIFATBEGOVIĆ**

Hvala vam ljepo. JA NISAM SE OSVRNUO NA OVA DRUGA DVA IZVJEŠTAJA KOJI SU CENTAR ZA KULTURU I NARODNO POZORIŠTE. Koristim se prilikom da pohvalim oba direktora i da pohvalim njihov rad i naravno da pohvalim sve ono što oni čine da naš grad izgleda bolje.

Jedino što zamjerim direktoru „Narodnog pozorišta“ Tuzla molim te ubuduće, molim vas ubuduće da grijanja ima u sali kad je, kad je sjednica jer smrzli smo se, prošli put smo se bukvalno smrzli je li tamo i nadam se eto da će to se riješit, ali i rad pozorišta posebno treba i Centra za kulturu istaći kao sigurno je li dvije najreprezentativnije javne ustanove koje svojim radom i svojom prezentacijom kroz svoje, svoje aktivnosti daju jednu lijepu sliku o našem gradu.

Vjerujem da će to biti i sa našim Domom zdravlja u Tuzli, to ja iskreno želim je li i da će se to desit.

I želio bih još kad smo kod Doma zdravlja da predložim dva zaključka:

Prvi zaključak se odnosi na to da ništa nije realizirano od onog što smo utvrdili kao zaključak u prethodnim našim sjednicama, a to je da smo rekli da ćemo ići u rebalans Budžeta na osnovu prijedloga direktora i menadžmenta za potrebe nabavke opreme, adaptaciju prostora i promjenu sistematizacije prema stvarnim i realnim potrebama Javne ustanove Dom zdravlja „Mustafa Šehović“.

Mi smo to usvojili. Jednoglasno smo usvojili kolko se to sjećam i ako provjerite u arhivi je li sjednica Gradskog vijeća vidjet ćete da je to jednoglasno usvojeno.

Nažalost od toga se ništa nije desilo i evo ja bih želio da ponovim da taj zaključak se stavi danas ovdje na glasanje da ispoštujemo ono što smo usvojili prije tri i više mjeseci. Eto toliko.

## **NATAŠA PERIĆ**

U redu hvala. Vijećnica Esana Kavazbašić. Neka se pripremi vijećnik Damir Muratović.

## **ESANA KAVAZBAŠIĆ HUSKANović**

JA BI SAMO NASTAVILA TAMO OTPRILIKE GDJE SAM STALA KOD IZVJEŠTAJA DOMA ZDRAVLJA Mislim moram pohvalit, zaista je dobro urađen. Da ne bude samo da dajemo kritike. Šta bi im dala preporuku. Direktor naročito.

Nekad treba slušati i građane, a i treba svoje osoblje poslušat koja je zaista njihova problematika i ostalo. Znači, ne bi bilo loše uraditi jednu anketu gdje će moći uposlenici znači samo Doma zdravlja ali i građani, odnosno pacijenti koji posjećuju Dom zdravlja znači dat svoje mišljenje i stav i na koji način bi oni poboljšali i promijenili rad samog Doma zdravlja. Znači, treba slušati svoje uposlenike i građane i to bi zaista ili kroz anketne listiće ili napraviti neku anketnu kutiju gdje će ljudi moći staviti ono što im, šta im predstavlja u stvari najveći problem u samom radu Dom zdravlja.

ŠTO SE TIČE USTANOVE „NAŠE DIJETE“ smatram da rade opet dosta dobar posao. Znači, jedino šta bi košto je kolega Admir i Selma i još neke druge kolege ranije rekli znači, trebalo bi povesti malo više računa o djeci sa posebnim potrebama znači da se, sa poteškoćama u razvoju. Znači, da se više uključe u upisivanje u sama obdaništa.

Takođe povesti malo računa o ishrani koju imaju djeca tamo. Ako treba i veća sredstva iz Budžeta Grada izdvojiti al da djeca imaju adekvatnu ishranu takođe ćemo podržati.

Takođe bi volila znači, da se vodi malo više računa o osobama slabije finansijske situacije. Znači, da oni dobiju prednost u odnosu na porodice znači gdje obadva roditelja rade i imaju dostavi visoka primanja, pa možda ne bi bilo loše kao napraviti stavku pri eliminaciji ko će bit primljen, neće bit primljen u samo obdanište, da se vidi kolki je iznos mjesečnih primanja, pa da se napravi neka granica na koji način će to biti rađeno, jer smatram da više „Naše dijete“ bi trebalo prihvatati znači djecu koja su, kojima su roditelji slabijeg znači finansijskog statusa. Eto toliko od mene. Hvala.

## NATAŠA PERIĆ

U redu hvala. Vijećnik Damir Muratović. Izvolite. Molim vas malo tišine samo.

## DAMIR MURATOVIĆ

E hvala. VEZANO ZA JAVNU USTANOVU CENTAR ZA KULTURU TUZLA Mogu samo da pohvalim izvještaj. To je direktor Jahić znači koji ima najviše iskustva od direktora i on može komotno da drži obuku svim drugim direktorima što se tiče menadžmenta i sposobnosti rukovođenja.

Ono jedino pitanje koje sam htio postaviti gospodinu Jahiću jeste pitanje koje je postavio Čavalić. Inače me zanima, nisam te struke. Šta, pošto smo tražili nekoliko puta pitanja da osobe, odnosno zaposlenici koji su sa diplomama neakreditovanih univerziteta šta se događa u radno pravnom statusu?

Eto to, to će nam odgovoriti a i inače me zanima ako neko drugi zna da mi to odgovori.

ŠTO SE TIČE „NARODNOG POZORIŠTA“ Pohvaljujem prije svega domaćinski odnos kako direktora tako i menadžmenta „Narodnog pozorišta“ Tuzla. To je vidljivo i iz izvještaja. Izvještaj je detaljan, pregledan.

Ono što je uvijek problem kod Narodnog pozorišta i Narodne biblioteke je ta upravljačka struktura Kanton-Grad, tako da znamo načine finansiranja i suviše je da to komentarišemo.

U odnosu na period pandemije koji je iza nas hvala Bogu pohvaljujem sve aktivnosti, naročito Tuzlanske pozorišne dane što smo mogli vidjeti iz izvještaja, a i onaj koji je prisustvovao predstavama da je to nešto čime se ponosi i „Narodno pozorište“ i grad Tuzla. Takođe i sve ove navedene nagrade zaposlenika glumaca „Narodnog pozorišta“ su za svaku pohvalu.

Ono što samo želim da bude kao zaključak, a izvedeno je iz ovog izvještaja koji nam je došao iz „Narodnog pozorišta“ jeste sljedeći zaključak znači:

Da Gradsko vijeće podržava napore menadžmenta „Narodnog pozorišta“ Tuzla (NATAŠA PERIĆ – Molim vas malo tišine.) i traži da se rebalansom Budžeta u skladu sa mogućnostima odobre dodatna kapitalna sredstva za ostvarivanje ciljeva i mijera unapređenja navedenih u izvještaju „Narodnog pozorišta“. Prvenstveno tu mislimo na uređenje fasade, stolarije i poboljšanje opreme potrebne u produkciji predstava.

To je ono konkretno i mislim da stvarno „Narodno pozorište“ ne traži puno i onaj problem sa grijanjem znamo da je do fasade, stolarije i svega ostalog. Eto imali smo priliku sticajem okolnosti da budemo svjedoci. To je još više razlog da se trudimo da pomognemo „Narodnom pozorištu“. Tako da molim da ovaj zaključak se stavi na glasanje.

ŠTO SE TIČE JAVNE USTANOVE „NAŠE DIJETE“ TUZLA S obzirom na specifičnost i važnost Ustanove mislim da je malo urađeno da se Ustanovi pomogne na adekvatan način. Prvenstveno tu mislim na prosječnu platu u Ustanovi. Poredim nju sa platama u obrazovanju na kantonu i ovdje ovaj tabela, tabelarni pregled prosječnih plata, bez obzira na ovo što je navedeno da je 8% povećanje, to je jako mizerno kad se pogleda ovaj pregled plata po stručnoj spremi imajući u vidu inflaciju i sva ova poskupljenja u društvu. Tako da bi, s obzirom na kapacitete i finansiranje Javne ustanove „Naše dijete“ trebalo bi se uključiti aktivnije oko toga.

Druga stvar je problem sa tzv. listom čekanja. Ne bih se ponavljao što su prethodne kolege rekle, ali taj podatak ja posljednje podatke kad sam imao da je to bilo oko 50-60 djece. Evo direktorica će kolegama i kolegicama odgovoriti pa ćemo vidjeti kolika je ta lista čekanja.

Imali smo konkretne prijedloge na Gradskom vijeću na koji način da se smanji lista čekanja. Prošle godine jednoglasno usvojen i moj zaključak da se na prostoru Mjesne zajednice

„Šićki Brod“ za to dole područje planira jedna nova organizaciona jedinica Javna ustanova „Naše dijete“ a evo i kolega Hasanbašić je predložio na području Simin Hana, tako da nije bitno kojim će redoslijedom ići, ali ono što je činjenica da trebamo povećati broj organizacionih jedinica sa postojećih 11 na, na više, bez obzira u kojem dijelu grada se to radilo.

S hodno tome predlažem zaključak:

Da se u skladu sa strateškim opredjeljenjem Javne ustanove „Naše dijete“ Tuzla zadužuje resorna Služba i gradonačelnik Grada da zajedno sa nosiocem aktivnosti iznađu modalitet za otvaranje jedne (SLAĐANA KRAJINA – Ja ne mogu stići.)

(NATAŠA PERIĆ – Hoćete li samo polako ne može stići?) (SLAĐANA KRAJINA – Ja ne mogu stići tako brzo napisati zaključak.) Nije problem. Idem iz početka. (NATAŠA PERIĆ – Ma možeš ba dat ovdje zaključak.)

Može nije problem. Znači, u biti poenta je kao i prošle godine da bude zaključak vezano i za Adin kolege Hasanbašića zaključak da nam. Samo da bude u tom zaključku:

Da nam nadležna služba da povratnu informaciju barem do kraja kalendarske godine koje aktivnosti su poduzeli?

Mi ostanemo na tim zaključcima i nikad ne dobijemo odgovor. Imal mogućnosti na rebalansu. Vjerovatno nema. Imal mogućnosti na Budžetu za sljedeću godinu za dvadesetčetvrtu znači, ali da idemo. Gornja Tuzla nam je najbolje pokazala koliko vrijedi ulagati u Javnu ustanovu „Naše dijete“ (NATAŠA PERIĆ – Isteklo vam je vrijeme.) I. (NATAŠA PERIĆ – Hajde ako imaš zaključak?) Dajte mi. Imam još jedan zaključak samo molim vas. (NATAŠA PERIĆ – Hajde, hajde, hajde.)

Ovo, ovo mislim da se direktorica slaže s ovim da samo imate podatak da je 102 zaposlenika angažovano u odgojno obrazovnom radu sa 1200 djece. Stručni tim ima samo 8 članova i pokriva 11 organizacionih jedinica. Tako da samo to daje odgovor.

Zaključak je sljedeći brzo ću ga pročitati:

Da Javna ustanova „Naše dijete“ u skladu sa Pravilnikom o sistematizaciji radnih mjesta, a uz podršku nadležne službe pokrene aktivnosti na kadrovskom jačanju stručnog tima Ustanove sa ciljem kvalitetnije stručne podrške djeci. I opet da se zadužuje resorna Služba da izvijesti Gradsko vijeće do kraja kalendarske godine o poduzetim aktivnostima. Hvala.

## NATAŠA PERIĆ

U redu. Hvala Damire. Zaključujem raspravu vijećnika. Dajem pauzu od 15 minuta. (Pauza.)

Molim vijećnike da se vrate na svoja mjesta.

Prelazimo na izjašnjavanje o izvještajima javnih, o radu javnih ustanova čiji je osnivač ili suosnivač Grad Tuzla za 2021.

Pod a) Izjašnjavamo se o Izvještaju Javne zdravstveno nastavne ustanove Dom zdravlja s poliklinikom „Dr. Mustafa Šehović“ Tuzla. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU DOMA ZDRAVLJA S POLIKLINIKOM „DOKTOR MUSTAFA ŠEHOVIĆ“ TUZLA usvojen sa, 25 glasova za, niko nije bio protiv i 2 suzdržana.

Prelazimo na izjašnjavanje o Izvještaju o radu Javne ustanove molim vas za tišinu Centar za kulturu Tuzla. Molim vijećnike da se izjasne. Glasa...Samo malo. Nije još. Aha. U redu. Glasanje je okončano.

Konstatujem da je IZVJEŠTAJ O RADU JAVNE USTANOVE CENTAR ZA KULTURU TUZLA usvojen sa,  
28 glasova za, niko nije bio protiv i nije bilo suzdržanih.

Prelazimo na treći Izvještaj Javne ustanove „Narodno pozorište“ Tuzla. Molim vijećnike da se izjasne. (vijećnik Admir Čavalić - Kod mene ne radi ovo.) Ovamo. Ovamo. Može li? Samo malo. Hajte brzo do Janje. E može Čavaliću sada. Molim vas samo malo tišine. Nastavljamo sa radom. Glasanje je okončano.

Konstatujem da je IZVJEŠTAJ O RADU JAVNE USTANOVE „NARODNO POZORIŠTE“ TUZLA usvojeno sa,  
29 glasova za, niko nije bio protiv i nije bilo suzdržanih.

Prelazimo na izjašnjavanje o Izvještaju o radu Javne ustanove za predškolski odgoj i obrazovanje „Naše dijete“ Tuzla. Molim vijećnike da se izjasne. Glasanje je okončano.

Konstatujem da je IZVJEŠTAJ JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ usvojen sa,  
28 glasova za, nije bilo protiv i nije bilo suzdržanih.

Sada ću zamoliti sekretara Gradskog vijeća da se izjasnimo o zaključcima koji su proistekli iz rasprave.

#### **SLADANA KRAJINA – sekretar Gradskog vijeća Tuzla**

- Gradsko vijeće Tuzla traži od direktora javnih ustanova čiji su izvještaji o radu razmatrani na današnjoj sjednici Gradskog vijeća da, najkasnije do naredne sjednice Gradskog vijeća, dostave pisane odgovore na pitanja postavljena tokom rasprave kao i na date sugestije i primjedbe. Zadužuje se Stručna služba Gradskog vijeća da izvode iz stenograma sa današnje sjednice Gradskog vijeća, u dijelu rasprave o izvještajima o radu javnih ustanova, dostavi direktorima ustanova radi pripreme pisanih odgovora na pitanja postavljena tokom rasprave i date sugestije i primjedbe.

#### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, 1 je bio protiv i 1 suzdržan.

#### **SLADANA KRAJINA – sekretar Gradskog vijeća Tuzla**

- Gradsko vijeće Tuzla upućuje urgentnu inicijativu Federalnom Ministarstvu zdravstva za uvođenje specijalizacije za školsku i adolescentnu medicinu.

#### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, 1 je bio protiv i nije bilo suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla urgira na realizaciji zaključka usvojenoj na 9. redovnoj sjednici Gradskog vijeća Tuzla, održanoj 30. septembra 2021. godine, kojim je od Ministarstva zdravstva Tuzlanskog kantona zatraženo da uputi urgentni zahtjev Federalnom Ministarstvu zdravstva za izmjenu važećih Standarda i normativa zdravstvene zaštite iz obaveznog zdravstvenog osiguranja, prvenstveno kada je u pitanju normativ zdravstvenog kadra koji osigurava zdravstvenu zaštitu predškolske djece, zdravstvenu zaštitu školske djece i omladine i radiološku dijagnostiku.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i 1 suzdržan.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla traži od Federalnog Ministarstva zdravstva i Ministarstva zdravstva Tuzlanskog kantona da, u okviru svojih nadležnosti, poduzmu aktivnosti na pokretanju procedura kategorizacije domova zdravlja, pri čemu će se voditi računa o razlikama vezanim za stanje zdravstvenih kapaciteta (kadar, oprema, prostor) kao i broj osiguranih lica kojima se pruža zdravstvena zaštita.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i nije bilo suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla traži od menadžmenta i Javne zdravstveno nastavne ustanove sa poliklinikom “Dr. Mustafa Šehović” Tuzla da po hitnom postupku stavi u funkciju donirani mamograf te da o tome do naredne sjednice obavijesti Gradsko vijeće.

**NATAŠA PERIĆ**

Molim vijećnike da se izjasne. Poništavam glasanje. Hajde ponovo. Molim ponovo da se izjasnimo o pročitanoj zaključku. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 19 suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla se zahvaljuje Jusufu Nurkiću na izuzetno vrijednoj donaciji mamografa ovoj ustanovi.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 19 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla pohvaljuje Službu hitne medicinske pomoći za sav trud i rad koji uposlenici ove Službe ulažu i za rezultate koje postižu.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 19 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od gradonačelnika i resornih Službi da se u budžetu Grada Tuzla za 2023. godinu pokušaju iznaći sredstva za povećanje plata uposlenicima Javne ustanove za predškolski odgoj i obrazovanje “Naše dijete” Tuzla.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Gradsko vijeće Tuzla traži od gradonačelnika i resornih Službi da se u budžetu Grada Tuzla za dvijehiljadvedeset. Izvinjavam se. Čitala sam ga već.

- Gradsko vijeće Tuzla traži od gradonačelnika i resornih Službi da se u rebalansu Budžeta Grada Tuzla za 2022. godinu izdvoje potrebna sredstva za otvaranje vrtića u objektu Male škole “Simin Han”.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i 1 suzdržan.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži da se u Javnoj zdravstveno nastavnoj ustanovi Dom zdravlja sa poliklinikom “Dr. Mustafa Šehović” Tuzla uvede redomat i telefon na koji će se uposlenik ove ustanove javljati 24 sata.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 19 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Doma zdravlja sa poliklinikom “Dr. Mustafa Šehović” Tuzla informaciju o tome koliko se čeka na pojedine zdravstvene usluge u ovoj Ustanovi.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvoje sa, 26 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži da svi građani Tuzle koji napune 18 godina dobiju besplatnu godišnju ulaznicu za sve predstave u “Narodnom pozorištu” Tuzla, uključujući i premijere.

**NATAŠA PERIĆ**

Molim vijećnike da se izjasne. (SLAĐANA KRAJINA – Možda ovdje umjesto građani mladi.) Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Deveti zaključak. Mislim da njega nisam dobro napisala pa samo da mi pomognete.

- Gradsko vijeće Tuzla traži od Javne ustanove za predškolski odgoj i obrazovanje “Naše dijete” Tuzla da, ubuduće, u izvještaju o radu ove Ustanove navedu i informaciju o obuhvatu djece.

Ima posebno ono za inkluzije. Jel ovdje bilo nešto o obuhvatu djece ili je ovako? (To je to.) Dobro. To je to. U redu.

**NATAŠA PERIĆ**

Dobro. Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od menadžmenta Javne ustanove za predškolski odgoj i obrazovanje “Naše dijete” Tuzla da, u saradnji sa Službom za komunalne poslove, izgradnju i



poslove mjesnih zajednica, pokušaju iznaći način da se na području Bulevara izgradi jedno dječje igralište koje će biti prilagođeno i djeci u odgojnoj grupi vrtića “Zeko” na Bulevaru.

**NATAŠA PERIĆ**

Molim da se izjasnite. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od gradonačelnika i resornih Službi da se, prilikom rebalansa Budžeta Grada Tuzla, a imajući u vidu aktuelna povećanja cijena prehrambenih proizvoda, pokušaju obezbijediti dodatna sredstva Javnoj ustanovi “Naše dijete” Tuzla za troškove ishrane djece.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugerše Javnoj ustanovi “Narodno pozorište” Tuzla da se poveća broj dječjih predstava.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih. Molim vas za malo tišine.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Dom zdravlja Tuzla da se pokrenu aktivnosti na digitalizaciji zdravstvenih kartona pacijenata.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Zavoda zdravstvenog osiguranja Tuzlanskog kantona da se ubrza proces implementacije elektronskih zdravstvenih legitimacija.

**NATAŠA PERIĆ**

Molim da se izjasnite. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla traži od Javne ustanove za predškolski odgoj i obrazovanje “Naše dijete” Tuzla da izvještaj o radu ove Ustanove ubuduće sadrži i informaciju o inkluziji djece sa poteškoćama u razvoju.

**NATAŠA PERIĆ**

Molim da se izjasnite. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla urgira na realizaciji zaključka usvojenog na 9. redovnoj sjednici Gradskog vijeća Tuzla, održanoj 30. septembra 2021. godine, kojim je od direktora Doma zdravlja “Dr. Mustafa Šehović” Tuzla traženo da u narednih mjesec dana pokrene proceduru i da o tome obavijesti Gradsko vijeće Tuzla, da se, pored postojećeg prilagođenog ginekološkog stola, nabavi još jedan ginekološki sto koji bi bio savremeniji i još više prilagođen za pregled žena sa invaliditetom i koji bi bio smješten u suterenu Doma zdravlja, čime bi se olakšao pristup i sam ginekološki pregled ženama sa invaliditetom.

**NATAŠA PERIĆ**

Molim vijećnike da se izjasne. Glasanje okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla podržava napore menadžmenta Javne ustanove “Narodno pozorište” Tuzla te traži od Grada Tuzla i Ministarstva mladih, kulture i sporta Tuzlanskog kantona da se pokušaju obezbjeđiti dodatna sredstva za ostvarivanje ciljeva i mjera navedenih u Izvještaju o radu ove Ustanove, prvenstveno kada je u pitanju uređenje fasade, stolarije i svih drugih eksternih vizuelnih efekata na zgradi te poboljšanje opreme potrebne u produkciji predstava.

**NATAŠA PERIĆ**

Molim da se izjasnite. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od menadžmenta Javne ustanove za predškolski odgoj i obrazovanje “Naše dijete” Tuzla da se, u skladu sa Pravilnikom o sistematizaciji rada pokrenu aktivnosti na kadrovskom jačanju Stručnog tima Ustanove.

**NATAŠA PERIĆ**

Molim da se izjasnite. Glasanje je okončano.

Konstatujem da je pročitani prijedlog usvojen sa, 28 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla urgira na realizaciji ranije usvojenog zaključka Gradskog vijeća kojim je traženo da se na prijedlog direktora Upravnog odbora Javne ustanove Dom zdravlja sa poliklinikom “Dr. Mustafa Šehović” Tuzla krene u realizaciju nabavke opreme, adaptaciju prostora kao i promjenu sistematizacije radi kadrovskih rješenja što uključuje i rebalans Budžeta.

**NATAŠA PERIĆ**

Molim da se izjasnite. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla urgira na realizaciji ranije usvojenog zaključka kojim se zadužuje Služba za ekonomski razvoj, poduzetništvo i poljoprivredu da, zajedno sa Javnom ustanovom za predškolski odgoj i obrazovanje “Naše dijete” Tuzla, iznađe modalitet za otvaranje nove organizacione jedinice, vrtić u Mjesnoj zajednici “Šićki Brod” za područje Mjesnih zajednica Šićki Brod, Mramor, Ljepunice, Bukinje, Lipnica, Gornja Lipnica, Srednja Lipnica, Husino, Kiseljak i Ljubače, a da se, nakon toga, po sličnom modalitetu, razmotre mogućnosti za dalje širenje mreže vrtića i na ostale periferne mjesne zajednice.

**NATAŠA PERIĆ**

Molim vijećnike da se izjasne. (Greška.) Greška. Hajd ponovit ćemo. De molim vas da se opet izjasnimo. Alene? Glasanje je okončano.

Pročitani zaključak usvojen je sa, 27 glasova za, nije bilo protiv i nije bilo suzdržanih.

Prelazimo na četrnaestu tačku Dnevnog reda:

**RAZMATRANJE:**

**Pod a) INFORMACIJE O PROVEDENOM POSTUPKU PO JAVNOM OGLASU ZA IZBOR PREDSDJEDNIKA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA (sa rang listom najuspješnijih kandidata)**

**b) INFORMACIJE O PROVEDENOM POSTUPKU PO JAVNOM OGLASU ZA IZBOR I IMENOVANJE PREDSEDNIKA I ČLANOVA NADZORNIH ODBORA U JAVNIM USTANOVAMA, ČIJI JE OSNIVAČ GRAD TUZLA (sa rang listom najuspješnijih kandidata) I**

**c) INFORMACIJE O PROVEDENOM POSTUPKU PO JAVNOM OGLASU ZA IZBOR ČLANA UPRAVNOG ODBORA IZ REDA STRUČNIH ZAPOSLENIKA U JAVNU USTANOVU ZA PREDŠKOLSKI ODGOJ I OBRAZOVANJE „NAŠE DIJETE”, ČIJI JE OSNIVAČ GRAD TUZLA (sa rang listom najuspješnijih kandidata)**

Obrađivači su: Molim vas malo tišine. Komisija za izbor predsjednika Upravnog odbora Javne ustanove Centar za socijalni rad Tuzla, čiji je osnivač Grad Tuzla (pod a), Komisija za izbor predsjednika i članova nadzornih odbora javnih ustanova čiji je osnivač Grad Tuzla (pod b), Komisija za izbor člana upravnog odbora iz reda stručnih zaposlenika u Javnoj ustanovi za predškolski odgoj i obrazovanje „Naše dijete“ Tuzla, čiji je osnivač Grad Tuzla (pod c).

Materijal su razmatrali: Komisija za ekonomske odnose, Komisija za poduzetništvo, Komisija za izbor i imenovanja i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i predlažem da za sve tri informacije u paketu glasamo ako se slažete? (SLAĐANA KRAJINA – Ne glasamo. Ne glasamo primamo k znanju sve.) Ne glasamo primamo k znanju. U redu. U redu. Dobro.

Znači sve tri informacije su primljene k znanju.

Prelazimo na petnaestu tačku:

## **RAZMATRANJE IZVJEŠTAJA KOMISIJE ZA IZBOR I IMENOVANJA**

### **SLAĐANA KRAJINA – sekretar Gradskog vijeća Tuzla**

Komisija za izbor i imenovanja je održala sjednicu 27. aprila 2022. godine. (NATAŠA PERIĆ - Molim vas malo tišine još. Malo pažnje moli vas.) te dostavila Gradskom vijeću izvještaj koji ste dobili u materijalu.

Komisija za izbor i imenovanje je razmatrala prijedlog Kluba vijećnika Socijaldemokrata Bosne i Hercegovine za razrješenje i imenovanje novog člana Koordinacijske radne grupe za izradu Programa kapitalnih investicija Grada Tuzla, te usvojila sljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjavanje prosljeđuje prijedlog Kluba vijećnika Socijaldemokrata Bosne i Hercegovine da se:

- Hasib Hirkić razrješi dužnosti člana Koordinacijske radne grupe za izradu Programa kapitalnih investicija Grada Tuzla,

- a da se na dužnost člana Koordinacijske radne grupe za izradu Programa kapitalnih investicija Grada Tuzle izabere Damir Muratović, pa ovaj prijedlog na izjašnjavanje.

**NATAŠA PERIĆ**

Molim vijećnike da se izjasne o prijedlogu. Glasanje je okončano.

Konstatujem da je pročitani prijedlog usvojen sa, 24 glasa za, nije bilo protiv i nije bilo suzdržanih.

#### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba vijećnika Socijaldemokratske partije Bosne i Hercegovine za izmjene u Savjetu Mjesna zajednica Tušanj i Savjetu Mjesna zajednica Brčanska Malta, te usvojila sljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjavanje prosljeđuje prijedlog Kluba vijećnika Socijaldemokratske partije da se:

- Emir Alibašić razrješi dužnosti predsjednika Savjeta Mjesne zajednice Tušanj,
- a da se na dužnosti predsjednika Savjeta Mjesne zajednice Tušanj izabere Fadila Jahić.
- Da se Nenad Dronjak razrješi dužnosti član Savjeta Mjesne zajednice Brčanska Malta,
- a da se na dužnosti član Savjeta Mjesne zajednice Brčanska Malta izabere Jusuf Pašić.

#### **NATAŠA PERIĆ**

Molim vijećnike da se izjasne o pročitanoj prijedlogu. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i nije bilo suzdržanih.

#### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba samostalnih vijećnika za imenovanje članova radnih tijela, te usvojila zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje prosljeđuje prijedlog Kluba samostalnih vijećnika da se:

- Sabit Ahmetović izabere na dužnost člana Komisije za stambena pitanja;
- Alija Bajić izabere na dužnost člana Komisije za zaštitu prava nacionalnih manjina.

#### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 26 glasova za, nije bilo protiv i nije bilo suzdržanih.

#### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba samostalnih vijećnika za izmjenu člana Komisije za zaštitu prava nacionalnih manjina, te usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje prosljeđuje prijedlog Kluba samostalnih vijećnika da se:

- Denis Mujić razrješi dužnosti člana Komisije za zaštitu prava nacionalnih manjina,
- a da se na dužnosti člana Komisije za zaštitu prava nacionalnih manjina izabere Indira Bajramović.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 27 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba vijećnika Platforme za progres za izmjenu člana Savjeta Mjesne zajednice Tušanj, te usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje prosljeđuje prijedlog Kluba vijećnika Platforme za progres da se:

- Alen Kuloglija razrješi dužnosti člana Savjeta Mjesne zajednice Tušanj,
- a da se na dužnosti člana Savjeta Mjesne zajednice Tušanj izabere Enver Abazović.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 27 glasova za, nije bilo protiv i nije bilo suzdržanih.

Pod tačkom šesnaest imamo:

**TEKUĆA PITANJA**

**odnosno Obavještenje Narodne univerzitetske biblioteke „Derviš Sušić“ o razlozima prolongiranja izrade Izvještaja o radu i poslovanju za 2021. i predlažem da informaciju primimo k znanju.**

S ovim smo iscrpili Dnevni red.

Vijećnicima i građanima Tuzle i Bosne i Hercegovine, želim u svoje ime i u ime vijećnika Gradskog vijeća Tuzla uputiti srdačne čestitke povodom nastupajućeg međunarodnog praznika rada, 1. maja.

Takođe, svim vijećnicima i građanima Tuzle i Bosne i Hercegovine, islamske vjeroispovijesti, želim u svoje ime i u ime vijećnika Gradskog vijeća Tuzla uputiti srdačne čestitke povodom nastupajućeg ramazanskog Bajrama, sa željom da ovaj praznik dočekaju i provedu u zdravlju, miru i porodičnoj sreći.

Zahvaljujem se vijećnicima i zaključujem 14. redovnu sjednicu Gradskog vijeća Tuzla.

(S obzirom da je Dnevni red iscrpljen i 14. redovna sjednica Gradskog vijeća Tuzla zaključena ista je završena u 16:58 sati.)

**STENOGRAM SAČINILA**

**Jasminka Delalić**

**PREDSJEDAVAJUĆI**

**Nataša Perić, prof. s.r.**